

# WANTOK

NIUSPEPA BILONG OL PAPUA NIUGINI STRET

Ernst & Young audited/  
circulation 15,177

60 pes


Namba 935

Wik i stat long Fonde Jun 4, 1992.

40 toea

## INSAIT

• Lek bilong Sir Julius i no malolo...p4



• OI NPF woka pasim opis...p11



• 20 pes MOSBI SO

• Bagarapim meri bikpela long Westen provins...p7

RAGBI



• Noten son resis long Madang

# Pasim Ok Tedi

DOMINIC KAKAS i raitim

...na ol toktok bai kamap nau

PRIMIA bilong Westen provins, Isidor Kaseng i tok save pinis long Ok Tedi Maining Limited long stapim ol wok bilong en long Tabubil na Kiunga stat long Jun 13 i go inap long Jun 16, 1992.

Kaseng i bin raitim wanpela pas i go long mensesing dairekta bilong OTML, Chris Brown na askim em long stapim wok long ol dispela tripela de. Bikos em i laikim OTML i mas stretim sampela bikpela hevi bilong ol papa graun pastaim.

Primia Kaseng i tok ol pipel bilong Westen provins bai stapim OTML sapos ol wokman i bikhet na wok yet long ol dispela de. Em i tok ol pipel i askim OTML long stapim wok. Bikos ol i laikim menesmen bilong OTML na nesene! gavman long sindaun wantaim ol na toktok gen long baim ol royalti mani na ol arapela gutpela samting ol pipel bilong Westen provins i mas kisim long ol bagarap em OTML i mekim long graun na wara

bilong ol. *Wantok Niuspepa* i bin kisim pas bilong Primia Kaseng. Tasol taim *Wantok* i askim Brown, em i tok em i no kisim wanpela kain pas olsem. Olsem na Brown i tok em bai i no inap toktok inap long taim em i lukim pas bilong primia.

Kaseng i bin salim narapela pas tu i go long opis bilong Praim Minista Rabbie Namaliu. Na askim em wantaim dipatmen bilong Minerels na Eneji na i go moa long pes 3



*Aigris long kapul bilong graun na diwai...Osamu Mukoya long lephan na Wilson Ilau bilong ples Rigo long Sentrel provins i bin pulim planti lain long Boroko taim tupela i salim dispela tupela pikinini kapul bilong diwai na graun. Dispela kain ol kapul i save gro na kamap bikpela tru. Tupela i bin kilim mama kapul na kisim tupela pikinini i kam salim long K70 long wanpela. Foto: Eddie Saunders.*

## Plis laikim bia i pas nau long hailans

PLIS Fos i laikim olsem no gat wanpela stua o klab bai salim bia long hailans long taim bilong ileksen.

Komanda bilong 1992 ileksen operesen, Bob Nenta i bin givim dispela askim i go long ol hailans primia taim ol i holim namba 22 kibung bilong ol long Hagen, Westen Hailans provins.

Komanda Nenta i tok plis i laikim olsem ileksen bilong hailans long dispela yia i mas kamap gut.

Em i tok wanem samting i bin kamap bipo i soim olsem ol man i save spak na kamapim planti hevi namel long ol pipel na ol ileksen opisa.

Nenta i tokim ol primia, "Mi laik askim yupela long stapim bia tupela wik pastaim long ileksen. Na tupela wik bihain long ileksen,

i go moa long pes 2



## HINO. BOS BILONG OL HAIWE.

**Hino**

## Ela Motors

PORT MORESBY 229400 • LAE 433655 • RABAUL 921988 • MADANG 822188 • GOROKA 721844 • MT HAGEN 521888  
WEWAK 862255 • KAVIENG 942132 • KIMBE 935155 • TABUBIL 589060 • VANIMO 871254 • PORGERA 579367



# Ol Habas Bod woka bai straik

## ... sapos menesmen i no lukluk long sampela askim bilong las yia

JAMES KILA i raitim

MOA long 300 memba bilong PNG Habas Bod Nesenel Emplois Yunien long Mosbi i bin stap wok long Trinde, na tokaut long tingting bilong holim straik sapos menesmen bilong Habas Bod i no lukluk long sampela askim ol i bin givim las yia.

Namba tu presiden bilong Yunien na Interim Tresera bilong Tred Yunion Kongres, Frank Isaac i tok menesmen bilong Habas Bod i no bin mekim wanpela samting long 5-pela wari ol i bin givim long las yia.

### Plis laikim bia pas nau

i kam long pes 1 yupela i ken oraitim ol stua na klab long salim bia gen."

Siaman bilong ol hailans primia kaunsil, Lucas Roika i tok em i no hat long stapim bia long rijon. Long wanem Simbu na Enga i pasim pinis bia long hap bilong ol. Em i samting bilong lsten, Sauten na Enga long bihainim na dispela bai kamap.

Na em i tok ol bai tok save long Komanda Nenda long wanem samting ol i tingting long mekim pastaim long taim bilong ileksen.

Long dispela taim, Nenta i bin tokim ol primia olsem Plis Fos i redi gut pinis long wanpela de bilong kisim ol vot long olgeta 4-pela provins bilong hailans. Na bai i gat moa long 1,300 plisman wantaim difens kampani bai wok long hap bilong hailans.

Na em i tok tu olsem dispela bai i namba wan taim bilong ol plisman na ol ileksen opisa long yusim wantaim ol ka samting long dispela taim.

Olgeta arapela provins bai i gat wanpela de tasol bilong vot. Na lsten Hailans bai i gat tupela.

Long lsten Hailans provins las Fraide, bikpela pait i bin bruk long Kainantu taim ol sapota bilong tupela kendidet i bung. Ol sapota bilong siting memba Avusi Tanao na Joregeso Jorry Tareso Aezefa i bin pait bihain long sampela askim.

Ripot i tok olsem wanpela man i bin dai. Tasol no gat wanpela ripot i kam yet long plis bilong tokaut long dispela. Na i gat ripot tu olsem moa long 70 pipel i bin kisim bagarap.

Long ol dispela askim, Yunien i laikim menesmen long lukluk long givim indastrel awot long ol wokman, wokim polisi o lo bilong haus, senisim 1970 wok na sindaun bilong ol wokman, apim pe bilong ol wokman i go antap long 20 pesen na sensim taim bilong i pinis long wok.

Issac i tok menesmen i bin lukluk long ol dispela askim, tasol ol i bin givim liklik bekim tasol. Habas Bod i bin tokim ol olsem ol bai helpim long lukluk insait long wanwan ol liklik samting tasol na ino olgeta.

Em i tok dispela stap wok em long soim gavman olsem

i nogat gutpela samting Habas Bod i save mekim long ol wokman bilong em. Na gavman i mas lukluk long dispela hevi. Na mekim sampela samting long helpim ol wokman.

Em i tok wanpela samting Habas Bod i no save mekim em long givim gutpela haus long ol wokman. Em i tok hevi bilong haus i stat long 1970s i kam inap nau.

Isaac i tok menesmen i bin kisim ol dispela askim bilong. Tasol nogat gutpela bekim. Olsem na ol wokman i no amamas long dispela.

Em i tok tu olsem dispela stap wok i mas mekim gavman long luksave long askim bilong ol na pusim Habas


Bod menesmen long mekim sampela senis hariap.

Isaac i tok wanpela gutpela piksa gavman mas luksave em long wari bilong haus.

Em i tok planti wokman bilong Habas Bod i no save slip long gutpela haus stat long bipo yet i kam inap nau.

Em i tok olsem dispela wari i stap insait long wanpela askim ol i bin givim menesmen. Ol askim ya em Hom Onasip skim long ol wokman. Na tu long kirapim haus bilong dipatmen yet em ol wokman i ken yusim.

Isaac i tok yunien bilong em i kisim bikpela sapot i kam long PNG Tred Yunien Kongres na PNG Wotasait na Simens woka Yunien.



*Boi Tambunum salim kaving long Mosbi • Philip Suat bilong Is Sepik provins. Em i gat 17 krismas na i stap nating long Waigani, Mosbi siti. Tasol em i no save stap nating olsem ol arapela manki na mekim bikhet pasin. Em save stap wantaim wantok bilong em long Waigani. Na olgeta de em i save salim ol kaving em yet i save katim.*

Suat i bilong ples Tumbunun long Sepik wara. Em i tok olgeta de em bai karim ol kaving insait long bikpela Sepik basket, na go salim long Waigani gavman opis. Ol pablik sevan i save baim ol kaving long putim long tebol o opis bilong ol. Yu wanem man i laikim ol Sepik kaving, sekim yangpela Suat long Waigani. *Poto na stori: Harlyne Joku.*

### Nogat ansa yet long indai bilong Sweden niusman long Kiunga

HARLYNE JOKU i raitim

OL NIUSPEPA ripot long Sweden, Yurop i tokaut olsem wanpela Seden man husat i bin dai long Kiunga, Westen provins long Epril 29, 1992 em wanpela niusman, Per-Ove Carlsson.

Tripela bikpela niuspepa long Sweden i tok Per-Ove i bin mekim wanpela vidio piksa bilong Fri Wes Papua Muvmen, OPM (Operasi Papua Merdeka) taim em i dai. Ol niuspepa ya i tok ol plisman long PNG bilip olsem Per-Ove i kilim em yet. Tasol wanwok, Mats Brolin na famili bilong Per-Ove i no bilipim dispela.

Brata bilong em, Paul Carlsson i tokim ol ripota olsem Per-Ove i gat sampela strongpela samting, na plenim long salim ol vidio piksa i go long Sweden.

Paul i tok brata bilong em i bin mekim pren wantaim OPM, sampela de bipo em i dai. Per-Ove i bin kisim piksa bilong wanpela refuji kem. I nogat save yet olsem em i salim ol dispela piksa i go aut pinis long PNG bipo em i dai o nogat.

Ol plisman long Kiunga i bin painim bodi bilong Per-Ove long Epril 29 long moning, insait long haus bilong wanpela komyuniti skul tise.

Ol plisman i tok i nogat vidio tep long rum em bodi bilong Per-Ove i stap long en. Ol i painim ol arapela samting tasol olsem paspot, mani na kred-it kat. Ol i no holim ol dispela samting.


Ol plisman i lukim mak bilong naip i katim nek bilong Per-Ove. Na bodi bilong em i slip antap long ol blut, arere long wanpela naip.

Ripot long indai bilong em i no kamap bikpela long ol niuspepa na radio long PNG. Tasol wanpela liklik stori long dispela birua i bin kamap long Times long las mun.

Kiunga plis i no save yet long as bilong dispela birua. Ol i painimaut yet long sekim olsem Per-Ove i kilim em yet, o wanpela man i kilim em.

Flai Provinsal Plis Komanda Peter Taiang, Per-Ove i bin slip long namba wan nait long Kiunga wantaim wanpela komyuniti skul tise long Kiunga Monfort Komyuniti skul long Epril 28, na bihain ol i kalap nogut long painimaut olsem em i dai long moning.

Taiang i tok i nogat ripot long paspot we i soim olsem Per-Ove em i wanpela niusman. Em i tok Per-Ove i kam insait long PNG long wanpela turis visa we i gat mak bilong stem long Vanimo long Epril 25. Em i tok Per-Ove i kam olsem long Jayapura, Wes Irian na i kam insait long Vanimo. Bihain em i go long Mosbi, Daru na Kiunga.



**MOSBI:** Long Sande apinun, sampela yangpela man i bin stapim ka bilong edita bilong Pos Courier, Luke Sela na askim em long givim ki bilong ka. Dispela ol raskol i bin stapim ka bilong ol long rot na banisim rot taim Sela i laik draiv i go long haus bilong em long Boroko. Ol i bin yusim gan long rausim Sela long ka. Plis i bin painim dispela ka gen long 6 mail setelmen.

**MADANG:** Wanpela man i dai pinis na arapela 6-pela i kisim bagarap bihain long ka ol i ron i bin kapsait i go insait long wanpela wara klostu long ples Mirap ausait long Madang taun. Dispela birua i bin kamap long Fraide nait. Provinsal Plis Komanda, Pius Sipeling i tok ol dispela lain i bin mekim kempen bilong Peter Yama. Draiva bilong ka i bin spitim ka stret taim ol i lusim ples Rempi. Draiva bilong ka i no bin holim gut stia na ka i kapsait i go daun long wara.

**IS NU BRITEN:** Plis i askim ol man long helpim ol long holim ol man i save kisim spak brus i kam insait long provins. Is Nu Briten Provinsal Plis Komanda, Joe Toguata i tok planti ol man bilong hailans i wok long salim spak brus long provins. Na em i askim pablik long helpim plis long stapim ol dispela lain long salim spak brus. Toguata i givim dispela tok lukaut bihain long plis i holim wanpela man lsten Hailans long holim 2 kilogrem spak brus ol i kolim mariwana. Kepten na sampela wokman bilong sip MV Rita i bin lukim man ya na tok save long plis. Plis i holim em taim em i laik go daun long Rabaul bris. Plis i sasim Tore Katifa na kisim em i go long kot. Rabaul Distrik Kot i bin painim olsem Katifa i rong na kalabusim em long wanpela yia. Narapela man, Kewa Koim i kalabus long tripela mun na narapela tupela man i wok long wetim kot bilong ol yet.

**HAGEN:** Tupela meri i bin kisim bagarap taim ol man i bin holim na bagarapim ol. Long namba wan trabel, wanpela waitman i bin kisim wanpela meri long Ambum Taven. Taim tupela i kamap long Kagamuga, 6-pela man i pretim dispela man na pulim meri i go long bus na bagarapim em. Na long narapela trabel, wanpela meri i bin wokabout long 2 klok moning long Sarere na tupela man i holim na bagarapim em. Plis long Hagen i wok long panimaut yet long ol dispela trabel.

**SANDAUN:** Plis long Vanimo i lukluk long putim strongpela sekyuriti long taim bilong ileksen. Bihain long ol i kisim sampela toktok i kam long ol pipel bilong Vanimo, Aitape, Lumi, Nuku na lmonda olsem ol bai paitim ol poling opisa. Provinsal Plis Komanda, Jeffrey Kera i tok sampela pipel bilong dispela ol distrik i bin mekim dispela toktok bikos ol i bilip olsem ol opisa i no save putim mak long ol lida ol i laik votim. Kera i askim ol yangpela man long bihainim ol lapun husat i no inap long rit o rait long stapim paul pasin. Em i tok plis i no inap larim ol pipel i wokim samting long laik bilong ol yet. Na em i tok ol bai sasim ol pipel i kamapim trabel long taim bilong ileksen.

**SIMBU:** Tupela wan pisin long Simbu i bin kamapim bikpela pait long Kundiawa taun. Dispela pait i bin kamap long Fraide apinun namel long Druamugl na Yangomugl wan pisin. Pait ya i bin kamap taim wanpela boi Yangomugl i bin stilim samting long stua na ol sekyuriti bilong Druamugl wan pisin i holim na paitim em. Ol wantok bilong boi ya i bin helpim em na pait wantaim ol lain long Druamugl. Dispela pait i no stap longpela taim bikos ol plis i tromoi tiages na stapim ol.

**SIMBU:** Long Sarere nait, ol sekyuriti bilong Kimininga Lodge i bin pait wantaim tupela plisman. Ol man husat i bin stap long taim bilong trabel i tok wanpela plis man i bin traim long go insait long lodge long samting olsem hap pas 10 long nait. Na ol sekyuriti i no bin larim em. Em i go insat taim ol sekyuriti i opim dua long wanpela man long kam ausait. Dispela plis man i go insait na stat pait wantaim ol sekyuriti.



# Fores minista tokaut long givim moa nupela timba pemit

**HARLYNE JOKU I raitim**

KABINET i bin tambuim Fores dipatmen long givim nupela pemit long ol timba kampani long katim timba. Tasol Fores Minista Jack Genia i oraitim sampela liklik timba projek long stat wok insait long Wes Nu Briten, Nu Ailan, Morobe na Sentrel provins.

Dispela tambu em kabinet i rausim pinis long Mas, 1992.

Genia i tok olsem minista, em i gat olgeta pawa aninit long Forestri Ek long givim yesa long gutpela bilong kantri na pipel.

"Mi oraitim pinis ol nupela projek na i wok nau wantaim Dipatmen long sekim ol olpela timba pemit na givim nupela," Genia i tok olsem long dispela wik.

"Planti taim mi tokaut pinis long pablik long wanem samting mi mekim, mi no haitim wanpela samting long pablik. Olsem na mi oraitim sampela liklik projek long stat long ol eria we i no develop insait long Galp, Wes Nu Briten, Nu Ailan na Sentrel," Genia i tok.

Genia i tok ol papagraun i mas mekim yet bikpela wok long glasim na mekim stretpela tokorait long wanem kain we timba wok bai kamap long eria bilong ol. Em i tok nogat wanpela man i ken tokim ol pipel long holim pasim timba o ol arapela samting bilong graun i stap long eria bilong ol, sapos ol yet i nogat gutpela aidia bilong givim bai ol pipel i kisim mani.

"Husat i gat gutpela aidia i mas kamap ples klia na tokim ol papagraun. Sapos dispela aidia i kisim sapot, bai mi stap long givim moa nupela timba pemit," Genia i tok.

Long Me 11, Genia givim pemit long Gopera Invesmen long

katim timba long Urama Gopera eria. Dispela eria i stap long Is Kikori eria bilong Galp provins na i karamapim 83,000 hekta olgeta. Genia i oraitim Gopera long

wok bung wantaim wanpela Malasia timba kampani, Rimbunan Hijau. Dispela projek i no stap insait long 10-pela em kabinet i rausim tambu.

Long Me 15, Nesenel

Kot i odarim Genia na Fores Seketeri Mista Komtagarea long noken oraitim moa wanpela wok long Urama Gopera projek inap Jun 23, 1993.

Ripot i tok Genia na ol

bikman bilong Rimbunan Hijau flai i go long eria long Fonde Me 21. Ol i laik givim pemit long Gopera Invesmen.

Baimuru Treding Pty

Ltd i kisim dispela kot oda, na plen long kisim Genia, Mista Komtagarea na Rimbunan Hijau i go long kot.

Bikos ol i bilip sampela moa tokorait i bin kamap bihain long ol i kisim oda bilong Nesenel Kot.

## Wagi veli gat nem long ol kaikai



• Pasingan wantaim hat na ol pikinini bilong em i solm muli diwai bilong ol long Hagen. Foto na stori: Sape Metta.

WAGI Veli long Westen Hailans provins i gat nem long planim ol gutpela kaikai olsem kaukau, muli, kerot, kapis na ol arapela kaikai bilong ovasis.

Nau yet long Hagen taun na olgeta maket arere long bikpela rot bilong ka i pulap long ol dispela kaikai. Planti manmeri husat i planim ol dispela kaikai i amamas bikos olgeta taim ol i save kisim bikpela mani long en.

Photo i soim muli dispela famili i planim. Ol bai rausim pikinini bilong dispela muli long mun Julai, 1992. Long lephan em Conrad husat i gat 12-pela

## Westen provins primia laikim Ok Tedi pas long tripela de

i kam long pes 1

Provinsel Afeas long salim wanpela opisa long makim dipatmen long ol dispela de bilong stapim wok.

Primia Kaseng i tokim Namaliu olsem ol pipel na gavman bilong em i laikim:

- Ok Tedi Maining Limited i mas stap wok long Jun 13 i go inap long Jun 16, 1992;
- Ol i mas toktok gen long stretim KLMDA; na
- toktok tu long wanem samting Ok Tedi Maining Limited i bagarapim insait long Flai Riva na painim sampela rot long stapim dispela hevi.

Seketeri bilong Dipatmen bilong Minerels na

krismas, Gheevan husat i gat 4-pela krismas na Kelly husat i gat 6-pela krismas. Olgeta i sanap wantaim papa bilong ol Roro Pasingan aninit long wanpela diwai muli bilong ol long Aviamp long Saut Wagi ilektoret.

Pasingan em wanpela longlong blut bilong Kainantu long Isten Hailan na Nu Ailan provins. Em i baim hap graun long Pugmi na planim dispela muli diwai. Em i planim planti kaikai tu long dispela hap.

Eneji, Lamech Palaso i tok em i wok long glasim ol dispela hevi yet. Olsem na em bai i no inap toktok long dispela bikos em i wetim yet ripot bilong Brown.

Primia Kaseng i askim nau olgeta bos bilong ol dipatmen long provins long lusim wok long ol dispela de. Na givim inap taim long Flai Riva provinsal gavman wantaim ol pipel bilong Westen provins, gavman bilong Papua Niugini na Ok Tedi Maining kampani long toktok long wanem samting OTML i bagarapim long Flai Riva. Na tu long wanem samting ol pipel bai kisim aninit long dispela ol wok kamap.

## NBC no kisim tokorait long PTC na yusim redio signal

**CLEMENT MIRIA I raitim**

NBC i no kisim tokorait long PTC na bilong yusim redio signal long wokim laip brodkas ausait long opis bilong em long 5 Mail.

Wanpela opisal bilong NBC i no laik tokaut olsem NBC i no bihainim lo long mekim dispela.

Wanpela bikman bilong PTC i tok as bilong dispela hevi i no stap long PTC i stapim laip brodkas bilong NBC taim Gavana Jenerel i toktok long Me 28. Dispela em long taim wanpela saveman bilong environmen long wol, David Suzuki i kamap raun long kantri. Opisal ya i tok PTC i tambuim NBC planti taim. Tasol NBC i sakim tok na yusim yet redio signal long mekim laip brodkas.

PTC i givim tok lukaut long NBC long Me 9 na Me 15. Dispela em long taim tupela i kibung long toktok long laisens. PTC i tok NBC i no kisim tokorait na i bin yusim redio signal long mekim ol laip brodkas long wanpela yia olgeta. Olsem na long Me 15, PTC i givim ol pepa long NBC long aplai na kisim tokorait.

Opisal ya i tok moa olsem sapos NBC i toksave olsem em i laik yusim redio signal long mekim laip brodkas, PTC i ken givim pemit o tokorait long en.

Nau yet NBC i no aplai long kisim laisens. Long senisim laisens na kisim nupela, em bai i kos K10 tasol.

Opisal ya i tok tu olsem ol wokman bilong PTC i no stapim laip brodkas bilong Me 28 long moning. Em i tok long Me 28, ol wokman bilong PTC i givim tok lukaut long NBC.

## Rabuka em nupela Fiji PM

PRAIM MINISTA Rabie Namaliu i salim tok amamas i go long nupela praim minista bilong Fiji, Sitiveni Rabuka.

Namaliu i tok em i laik demokretik palamen i kamap gen long Fiji.

Em i tok Papua Niugini i lukluk tu long wok klostu wantaim nupela praim minista bilong Fiji. Na strongim gutpela wok bung em i bin stap long taim bilong olpela nem praim minista, Ratu Sir Kamisese Mara.

Namaliu i tok PNG i gat gutpela wok bung na pren wantaim Fiji. Na dispela gutpela pren stat long taim bilong Sir Michael Somare na Sir Mara i stap yet, maski long ol

hevi bilong ami i tekova long gavman long 1987.

Em i tok PNG em wanpela kantri husat i stap bihain long Fiji. Na toktok strong olsem Fiji i mas kam insait gen long Komonwel.

Em i bilip ol tambu long Fiji bai raus.

Sitiveni Rabuka i bin komanda bilong Fiji ami. Long 1987 em i go pas long ami na tekova long gavman, em ol India pipel bilong Fiji i go pas long en.

Bihain long ol dispela hevi, ol sief bilong Fiji i kibung na makim olpela nem praim minista, Sir Mara long lukautim gen kantri. Na bihain long ileksen na Sitiveni i kamap praim minista.





# WANTOK

NIUSPEPA BILONG OL PAPUA NIUGINI STRET

## Stretim ok Tedi pastaim

Ating primia bilong Westen provins i smat-pela man tru. Nau em i toktok na makim tru ol pipel long wanem samting em i laik mekim.

Em i kisim maus bilong ol pipel na askim nau Ok Tedi long pasim kampani na stretim pastaim hev'i bilong ol papa graun na ol pipel.

Rot nau primia i mekim i soim tru wanem samting ol trupela lida bilong Papua Niugini i mas mekim. Sanap olsem man bilong ol pipel long gutpela taim na taim nogut.

Dispela tu inap stapim wanem samting inap kamap olsem namba tu Bogenvil.

Nau taim ol pipel i laik toktok, gavman na kampani i mas harim ol. No ken pasim al long kral na warl bilong ol na go het tasol. Bikos dispela bai kamapim moa hev'i tasol long taim bihain. Na long stretim gen ol samting bai i hat tru wankain olsem long Bogenvil.

Dispela samting i kamap ples klia nau. Oralt kampani na gavman i no ken pasim al long hev'i bilong ol pipel. Maski ol ileksen na wanem arapela samting, wanpela bung i mas kamap bilong stretim dispela warl na hev'i bilong ol pipel.

Olsem ol pipel yet i givim tok lukaut pinis, sapos kampani i no harim tok, ol bai pasim wok long Ok Tedi.

Na dispela em kain tok lukaut ol lain long Bogenvil i givim. Na bihain...bikpela trabel i kamap na i stap yet.

# Nalau tok klia long ol Wau pipel

ARI GUH DANDEE i raitim

KLOSTU taim bilong nesanel ileksen i kamap nau. Na planti kandidate i wok long raun grisim ol manmeri long votim ol.

Long Wau long ples Biangai long Kaisenik komyuniti skul, ol papamama wantaim ol pikinini i bin welkamim primia bilong Morobe provins, Jerry Nalau.

Dispela welkam i soim olsem ol pipel i laikim tru Nalau long winim

rijonal sia bilong Morobe long han bilong memba nau, Utula Samana. Ol pipel i bin go bungim Nalau wantaim ol arapela 4-pela minista, ol gavman opisa na ol kampani lain wantaim ol singsing lotu. Na bihain ol skul pikinini i singim nesanel entem na aisim fleg bilong Papua Niugini i go antap.

Ol arapela minista husat i bin go wantaim

Nalau em Moroko Gaiwata, Donald Donatus na Titi Christian. Long dispela taim, memba bilong Wau Biaru konstituensi, Kaibe Mauri i bin givim ol CDF mani i go long ol pipel. Dispela em wanpela kain fan gavman bilong Nalau i kamapim bilong helpim ol pipel long ples. Na bai i go long ol wan wan konstituensi.

Nalau i bin yusim dispela sans tu bilong tok klia long ol pipel bilong Biangai long as tingting bilong em long sanap bilong Morobe rijonal sia.



Nalau i tok, "Mi sanap long resis long dispela sia bikos ol nesanel lida bilong Morobe i save gridi tumas. Ol i no save tingim ol pipel bilong mi long Morobe." Em i tokim tu ol pipel

olsem, "Planti bilong ol tu i no save wok bung wantaim Morobe provinsal gavman na ol pipel bilong en." Nalau i tok long taim em i kamap olsem primia na ranim gavman i go moa long pes 7


# Nesanel Yut Sevis i gat nupela mak

MAK bilong Nesanel Yut Sevis i bin redi long Fraide, Jun 29, 1992. Siaman bilong Nesanel Kapital Distrik Komisn, Frank Igo yet i bin soim dispela mak.

Dispela mak i gat red, blak na gol kala. Ol dispela tripela kala i makim nesanel kala bilong Papua Niugini. Na piksa i stap antap long dispela mak i soim wanpela meri i holim sospen ground. Dispela piksa i soim pasin tumbuna bilong Papua Niugini, kalsa na olgeta wok ol pipel bilong Papua Niugini i mekim bilong ol yet.

Piksa bilong man i holim buk i makim skul na lo bilong yumi. Piksa bilong man i holim hama wantaim nil i soim ol nupela samting yumi i gat long Papua Niugini.

Long wankain taim, Igo i givim K500 i go long man husat i wokim dispela mak. Dispela man em Arnold Gende husat i wok olsem wanpela woda



• Siaman bilong Nesanel Kapitel Distrik Komisn, Frank Igo i givim K500 i go long Arnold Gende long droim dispela sain bilong Nesanel Yut Sevis. Gende i save wok olsem wanpela woda long Bihute haus kalabus klostu long Goroka long Isten Hailans.

long Bihute haus kalabus long Goroka. Wanpela represente-

tiv bilong Nesanel Yut Sevis Bod, Daniel Bui i tok dispela mak i

makim wok developmen long Papua Niugini. Na tu long kamapim

wok bilong 9-pela plen bilong 22 wok bilong Nesanel Yut Sevis.


# Sir Julius kempen long lek long Sauten Hailans

LIDA bilong Pipel Progres Pati na namba tu lida bilong Oposisen, Sir Julius Chan i bin wokabout 4-pela kilomita long kempen long Sauten Hailans provins long las wik.

Taim Sir Julius i kempen long Sauten Hailans, em makim wanpela kandidate bilong PPP. Dispela man em Paul Sorom husat i kempen long Mendi Open sia. Sorom em i olpela asisten seketeri bilong lokal gavman sevis long Dipatmen bilong Sauten Hailans provins.

Sir Julius i bin pinisim kempen bilong em na i laik kisim helikopta i go long Westen provins. Tasol dispela helikopta i bagarap. Olsem na em i go long Koroba na askim long narapela balus. Tasol apinun na bikpela klaut i pasim ples olsem na balus i tanim bek.

Sir Julius i slip long Koroba long wanpela nait. Na bihain em i wokabout narapela 4-pela kilomita gen i go long kisim balus long Koroba ples balus. Nau yet em i kempen raun long Daru taun long Westen provins. Sir Julius i promis olsem em bai



• Sorom...traim Mendi Open. mekim bikpela senis long polisi na lo bilong gavman sapos Oposisen i win long dispela yia. Taim Sir Julius i kamap long Sauten Hailans, moa long 4,000 manmeri i bin kamap na harim toktok bilong em.

# WANTOK

NIUSPEPA BILONG OL PAPUA NIUGINI STRET

P.O. Box 1982 BOROKU  
Telepon Namba: 25 2500  
Feks Namba: 25 2579

## PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu. Silan	K92.00
Esia pasifik na Japan	K123.00
Amerika na Yurop	K180.00







■ Kanage i save aigris stret long wanpela meri Oro. Tasol meri ya emn i wanpela skin Kristen. Taim Kanage i askim laik bai em i tok, "Mi kristen meri ya, yu brata bilong mi." Kanage save bel kaskas stret.

I no longtaim sampela man i stat long askim laik na prenim meri ya. Wanpela bilong ol dispela man i marit pinis.

Kanage lukim olsem na bel kaskas olgeta. Wanpela de em i go long meri ya na askim laik gen. Na meri ya i bekim: "Mi tokim yu planti taim pinis. Mi Kristen meri ya, yu brata bilong mi."

Kanage bel kaskas olgeta na tokim meri ya: "Na olsem wanem. Mi no brata bilong yu, mitupela i no kamap long wanpela mama. Em i orait, ol Kristen meri tasol kaikai bilong ol maritman ya. Mipela ol singelman nogut."

Meri Samatex i harim na sem pipia stret.

Matthew Gombol

RABAUL

□ **TRIPELA poro, wanpela Jeman, Kerema na Sepik i sindaun dring wan wan botol na i tok pilai i stap. Olgeta taim man Jeman i stori, em i save daunim tru nem bilong Papua Niugini. Em i save tokim Kerema na Sepik olsem, "PNG i no gat nem long wol. Yupela i las na i stap aninit tru long graun. Mipela ol kain kantri olsem Jemani, Saina, Spein, Japan na Amerika i winim yupela gut tru. Mipela i wokim pinis roket bilong go long mun, bulldosa bilong brukim bikpela hap graun na planti arapela samting moa." Kerema i harim olsem na bekim, "Em i orait yupela i wokim ol bikpela samting. Tasol ol bikman i makim pinis mipela ol Kerema long go long san." Man Jeman i harim olsem na i lap nogut tru na tok, "Mi sori tru long yupela. Taim yupela i no kamap klostu yet long san, yupela bai kamap olsem wara bilong dring." Kerema i harim olsem na no gat toktok. Kwiktaim Sepik i bekim, "Yupela i save go long mun long san. Tasol mipela bai go long san long nait."**

Benny Ando, Kerema. G.P.

□ **KANAGE wantaim tambu bilong em i go raun long bus na kilim wanpela magani. San i go daun na Kanage i kirap karim magani na tokim tambu bilong em long painim rot i go bek long ples. Tupela wokabaut i go na tambu i airaun na pundaun long graun. Kanage i lukim olsem na em i pret na lusim tambu bilong em i stap. Em i go kamap long haus na meri bilong em i askim em, "Tambu bilong yu i stap we?" Kanage i bekim "Em i airaun na kaunim sta i stap." Meri bilong Kanage i bel hat na krosim Kanage long wanem na em i no was long tambu bilong em. Kanage kirap na tokim meri bilong em, "Mi save olsem no gat man bai stilim brata bilong yu. Olsem na mi lusim em i stap na larim em i kaunim sta pastaim." Meri bilong Kanage bel hat na tokim em, "Pes bilong yu olsem dispela magani."**

Johnnie Lesslie Bomana

□ **WANPELA de Kanage wantaim draiva bilong em i givim siksti stret long trakta. Trakta i pulap long ol paiawut. Tupela i kamap long wanpela kona na draiva i abrus na trakta i sutim nus long baret. Tupela kapsait stret klostu long haus bilong tambu bilong Kanage. Taim tambu i harim pairap bilong trakta, em i ron i kam na lukim trakta i kapsait wantaim ol paiawut. Em i kam klostu na lukim draiva i no kisim bagarap na em i askim draiva long go long haus bilong em na kaikai. Tasol draiva i tokim em, "Nogut tambu bilong yu Kanage bai kros." Tambu i tokim draiva, "No ken wari long Kanage, em tambu bilong mi. Em i no inap kros." Tambu i no save olsem Kanage i kisim taim insait long baret i stap. Taim tupela pinis kaikai na stori i stap, tambu i askim draiva, "Na tambu bilong mi Kanage we?" Draiva i bekim na tok "Sori tru, tambu bilong yu i stap aninit long trakta." Taim tambu i harim olsem, em i no toktok moa.**

Johnnie Lesslie Bomana

# Goroka luksave long lo wik

## SAPE METTA I raitim

ISTEN Hailans provin-sal gavman i makim Sande Me 24 i go inap long Me 30, 1992 olsem de bilong stapim hevi na trabel long provins.

Long dispela as provin-sal gavman i bin askim olgeta wokman bilong gavman, kompani na wan wan komyuniti long tingim dispela de. Isten Hailans Primia Robert

Atiyafa i tok olgeta manmeri i mas wok bung wantaim long stapim ol hevi insait long taun. Na mekim Goroka i kamap olsem wanpela gutpela taun bilong stap na wok.

Long Tunde Me 26, olgeta skul pikinini, ol sios grup, yut grup na ol arapela grup i wok bung wantaim long stapim ol pasin bikhet. Jastis Lawrence

Newell yet i go pas long dispela program. Newell i askim ol manmeri husat i bagarapim Goroka i mas senisim olgeta bikhet pasin. Na painim ol gutpela rot bilong kamapim gutpela laip long Goroka na ol arapela senta long provins.

Bihain long Fonde Me 28, Atiyafa i mekim wankain toktok long ol skul manki husat i bung long Goroka taun long harim ol toktok bilong stapim ol bikhet

pasin.

Em i tok olgeta manmeri insait long wan wan komyuniti i mas wok bung wantaim long stapim ol bikhet pasin. Na wokim Isten Hailans olsem wanpela gutpela provin-sal bilong stap na wok.

"Wok bilong Kraim Privensen Wik i bilong stretim ol Lo na Oda hevi long Isten Hailans. Dispela em i namba wan taim dispela program i kamap long hailans rijon," Atiyafa i tok.


Em i tok long neks yia, ol arapela provin-sal long hailans bai mekim wankain samting.

"Nau yet Rijon Opis bilong Lo Faundesen i bin wok klostu wantaim ol arapela gav-

man dipatmen, sios grup na ol komyuniti insait long Goroka taun long kamapim dispela program," Atiyafa i tok.

Na ol i holim sampela pablik aweanes kempen long ol bikpela senta long Goroka taun na rot long haiwe. Aninit long Kraim Privensen Wik, dipatmen bilong Hom Afeas na Yut i ranim wanpela wok long Domestik Vaiolens.

Long wankain taim, Lo Faundesen wantaim Malanisien Institut i go pas long holim wanpela wok long stapim ol traibel na pait namel long ol wan pisin long Isten Hailans.



Shell givim han...William Maria i tok kliia long dispela tupela man long sampela kaving i kam long hap bilong Is Sepik provins. Na Shell kampani i bin helpim long givim ol dispela kaving i go long Nesenel Misium long Mosbi. Foto: Wally Ainui.

## Kainantu baim K20,000 long wara

### SAPE METTA I raitim

OLGETA gavman dipatmen, kampani na ol pipel bilong Kainantu i amamas long ksim wara gen.

Dispela em bihain long provin-sal gavman i baim K20,000 kompensesen long ol papa graun long Fraide Me 29, 1992.

Stat bilong dispela yia, ol papa graun i stapim wara saplai long Kainantu taun. Bikos provin-sal gavman i no baim K33,000 kompensesen em ol i bin askim long en. Na long las wik, provin-sal minista bilong edukesen Andrew Koraroma wantaim ol opisa bilong em i givim K20,000 i go long ol papa graun. Na wara i stat ran gen long Sarere, Me 30.

Tripela wan pisin i bin askim long K33,000 kompensesen. Tasol provin-sal gavman i painimaut olsem Talapo namba 2 i gat rait long kisim namba wan mani. Dispela kompensesen em i bilong ol gaden kaikai, wara, diwai na ol arapela samting em ol wokman i bagarapim taim ol i kisim wara i go long Kainantu taun.

Na tu long mani ol papa graun i bin yusim long baim balus long i go long Mosbi na baim loya long kisim tok save. Dispela hevi i kamap tripela yia i go pinis taim gavman i no bin baim graun bihainim agrimen em ol i bin sainim long en.

Koraroma i amamas olsem olgeta gavman dipatmen na ol arapela kampani i yusim wara gen. Em i tok ol papa graun i bin tok orait long larim wara inap olgeta pepa bilong dispela graun i stret.

## Wara ron gen long Asaroka haiskul

OL studen bilong Asaroka Luteran haiskul i go bek gen long skul. Ol i bin stap long ples inap long tripela wik olgeta.

Olgeta studen bilong gret 7 na 8 i bin lusim skul na i go long ples bikos paip bilong wara saplai i bruk taim bikpela ren inap long pundaun wanpela wik olgeta. Nau olgeta i go bek gen long statim skul wantaim ol gret 9 na gret 10.

Ol gret 9 na 10 i bin stap long skul. Na yusim tang wara long dring na waswas. Ol i helpim ol tisa na stretim paip long wanpela mun. Na Asaroka haiskul i yusim gen dispela olpela wara saplai.



# VOTIM X

## JISAS I WINIM SATAN

*Jisas*

*Satan*

**Jisas i Winim Satan** em wanpela gutpela buk bilong helpim yu save gut long olgeta pasin bilong Satan. Na olsem wanem Jisas i winim em.

Yu ken painim dispela buk long buksop klostu long yu.

*Port Moresby Show*



**CHRISTIAN BOOKS MELANESIA**  
P.O. BOX 488, WEWAK



# TU MINIT TINGTING

## FRI WIL

*"Pailat i tok, " Em i asua bilong yupela tasol." ( Mt. 27:24 )*



FRANK MIHALIC I RAITIM

Ol manmeri bilong tude i laik harim dispela tok: "Laik bilong wanwan."

Disepela tok i min: ol i fri. Ol i gat pawa bilong mekim wanpela samting o no mekim em. Disepela aidia em i wanpela astingting bilong fridom bilong yumi olgeta manmeri. Olgeta pipel bilong graun i save pait sapos gavman o wanpela man o wanpela samting i tekewe fridom bilong ol. Dispela pawa bilong wanwan manmeri long tok "yesa" o "nogat" long wanpela samting, yumi save kolim fri wil.

Fri wil em i bikpela samting tru. Maski God em i strong olgeta, em i no save krungutum fri wil bilong yumi. Em i larim yumi manmeri nating yet i tok, sapos yumi laik bihainim tok bilong em o nogat. Long stat bilong stori bilong dispela graun na bilong tumbuna tru bilong yumi, God i givim dispela pawa bilong fri wil long Adam na Eve. Na long laik bilong tupela yet, tupela i faulim laip bilong tupela. Long taim

God i laik bai pikinini bilong em i kamap man, em yet i askim fri wil bilong Maria pastaim. "Yesa bilong Maria i kamap long fri wil bilong em.

Fri wil em i olsem wanpela dua bilong haus. God i stap ausait na i laik kam insait. Tasol i no gat handel bilong dua. God i paitim dua na yumi tasol inap long opim dua o no opim. Em i olsem dispela "stap" sain i sanap long arere bilong rot long ples we han rot i bungim bikpela rot. Sain i sanap i stap. Tasol em i samting bilong yumi wanwan draiva bilong bihainim tok bilong en.

Yumi save kamap holi o yumi save kamap sinman long fri wil tasol. Olgeta gutpela samting yumi mekim, na olgeta samting nogut yumi mekim, em i kamap long fri wil bilong yumi tasol. Asua bilong wanpela wok i save kamap long fri wil tasol. Olgeta taim yumi kot long wanpela samting, i gat tok long asua

bilong yumi. Kot o jas o mejistret i mas skelim asua bilong yumi. Yumi bin mekim wanpela rong long laik bilong yumi yet, o nogat. Dispela i min: yumi bin yusim olsem wanem fri wil bilong yumi o nogat. Sapos yumi bin brukim wanpela lo, tasol i no asua bilong yumi, orait, bai yumi winim kot. Bikos samting i bin pasim fri wil bilong yumi.

Man o meri i longlong o i waialus, em i nogat fri wil, long wanem, em i no save em i mekim wanem samting. Man/meri i pret olgeta, em i no gat fri wil, olsem na em i no gat asua. Sapos mi dai tru long hangre, na mi go stilim kaikai, mi no gat asua. Long wanem, bikpela hangre bilong mi i tekewe fri wil bilong mi. Sapos mi lukim yu i kam bilong kilim mi i dai, na mi sutim yu nau, mi no gat asua. Dispela pret bilong lusim laip bilong mi i tekewe fri wil bilong mi. Tasol nogut yu ting sapos yu spak na yu mekim

wanpela rong, bai yu no gat asua. Bikos yu longlong liklik long dispela taim na fri wil bilong yu i no wok. Sore, kot bai tok olsem long yu: long fri wil bilong yu, yu bin spak. Olsem na yu mas karim hevi bilong olgeta lo yu bin brukim long taim yu bin spak.

Fri wil em i gutpela samting tru, tasol em i putim hevi long yumi wanwan. Yumi marit long fri wil na laik bilong yumi, orait, nau yumi mas bihainim lo bilong marit. Dispela i putim hevi long yumi. Sapos yumi laik stap gut, dispela i putim hevi long yumi. Sapos yumi laik kalapim ol lo long laik bilong yumi, dispela tu i putim hevi long yumi...nau yumi pret bai ol plisman i sasim yumi.

Olgeta gutpela samting yumi manmeri i mekim, em i hangamap tasol long fri wil bilong yumi wanwan. Olgeta sin yumi wokim, em tu i hangap tasol long fri wil bilong yumi wanwan. Hel i hangamap long fri bilong yumi. Heven i

hangamap long fri wil bilong yumi. Em i lo bilong Sios, em i lo bilong Kraiss, em i lo bilong God. Yes, fri wil inap bagarapim yumi. Dispela em hevi bilong em. Tasol God i no inap tekewe fri wil bilong sevim yumi. Nogat. Sevim yumi wanwan, em samting bilong yumi wanwan. God i ken helpim yumi long tingting stret, na em i ken strongim yumi tok "Yesa o "Nogat." Tasol yumi wanwan yet i mas tokim dispela "Yesa" o "Nogat" long laik bilong yumi. Dispela em i mining bilong fri wil.

Sapos yu laik lukim wanpela naispela stori bilong dispela, orait, yu opim Nupela Testamen bilong yu long luk 20:9 na rit i go.

# Sios kibung laikim Bogenvil i kirap gen

PAPUA Niugini Difens Fos i bin holim wanpela bikpela sios kibung long Not Solomons provins.

Dispela kibung i bin kamap long Wakunai long Sarere Me 30, 1992.

Moa long 3,000 pipel na sampela memba bilong Bogenvil Revolusineri Ami (BRA) husat i lusim pait i bin stap.

Ol bikman husat i tok-tok long dispela kibung em administreta bilong Not Solomon provinsal gavman, Sam Tulo, komanding opisa bilong ami, Pasto Kopada, na wanwan pasto bilong Yunaited, Luteran, Seven de Edventis, Katolik na Baptis sios.

Edminjstreta Tulo i amamas long ol BRA memba bilong Wakunai na Inus husat i lusim bus na i kam long helpim ol ami bilong Papua Niugini.

"Dispela i soim olsem wok bilong bringim ol sevis na stretim Bogenvil bai kamap gen," Tulo i tok. Em i tok olgeta pipel i mas wok bung wantim ol soldia bilong Papua Niugini na ol memba bilong BRA husat i lusim bus long kirapim Bogenvil gen.

"Olgeta i mas wok wantaim na kamapim gutpela sindaun na bringim bel isi namel long ol pipel bilong Wakunai na Inus," Tulo i tok.

Em i askim nau ol

wokman bilong gavman long Wakunai long salim olgeta ripot i go long opis bilong em. Na tu ol developmen plen bilong Wakunai distrik.

Tulo i tok em bai askim provinsal na administretiv seketeri long wok klostu wantaim Wakunai edministresen long wokim sampela gutpela plen bilong kirapim Wakunai.

Em tok wok bilong stretim Not Solomon provins bai winim 10-pela o moa. Olgeta dispeal bagarap i kamap long sotpela taim na i no gat mani i lus. Tasol wok bilong stretim ol dispela bagarap bai winim 10-pela yia na tu gavman bai tromoi

bikpela mani long en.


Tulo i askim nau olgeta pipel bilong Wakunai na Inus long go bek-

long ples. na lusim gavman i mekim wok bilong em long bringim ol sevis long ol. Em i

askim tu long ol memba bilong BRA husat i lusim bus pinis long helpim na bringim

ol sevis gen long Not Solomon provins.

Long pinisim dispela kibung long Sande.



Felosip grup long UPNG...Boga Figa long fran long Martin Lucas i sindaun insait long nupela opis bilong Kristen Baibel Felosip senta long Yunivesiti bilong Papua Niugini long Mosbi. Foto: Clement Miria.

# Ileksen De bilong Papua Niugini, Me - Jun 1992

**1. Nominesen fl**

Nominesen fi i goap pinis long K1,000. Man husat i winim ileksen bai kisim bek mani bilong em.

**2. Ol bai ileksen**

Sapos long sampela kain as na wanpela bai ileksen i kamap long las 12-pela mun (olsem long namba 5 yia) bilong laip bilong palamen, no gat bai ileksen bai kamap. (Nau yet em long olgeta 6-pela mun).

**3. Katim daun de bilong nominesen**

Taim bilong nominesen o makim ol kendidet i go long ilektorel opis bai i no inap kamap bipo long namba 28 de na bihain long 35 de.

**4. Sapos kendidet i dai**

Kendidet bai lusim ileksen sapos em i dai bipo long nominesen de i op, na bihain long i oraitim wok bilong ileksen, na tu bipo long lo i oraitim wok bilong ileksen i go bek long mama ilektorel opis long Mosbi

**5. Ol de bilong vot**

Taim bilong vot i go daun long 14 de tasol

**6. Helpim ol manmeri husat i no save rit o rait**


Ileksen opisa i ken oraitim wanpela man husat em i bilip i no inap long rit o rait i kisim wanpela famili memba i go wantaim long vot. Man husat i no inap rit o rait i mas oraitim wanem man em laikim long helpim em. Long bipo, dispela lo i oraitim tasol ol manmeri husat i aipas o i gat sampela bikpela bagarap long bodi olsem ol disebel.

**7. Pinis bilong seksinel vot**

Seksen 141 bilong Ogenik Lo bilong Nesenol Ileksen em ol i senisim. Dispela senis i rausim seksinel vot

**8. Wanpela ripresentativ tasol bilong wanwan kendidet long ples bilong kaunim vot:**

Wanpela ripresentativ tasol bilong ol wanwan kendidet i ken stap insait long



Authorised by Reuben Karulo, Electoral Commissioner Papua New Guinea

hap bilong kaunim vot, long wanpela taim tasol long taim bilong kaunim vot. Dispela em long sekim namba bilong ol vot na toksave long kendidet. (Wanpela kendidet i ken makim moa long wanpela man long sekim namba bilong ol vot taim ol opisa i kaunim. Tasol ol dispela man i mas go insait long ples bilong kaunim vot wan wan. Moa long wanpela man i no inap go insait long wanpela taim tasol).

**9. Namba wan palamen kibung bihain long jenerel ileksen**

Namba wan kibung bilong palamen i mas kamap 7-pela de bihain long lo i oraitim wok bilong karimaut ileksen i kam bek long mama ilektorel opis long Mosbi. (Nau yet kibung i ken kamap bihain long 21 de).

**10. Sals bilong ol ileksen posta**

Bipo i gat tambu long sais bilong ol ileksen posta. I no gat moa tambu long dispela nau.

**11. Tambu long yusim spika long taim bilong vot**

Tambu long ol kendidet o sapota bilong ol kendidet i yusim laut spika, na ol kain masin olsem bilong toktok bikpela long taim bilong vot. Ol plisman o ilektorel opisa tasol i ken yusim long lukautim lo na oda, na tu long tokim ol pipel long wanem samting bilong mekim long vot.

**12. Ileksen petisen mas kamap bihain long 14 de tasol**

Sapos wanpela kendidet i laik komplek bikos long sampela as na em i no winim ileksen, em i mas givim dispela komplek i go long ilektorel opisa 40 de bihain long ilektorel opisa i tokaut long nem bilong ol kendidet husat i winim ileksen. Ilektorel opis i no inap kisim wanpela komplek bihain long 40 de. (Nau yet ol kendidet husat i laik komplek i gat tupela mun olgeta long givim komplek i go long ilektorel opis).

**13. Sekyuriti bilong kos na ileksen petisen**

Sapos wanpela kendidet i laik komplek o givim petisen, em i mas givim wantaim K2,500. Nau yet dispela mak bilong mani i stap long K200 tasol.



## Lo Faundesesen kisim K600 long baim prais

SIAMAN bilong Faundesesen bilong Lo Oda na Jastis na jenerel menesa bilong ICI Dulux kampani, Kevin Beamish i bin givim K600 i go long dairekta bilong Faundeses, Ken Egan long asde.

Dispela mani i bilong baim ol prais bilong wanpela haikul resis em faundeses i wok long ranim nau. Dispela resis i sut long wok bilong banisim ol trabel na bikhet pasin long kamap. Na ol sumatin bai droim wanem piksa em ol i ting i fit long dispela.

Faundeses bai brukim dispela mani i go long 4-pela hap. Na i bilong ol 4-pela wina bilong wan wan kona bilong kantri. Wan wan wina bai kisim K150.

Long taim em i givim dispela mani, Beamish i tok lo wik i bin kamap gut tru. Na em i bin amamas tru long gupela helpim na wok bung wantaim em plis, CIS, Jastis na Edukesen dipatmen i bin givim. Na tu long helpim ol sios, skul, nesanel spot komisin, ol ovasis gavman opis na planti arapela grup i givim long las wik.

Em i tokaut tu olsem Faundeses i laik stat redi nau long wankain lo wik long neks yia.

# Pasin bilong bagarapim meri bikpela long Westen provins

### IAN KAKARERE i raitim

PASIN bilong bagarapim meri i kamap bikpela long Kiunga long Westen provins. Not Flai Provinsal Plis Komanda, Sief Inspekta Peter Taiang i tok tripela man i bin bagarapim wanpela skulmeri bilong Kiunga haikul long Sarere Me 23, 1992.

Dispela meri i gat 16 kris-mas. Taiang i tok dispela yangpela meri wantaim narapela tupela meri i bin giamanim ol mama na papa bilong ol. Na i go long haus lotu long bungim ol boipren bilong ol.

Taim ol i kamap long haus lotu, tupela boipren bilong narapela tupela pren meri bilong em i kamap na kisim ol i go. Na dispela yangpela meri i wetim boipren bilong em yet. I no long taim, boipren bilong em i kam wantaim tupela man. Em i tok boipren bilong em wantaim dispela tupela man i spak.

Olsem na boipren bilong em i kisim em na tupela i wok-

about i go painim ples bilong stap. Tupela i wokbaut stret long hap tupela pren bilong boipren bilong em i wet i stap. Taiang i tok tupela pren bilong man ya i bin askim long bagarapim dispela meri. Na boipren bilong em i orait olsem na ol i bagarapim yangpela meri.

Nau yet dispela meri i stap long haus sik. Na ol dispela tripela man i stap nau long haus kalabus long Kiunga plis stesin. Ol bai kamap long Kiunga Distrik kot sampela taim long dispela wik.

Wankain birau i bin kamap long narapela meri. Taiang i tok dispela meri i bin pilai dat long wanpela klap. Na klostu long 12 klok nait, em i wok-about i go bek long haus na bungim sampela man long rot. Ol i holim em na pasim maus bilong em na pulim em i go arere long rot na bagarapim em. Na em i slip nau long Kiunga haus sik.

Ol plisman i no kisim wanpela ripot yet long dispela meri bikos em i kisim bikpela bagarapim tru long bodi bilong em. Ol plisman i painimaut yet long ol dispela man.

## Nalau tok klia long ol Wau pipel

i kam long pes 4 man, planti lain i bin egensim tingting bilong em long klinim Morobe. Em i toktok tu long ol lain husat i bin baim ol loya bilong egensim em.


"Tasol mi winim kot pinis na wok bilong klinim Morobe bai i go het yet, maski sapos mi win long nesanel ileksen o no gat."

Nalau i tokaut tu olsem wok bilong rijonal memba em long wok klostu wantaim provinsal gavman. Tasol dispela, long luk-

luk bilong em, i no bin kamap taim Utula Samana i stap memba. Olsem na nau em yet i laik traim tasol olgeta vot i stap long han bilong ol pipel bilong Morobe.

Na long lukluk bilong planti lain, ol i sapatim tru Nalau long Biangai, Bairu na Garaina.

Bihain long dispela kibung, Nalau i kisim helikopta na go gen long Watut bilong bungim ol pipel, gavman na kampani opisa wantaim ol memba bilong ol long hap.



*Wewak bukstua i stat...Bikpela wok i go het nau long wokim nupela bukstua long Wewak. Paia i bin kukim namba wan bukstua long 1990. Na nau ol wok i stat long nupela bukstua em bai i gat bikpela spes na i gupela moa. Foto: Mathew Kepas.*

## Asaro laikim rurel fan

ASARO lokal gavman kaunsil i laikim Primia bilong isten Hailans, Robert Atiyafa na minista bilong em, Flaming Asorifa, long givim ol mani bilong Rurel Improvmen program fan bilong dispela yia.

Presiden bilong kaunsil, John Songi i tok olgeta sevis na ol nupela projek bilong ples i stap bikos i no gat mani bilong baim ol wokman.

"Nau yet mipela i stap wantaim ol pipel. Na mipela bai wok long bringim developmen i go long ol pipel. Tasol provinsal gavman i no luksave long hevi bilong mipela inap long longpela taim nau," Asorifa i tok.

Em i tok long las yia, Asaro lokal gavman kaunsil i no bin kisim K70,000 bilong Rurel Improvmen program fan. Na dispela yia narapela K50,000 i stap yet. Na ol i no save long wanem taim bai Primia Atiyafa i givim dispela mani.

Long mun Me, ol i raitim wanpela sek long K10,000 na givim long Asaro lokal gavman kaunsil. Tasol dispela mani i no inap. Olsem na 8-pela kaunsil long Asaro eria i tingting long holim wanpela kibung long Kainantu.

## Provinsal minista daunim ol kendidet long Kainantu

ISTEN Hailans provinsal Edukesen minista Andrew Korarome i tok ol kendidet bilong Kainantu i no ken yusim Unamuga haikul long kempen bilong ol.

Em i tok ol pipel bilong Kamano namba 2 long Kainantu eria i paul long husat i go pas long wokim Onamuga Haikul. Bikos planti kendidet i no save long wanem gavman i wokim dispela skul. Na toktok nabaut long winim tingting bilong ol pipel long makim ol long nesanel ileksen.

Em i tok nesanel gavman i bin

wokim Onamuga haikul. Em i bin yusim 80 pasen mani bilong em long wokim dispela skul.

"Na em i gat rait long sanapim dispela skul long wanem hap em i ting i gupela long ai bilong em," Korarome i tok.

Nau yet wok bilong provinsal gavman em long stretim olgeta samting na statim dispela skul long neks yia. Korarome i tokaut long dispela bikos planti lida long Kainantu i wok long pretim provinsal gavman long holim bikpela protes. Bikos ol i tok provinsal gavman i no wokim hariap.

## Gris bom kilim ol rip long Nu Ailan

WOK painimaut blong Dipatmen bilong Fiseris i tok olsem moa long 90 pesen rip insait long solwara bilong Nu Ailan provins i dai. Bikos planti man i tromoi gris bom bilong kilim pis.

Wanpela opisa i tok olsem planti rip insait long solwara bilong Ungan ailan i dai pinis. Bikos ol man bilong painim pis i save tromoi gris bom long kilim pis insait long rip. Dispela gris bom i kilim nating ol arapela liklik pis na bagarapim ol nupela rip insait long solwara.

Em i tok Musau ailan em i wanpela bilong ol dispela ailan. Opisa ya i no laik autim nem bilong em. Tasol em i laikim ol man long Nu Ailan i mas stapim gris bom long kilim pis.

Em i tok gris bom em i no gupela

bikos em i save kilim planti liklik pis na ol arapela animel bilong solwara. Long stapim dispela pasin, olpela soldia boi, Johnson Lavanu, i bungim ol yangpela mangi long wok wantaim na stapim ol man long yusim gris bom solwara.

Lavanu i tok em i bungim ol dispela mangi long stapim ol man long yusim ol gris bom. Bikos em i no amamas long lukim ol man i kilim ol arapela liklik pis wantaim ol nupela rip insait long solwara.

Opisa ya na Lavanu i askim ol arapela manmeri bilong Nu Ailan long tingting long ol pikinini long taim bihain. Na stapim pasin bilong yusim gris bom long kilim pis long solwara.

# Gavman bilong Japan i givim narapela tripela skolasip gen

GAVMAN bilong Japan i gat narapela tripela skolasip bilong givim long ol studen bilong Papua Niugini husat i laik go skul long wanpela yunivesiti long hap.

Wanpela bilong ol dispela tripela skolasip i bilong wanpela andagreduet kos. Dispela kos i bilong ol studen husat i skul long wanpela yunivesiti long

Papua Niugini tasol i no pinisim ol skul bilong em yet. Na kos long Japan bai stap inap long 5-pela yia, stat long mun Epril long neks yia i go inap long mun Mas long 1998.

Man o meri husat i winim dispela skolasip bai go skul long tok ples Japan inap long wanpela yia. Na bihain orait em bai go skul long wanpela yunivesiti

inap long 4-pela yia.

Long winim skolasip bilong wanpela andagreduet kos, dispela studen i mas winim yia 12 na krismas bilong em i antap long 17 yia na aninit long 22 yia long 1 Epril, 1993.

Dispela i min olsem mama i bin karim em namel long 2 Epril, 1971 na 1 Epril, 1976.

Tupela narapela skolasip i

bilong wanpela rises kos. Na dispela kos bai stap inap long wan na hap yia tasol, stat long mun Oktoba 1993 i go inap long mun Mas, 1995. Sapos no gat, dispela studen inap stap skul long Japan inap long tupela yia, stat long mun Epril 1993 i go inap long mun Mas, 1995.

Ol lain husat i winim dispela tupela skolasip bai skul 6-pela

mun long tok ples Japan. Na ol lain husat i aplai i mas pinisim skul long yunivesiti na i stap aninit long 35 krismas namel long 1 Epril, 1993. Dispela i min olsem mama i bin karim em long 2 Epril, 1958 o bihain long dispela de.

Ol tok save pepa bilong dispela i stap long embasi bilong Japan na long ol yunivesiti.



# Bikpela pait i kamap namel long ol Isrel na Areb pipel

BIKPELA trabel i bin kamap long Isrel las wik. Dispela trabel i bin kamap namel long ol Judas pipel bilong Isrel na ol Areb pipel. Ripot i tok long las wik, planti tausen Judas pipel i protes long ol rot long Tel Aviv na singaut "kilim ol Areb pipel". Long sem taim ol i askim gavman long putim strongpela lukaut long ol. Ol i mekim dispela bihain long man nogut i sutim wanpela yangpela meri long naip. Meri ya i gat

15 krismas tasol. Long Gasa strip, planti Judas pipel wantaim ol strongpela samting bilong pait i bikhet na bagarapim sampela ka bilong ol Areb pipel. Ol i kukim tu sampela gaden kaikai bilong ol Areb manmeri. Long noten boda bilong Isrel long Lebanon, ol rebel paitman bilong Lebanon i kilim wanpela Isrel soldia, na givim

bikpela bagarap long tupela arapela soldia. Dispela birua i kamapim bikpela pait liklik namel long ol soldia bilong Isrel na paitman bilong Lebanon. Ripot i tok Minista, Mista Moshe Arens i laik yusim ol dispela trabel long ileksen kempen bilong rait wing Likud blok, husat i ranim kantri nau. Mista Arens i laik makim em yet olsem

em bai sanapim strongpela sekyuriti long lukautim ol Isrel pipel. Mista Arens i tokim ol ripota olsem: "Mi ting dispela em samting bilong bipo, dispela trabel bai mekim kliia long het bilong ol Isrel pipel long wanem kain birua mipela i ken bungim long bihain taim. Olsem na mipela i mas tingting long lukautim mipela yet nau."



*Wet long lukim dokta...* Ol mama na pikinini refuji bilong Kroasla na Bosnia i wet long lukim wanpela dokta long wanpela kem bilong ol refuji long Lubaljana.



*Painim bel isi...* Wanpela man na meri bilong em bilong Kikuyu long Saut Afrika i ranawe lusim ples bilong ol bihain long ol lain bilong Kalenjin wan pisin i kukim ples bilong ol na kilim planti lain.



*Ami banisim Bangkok...* Ol soldia bilong Bangkok i sanap wantaim ol strongpela samting bilong pait na banisim ol pipel husat i protes long las wik. Ol pipel i bi protes na barapim planti samting. Na planti lain i bin dai tu.



# **POWER**

## *to the people!*

**IT'S THE GREAT RICE REVOLUTION  
IN YOUR STORE NOW!**







*Ol bagarap long bodi...Wanpela meri Bangkok i apim slot bilong man bilong em long soim ol mak long bodi bilong em. Dispela meri i tok ol lain husat i no amamas long wok bilong gavman i bin paitim na givim dispela ol mak long man bilong em.*

## EC na UN givim mekimsave long Sebia

LAS wik ol Yuropian Komyuniti gavman i tambu long tred wantaim Sebia na Montenegro. Ol i askim tu Yunaitet Nesen long tambuim ol memba kantri bilong en long noken salim wel long tupela kantri ya.

Ol paitman bilong Sebia i bin go insait long Bosnia na Herzegovina. Na ol Yuropian Komyuniti gavman i mekim dispela long stapim pait long hap, we planti manmeri na pikinini i dai pinis.

Las wik bikpela birua i bin kamap long Sarajevo maket. Ol paitman

bilong Sebia i tromoi wantaim bom na kilim moa long 20 pipel olgeta.

Bihain dispela birua, Yunaitet Nesen bai givim moa tambu na mekimsave long Sebia. Ripot i tok long dispela wik samting, Yunaitet Nesen bai tambuim ol memba kantri bilong en long noken tred wantaim Sebia na Montenegro.

Wanpela Yugoslavia Ami jenerel long Sarajevo, Nedjo Boskovic i promis long painim ol soldia husat i mekim dispela trabel, na givim bikpela mekimsave

long ol.

"Mi i no inap long bilip olsem ol kain bikhet man i stap insait long ami," Jenerel Nedjo i tok.

Ol Yuropian Komyuniti gavman i no amamas long dispela na putim tambu long salim wel long Sebia na Montenegro. Tupela memba kantri bilong Yuropian Komyuniti husat i save salim wel long Sebia na Montenegro em Gret Briten na Gris.

Ripot i tok Sebia na Montenegro i save baim 11 pesen wel tasol bilong Gret Briten na Gris. Dispela em

sapos yu makim wantaim namba bilong olgeta wel tupela i save baim long ol ovasis kantri.

Sebia na Montenegro i save baim wel long ol arapela kantri olsem Rasia, Saina, Romania na Iran. Ripot i tok 22 pesen wel i save kam long Rasia na Saina, 15 pesen i kam long Romania, na 13 pesen i am long Iran.

Ol Yuropian Komyuniti kantri i ting olsem dispela tambu ol i oraitim long Gret Briten na gris i noken salim wel i no inap. Bikos Sebia na Montenegro i gat ol arapela kantri long

kisim saplai yet.

Olsem na ol i askim Yunaitet Nesen long askim ol memba kantri bilong en, long noken salim wel long Sebia na Montenegro.

## OL LIKLIK NIUS

### Jeman laik kotim kominis lida

**SANTIAGO:** Jemani i askim nau Chile long givim olpela Is Jeman lida, Erich Honecker long go bek na sanap long kot long Jeman. Honecker em wanpela kominis lida. Em i bin go pas long olpela Is Jeman gavman olsem presiden, bihain long ol pipel i rausim em long 1989. Red Ami i bin kisim em i go long Mosko, biktaun bilong olpela Rasia. Dispela em bipo long olpela kominis Rasia i pinis long 1991.

Em i ranawe i go long Mosko embasi long Chile long Desemba.

Bikos Rasia i tok long salim em i go bek long Jemani. Nupela Jeman gavman i sasim em long sas bilong kilim sampela refuji husat i bin ranawe long Is Jemani.

### Itali maunten paia

**KATANIA:** Ol saveman bilong maunten paia long Itali i tok ol i pasim pinis rot bilong ol hotpela wara na ston bilong maunten paia i go long wanpela ples i stap klostu.

Ol i tok ol i banisim dispela rot aninit long hul bilong maunten.

### Man bilong bipo tru

**LONDON:** Sampela man i painim tripela tit bilong wanpela man bilong bipo tru, na wanpela kain enimel olsem manki em i bin stap laip long 50 yia i go pinis. Ol i painim ol dispela olpela bun long wesana ples bilong kantri Algeria, Afrika.

### Nupela Itali presiden

**ROM:** Oscar Luigi Scalfaro em nupela presiden nau bilong Itali. LAs wik ol i makim em i go insait long opis. Oscar em namba 9 presiden bilong Itali.

Em i gat 73 krismas, na i wanpela Kristen Demokret.



*Kam yumi helpim...Ol arapela poro bilong dispela meri long Tirana i kam long helpim poro bilong ol wantaim ol katen kalkal em i kisim long ol sampela lain.*



*Kraimia i bilong Rasia...Wanpela meri bilong Rasia i sanap na protes ausait long haus palamen long las wik Fonde. Em i protes bihain long palamen i tokaut olsem samting em Ukraim i mekim long kisim Kraimia i no bihainim lo.*



# Ol wokman na meri bilong NPF i no amamas long fan menesa

**FRANCIS ULIAU i raitim**

OL wokman na wokmeri bilong Nesenel Providen Fan opis long Mosbi i bin lusim wok long 2 klok apinun long Tunde, 2 Jun, 1992.

Ol i mekim olsem bilong painimaut sapos ol bai straik o no gat. Ol i laik mekim olsem bikos ol i no amamas long kampani nau i lukautim na ranim ol wok long fan. Dispela kampani em Niugini Asset Menesmen (NAM).

Narapela bikpela samting tu em ol i laikim olsem menesing dairekta bilong fan nau, Michael Clarke i mas lusim dispela wok bilong em.

Jenerel seketeri bilong PNG Tred Yunien Kongres (PNG-

TUC), Lawrence Titimur tu i bin kamap na toktok wantaim ol wokman na wokmeri long Tunde.

Mausman bilong ol wokman na wokmeri bilong NPF, Rage Augerea i tok planti samting i no wok stret nau. Olsem na ol i pasim wok bilong skelim tingting bilong ol wokman na wokmeri. Na sapos olsem wanem, ol bai straik inap bod i kibung na lukluk long dispela ol hevi bilong ol.

Wanpela bikpela samting nau em ol i no amamas long en em long tingting bilong NAM long stap na wok gen long narapela tupela na hap yia wantaim NPF. Na dispela i min olsem NPF bai b a i m N A M K16,711,080 long tupela yia.

Long lukluk bilong Augerea na ol arapela bikman bilong NPF, dispela kain mani i bikpela tumas.

"Wanem samting NAM i laik mekim nau em long stilim tasol mani bilong ol memba. Na dispela em ol arapela lain mipela i toktok long en," em i tok.

Ol arapela komplek bilong ol wokman na wokmeri bilong NPF i sut bhainim ol dispela tingting:

- i no bin gat gutpela rot bilong kisim ol wokman na wokmeri long i go moa long pes 18



• Ol wokman bilong NPF opis long Mosbi i sindaun harim jenerel seketeri bilong PNG Tred Yunien Kongres, Lawrence Titimur i klaim tingting bilong ol long wanem samting ol i laik mekim nau. Ol wokman na meri i lusim wok bikos ol i laikim NAM i mas raus.

## Cathay Klab givim K4,000 long Hiri Moale

OL pipel bilong Saina long Papua Niugini na Cathay Klab i luksave long wanem samting i kamap long Mosbi na i laik helpim.

Olsem na long Tunde, 2 Jun, presiden bilong Cathay Klab Francis Chan i bin givim K4,000 i go long helpim wok bilong Hiri Moale festival. Hiri Moale festival em i wanpela bikpela bung long Mosbi long olgeta yia. Na long dispela yia, em bai kamap long 13 i go inap long 16 Septemba.

Dispela em i no namba wan taim bilong Cathay Klab na ol Saina komyuniti long helpim ol grup na oganaisesen long kantri. Long las yia, em i bin givim K2,000 i go long wankain festival. Long 1988, ol asosiesen bilong ol Saina pipel em mama i karim ol long hia i givim K41,868 i go long Expo '88 komiti. Long dispela taim em olpela seketeri bilong Pesenel Menesmen, Wep Kanawi i bin lukautim komiti.

Orait long 1990, Cathay Klab i givim K1,284 i go long Mosbi haus sik komiti aninit long lukaut bilong Wep Kanawi gen. Dispela mani i bilong stretim Mosbi haus sik.

Long taim presiden bilong em i laik givim dispela mani i go long siaman bilong Nesenel Kapitel Distrik Komisin, Frank Igo, siaman bilong Cathay Klab fanraising komiti, Greg Seeto i tok ol bai i no inap stop long hia.

"Mipela bai go het long wok na traime bungim sampela moa mani bilong helpim Hiri Moale festival," Seeto i tok.



• Presiden bilong Cathay Klab, Francis Chan long lephan i givim K4,000 sek i go long NCDC siaman, Frank Igo.

# Be a popular winner!

## Enter the 1992 PNG Directory Competition and YOU COULD WIN



### ENTRY FORM 1992 PNG DIRECTORY QUIZ

Cut out this Entry Form and send it to Directory Quiz, P.O. Box 2311, Boroko, N.C.D. to arrive by June 30th, 1992

JUST LOOK IN YOUR NEW 1992 PHONE BOOK FOR ALL THE ANSWERS TO THESE QUESTIONS!

**Q1**

In which section would you find International Time Zones?

- Yellow Pages  White Pages  Green Pages  Coloured Information Pages  Govt. Section

**Q2**

Where would you find a complete listing for the department of Health?

- Coloured Information Pages  Yellow Pages  White Pages  Green Pages  Govt. Section

**Q3**

On what page in the Yellow Pages would you find the Motor Wreckers classification?

**Q4**

In which section would you find Postal Services Information?

- Yellow Pages  White Pages  Green Pages  Coloured Information Pages  Govt. Section

NAME: .....

ADDRESS: .....

PHONE: .....



Published by Edward H. O'Brien (PNG) Pty. Ltd., P.O. Box 2311, Boroko, N.C.D.

Phone: 25 8344 Fax: 25 6404

A joint venture company with Post & Telecom



## Ol gret 6 droupaut autim tingting long wok

**Dia Edita,**  
Mi wanpela gret 6 droupaut. Mi stap nau long ples.

Mi laik bekim pas bilong brata Pele Levo. Pas bilong em i kamap aninit long het tok: "Ol Gret 6 droupaut nogut?"

Em i komplem olsem gavman i no luksave long ol gret 6 droupaut long joinim ami na plis. Olsem na ol bai joinim Francis Ona na BRA long pait egensim gav-

man.

Mi laik bekim olsem dua i op i stap. Olsem na yu traim bikhet bilong yu. Mi laik tok klia olsem sapos yu laik pait long gavman, bai yu olsem pik na dok.

Long joinim ami, plis na woda long ol CIS, em bai i hat long mipela ol gret 6 droupaut. Bikos mipela i gat save bilong gret 6 tasol.

Mipela mas save olsem i gat planti gret 10 na 12 droupaut i stap nating na painim wok.

Olsem na ami na plis fos bai kisim ol pas-taim, na bihain bai ol kisim mipela.

Sampos yu laik wok mani, orait, taitim bun na tuhat liklik long wok gaden. Wok gaden em gutpela wok tu bilong kisim mani. Brukim

graun, planti kaikai na salim long maket. Em nogut o? Mi mekim olsem taim mi kam ausait long skol. Olsem na sindaun bilong mi i gutpela nau.

**Kain toktok bilong pait egensim gavman em pasin bilong ol lesman. Maski raun nating na westim taim.**

**Henry Waghi Bunn Suave-Simbu**

## Maski long soim bodi tasol olsem Kristen

**Dia Edita,**  
Mi wanpela manki Morobe tasol nau mi stap long Rabaul. Mi laik sapatim pas bilong tupela brata, Yotam Naiman na Noel Nungol.

Tupela brata i tok planti man-meri i save soim ausait bilong bodi tasol olsem ol i trupela Kristen. Tasol insait bilong ol i pulap long pekatol.

Mi sapatim tru dispela toktok

bilong tupela brata ya.

Sampela meri save bilas gut na karim Baibel na go lotu. Tasol taim ol i kam ausait long lotu, bai ol i mekim kinkain deti pasin.

Yupela ol kain meri olsem i ken lukim dispela pas na tingim. Em i no gutpela pasin yupela save mekim.

Yupela mas opim Baibel long

James Sapta 1, lain 25 i go inap long lain 27. Dispela hap bilong Baibel i tok sapos wanpela meri i ting olsem em i gutpela Kristen na i save lotu oltaim long God, tasol i no bosim gut maus bilong em, orait em i save giamanim em yet.

**Adom Yowis RABAU**

## Stretim pablik toilet long Kimbe maket

**Dia Edita,**

Mi wanpela meri Goroka na Sepik, tasol nau mi stap long Kimbe taun. Mi laik komplem long pablik toilet insait long Kimbe taun

maket.

Planti taim mi save go long Kimbe maket long baim kaikai. Wanpela taim mi laik go toilet, na mi lukim planti pekpek bilong ol man-meri insait nambaut

long toilet.

Olsem na mi no wanbel long pablik toilet bilong mipela insait long maket. I luk olsem planti taim i nogat ol wokman long klinim toilet.

Ol wokman save malolo na kisim potnait nating. Ol i no save klinim gut toilet bilong mipela.

**Rachael Ipson KIMBE**

## Ol pipel long Mosa mas votim gutpela kendidet

**Dia Edita,**

Mi wanpela manki Sepik tasol nau mi stap long Wel Pam Blok long Kimbe, Wes Nu Briten provins.

Mi gat bikipela belhevi long ol kendidet husat i resis long sia bilong Mosa ilektoret. Olsem na mi laik autim dispela wari bilong mi.

Plis mi laikim yupela ol manmeri bilong Wel Pam Blok i mas lukim gut ol kendidet na makim ol long kisim nem bilong yumi. Yupela noken tromoi gutpela vot nating.

Na noken bihainim mani bilong nau na lus tingting long ol pikinini bilong yumi long bihain. Nau yet long Wel Pam Blok i gat kinkain man bilong Tolai, Sepik, Morobe na Madang i stap. Olsem na yumi mas makim wanpela gutpela man we em inap kisim maus bilong mipela long palamen.

Nau yet ol kendidet i baim ol manmeri long mani, kaikai, pik, pati, bia na kinkain samting long grisim ol long votim ol long dispela ileksen. Tasol dispela em pasin bilong ol raskol lida. Noken votim ol dispela kain kendidet.

Lukluk gut long dispela hevi. Na noken givim vot nambaut. Tingting gut bipo yupela i lusim wanpela gutpela vot we bai helpim pikinini bilong yumi long bihain taim.

Em tasol na yu husat brata o susa i laik sapatim mi, em laik bilong yu.

**John Yanduo KIMBE**

## Nogat man bosim laik bilong wanwan meri

**Dia Edita,**

Mi wanpela hapkas meri bilong Sepik na Kimbe taun. Mi laik egensim pas bilong Tobias Kepas.

Tobias i tok em i raun long planti hap bilong Papua Niugini pinis. Na lukim planti meri i save lusim man bilong ol, na kalap i go maritim nupela man.

Toktok bilong brata ya i tru. Tasol mi laik bekim olsem nogat wanpela man i bosim laik bilong wanwan meri.

Sapos yu wanpela man i marit na i gat pikinini, na bihan yu rausim meri, bai yu wari long pikinini tu o nogat?

Tenkyu

**Rachael Ipson KIMBE**

## Norman Noah painim Samson Berry

**Dia Edita,**

Mi painim wanpela pren husat i lusim mi longtaim tru. Mitupela i bin stap wantaim long Kimbe.

Nem bilong em Samson Berry. long dispela adres:

Em i bilong Is Sepik provins. Sapos yu save long Samson Berry, inap yupela i tokim em long raitim pas i kam long mi

**Norman Noah, C/ Kundo Produk, Wes Lus Motel, Kimbe - WNBK.**

## Pinisim ol lapun soldia

**Dia Edita,**  
Mi wanpela manki bilong Is Sepik provins.

Mi pinisim gret 6 na stap nau long ples. Mi laik autim tingting bilong mi i go long gavman long skelim.

Bipo, kantri i bin lusim planti soldia na plisman long pait egensim ol BRA paitman long Bogenvil ailan. Mi laikim gavman i kisim mipela ol gret 6 droupaut.

Mi ting ol gret 10 na 12 husat i joinim ami i ken kisim bikipela mani. Na mipela ol gret 6 i

ken kisim liklik. Bikipela samting em mipela i gat wok pinis.

Nau yet gavman i laik kisim ol gret 10 droupaut tasol long joinim ami na plis. Bai ol i gat save long holim pen na pepa long opis wok. Olsem wanem, ating long taim bilong pait bai yupela yusim pen na pepa long sutim ol birua o?

**Mi lukim olsem long Moem Bareks long Wewak, biktaun bilong Is Sepik i gat planti lapun soldia. Gavman i**

no laik salim ol dispela soldia i go pait long Bogenvil.

Sapos gavman i no

laik salim ol lapun soldia long pait, orait pinisim ol long ami. Na kisim ol yangpela man

## Ol Jimi pipel mas votim gutpela lida

**Dia Edita,**

Mi laik tokaut long ol pipel bilong Jimi long makim wanpela gutpela lida long dispela ileksen. Mi save olsem 10-pela kendidet nau i sanap resis egensim olpela memba, James Kuru Kupul.

Taim Kupul i stap memba, em i bringim planti developmen long

Jimi eria. Em i wokim gutpela rot na bris, na mekim kinkain wok i kamap.

Nau mi askim ol pipel long votim gutpela lida olsem James Kupul. Em i ken helpim pipel. Sapos i no gat wanpela man yupela i ting we inap wokim wok olsem James, orait votim James Ken. Na em bai

## Maski long ol Tolai singsing

**Dia Edita,**

Mi wanpela manki Madang tasol nau mi stap long Kokopo. Mi laik autim komplem bilong mi long Redio Is Nu Briten.

Planti taim mi save harim singsing bilong ol Tolai tasol long Redio Is Nu Briten. Olgeta musik ol i pilaim em ol Tolai singsing tasol.

Yupela ol wokman na meri bilong Redio Is Nu Briten i mas save olsem i no ol Tolai tasol i stap long Rabaul. I gat ol man bilong narapela provins tu i stap. Olsem na yupela mas pilaim ol singsing bilong narapela provins tu.

Wanpela taim mi bin salim pas long progrem "Laik bilong wanwan," singsing mi laik harim em singsing bilong Manduwali ol i kolim "San i ret." Tasol ol i pilaim wanpela singsing bilong George Telek.

Mi no amamas tru long dispela kain pasin. Olsem na mi askim menesa bilong Redio Is Nu Briten long mekim sampela samting long stapim dispela kain pasin.

**Tonny Lau Kokopo**

## Stretim Hagen haus sik nau

**Dia Edita,**

Mi wanpela manki Tambul long Westen Hailans provins. Mi laik komplem long Hagen haus sik.

Mi lukim olsem haus sik i nogat sekyuriti lait, ol sik manmeri na pikinini save pispis nambaut, na win save karim smel nogut i go insait long ol wod.

Na tu arere long ol toilet em bus i kamap. I nogat toksave i go long ol sikman meri long lukautim haus sik. Olsem na ol manmeri i save mekim nambaut.

Dispela kain pasin i no gutpela tumas. Ating i nogat ol bosman

bilong lukim olsem haus sik i mas stap klin.

Na tu i no gat inap kaikai long haus sik. Ol kukboi i save tok i nogat inap kaikai. Kaikai liklik long mak bilong yupela. Ol save tok olsem na mipela ol sikman meri save slip wantaim hangre. Bikos planti bilong mipela i kam long ol longwe ples, na i nogat mani bilong baim kaikai long ol stua.

Mi laik askim primia bilong provins wantaim nesenel na provinsal helt minista long lukluk long dispela.

**Walmoke Kaula HAGEN**



**YU MAS RAITIM NEM NA ADRES BILONG YU**


olsem mipela.

**Caspar Bruce WEWAK**

lukluk gen long bringim developmen long eria bilong yumi.

Sapos yupela i no tingting gut na makim gutpela lida, yumi ol pipel bilong Jimi no inap kisim gutpela sevis.

**Peter Guan RABAU**





# YU NO INAP WINIM TOYOTA HILUX

Dispela kar tasol em i bikpela na strongpela 1 tonne 4 wil draiv kar insait long Papua Niugini nau. Toyota Hilux i givim yu nambawan 2800cc disil pawa na i gat 5 pela gia, nambawan ples bilong sindaun bilong 5 pela man. Na i gat ol arapela samting olsem ol TJM Bulba, em bilong pasim ol bulmakau na ol bikpela wil. Yu no inap mekim wanpela samting sapos yu no gat dispela Toyota Hilux 4WD. Bikpela spea pat na sevis divisen bilong Ela Motors long olgeta hap bilong Papua Niugini i sapatim dispela nupela kar.

## Ela Motors

NAMBAWAN LONG  
PAPUA NIUGINI

PORT MORESBY 229400  
LAE 433655  
RABAUL 921988  
MADANG 822188  
GOROKA 721844  
MT HAGEN 521888  
WEWAK 862255  
KAVIENG 942132  
KIMBE 935155  
TABUBIL 589060  
VANIMO 871254  
PORGERA 579367



TOYOTA

EM180

# Sapos Wingti laik kirapim fri edukesen, em mas redim inap wok

**Dia Edita,**  
Mi laik bekim sampela toktok bilong Oposisen lida long palamen, Paias Wingti. Em i tok pati bilong em, PDM bai kirapim fri edukesen long kantri.  
Dispela em long gret 1 i go inap long gret 12. Ol komyuniti, provinsal haikul na nesenel haikul bai kam aninit long dispela fri edukesen plen bilong PDM.

wetim long longpela taim. Tasol bikpela samting mi laik toktok em mipela i no laikim PDM long giamanim mipela. Mipela les pinis long ol giaman promis.  
Mi lukim olsem dispela fri edukesen bai i kos bikpela mani tru long olgeta yia. Namba bilong mani i go insait long fri edukesen bai goap long olgeta yia. Wingti i tok dispela em liklik samting.

planti yangpela manmeri bilong kantri i greduet long bikpela gret wantaim inap save.  
Tasol gavman i mas redi inap wok bilong ol dispela greduet. Em i noken skulim tasol i go na bihain painim olsem i nogat inap wok. Dispela bai mekim planti greduet i bel kaskas na mekim raskol pasin. Mi lukim olsem dispela bai i no inap mekim wanpela senis long hevi em ol yut i painim nau long kantri.  
Nau yet kantri i gat planti greduet i stap

nating. Wanem samting gavman i mas mekim em long painim inap wok bilong ol dispela greduet.  
Ekonomi bilong kantri i mas redi long bungim namba bilong ol greduet long olgeta yia. Gavman i mas tingting long kirapim wok.  
Sapos Wingti i tingting long kirapim fri edukesen, em i mas tingting long redi inap wok tu bilong ol greduet.

**Leo Joromo MOSBI**

Dispela em i wanpela samting planti grasrut papamama bilong Papua Niugini i

Tasol bikpela askim bilong mi i go olsem. Gavman i ken putim moa mani long mekim

## Mekim isi long kisim dinau man

**Dia Edita,**  
Mi laik askim gavman long toktok wantaim ol bisnis beng, na mekim isi long ol man i dinau long kirapim bisnis.

Planti manmeri long kantri i laik kirapim ol liklik bisnis. Tasol olgeta taim ol i go long beng, beng i save givim strongpela lo tumas. Na tu interes mani beng i sasim i bikpela tru.

Nupela gavman i mas lukluk long dispela. Dispela em wanpela rot bilong moa PNG pipel i kirapim bisnis.

Yupela ol bikman long ileksen i noken givim kainkain promis nambaut. Yupela mas lukluk long ol dispela kain developmen.

Noken giamanim mipela ol pipel long kainkain giaman pomis. **Thomas Sumesu WEWAK**

## Yusim graun long ples long painim wok

**Dia Edita,**  
Mi laik toktok long ol gret 6 dropaut husat i save rait na komplem long joinim ami na plis fos. Yupela ol dispela lain em ol lesman stret, mi ken tokim yupela.

Maski sindaun nating long as na wetim gavman long painim wok long yupela. Yupela yet mas traim long skul moa long COES na kisim moa save, long painim gutpela wok.

Na tu yupela i ken mekim sampela moa nambaut long kisim mani.

Mipela i gat bikpela graun i stap nating long ples. Go bek long ples na yusim ol dispela graun long plan-

im kopi, kakao, raba, kokonas o sanapim kakaruk fam na ol arapela bisnis olsem.

Yupela i ken kisim moa mani long ol dispela samting. Noken opim maus tasol long joinim ami na plis fos. Dispela kain bilong kraik long wok bilong kisim potnait pe i no gutpela ya.

Sapos yu kamap bisnismen, yu ken kisim pe long kainkain taim. Na tu bai ol manmeri long komyuniti bai respektem yu.

**Simon Jimo GOROKA**

## Ansa i stap long han bilong mipela ol pipel

**Dia Edita,**  
Tude long kantri bilong mipela Papua Niugini, prais bilong olgeta samting i dia tumas. Mani bilong mipela i lusim strong bilong em.

Wok bisnis na ol sevis i pundaun olgeta. Ol pipel i kisim bikpela mekimsave nau.

Mipela i kisim indipen-

dens moa long 16 yia i go pinis. Klostu bai 17 yia nau.

Tasol nau, dispela kantri i gat bikpela hevi long wok politik. Ol as bilong dispela bagarap i luk olsem long les pasin tasol.

Ol lida long gavman i les tumas long mekim gutpela wok. Olsem na kantri i bagarap olgeta

nau.

1992 ileksen i kamap nau. Olsem na dispela em i gutpela taim bilong mipela long glasim gut ol lida, na votim i go long palamen. Ol gutpela lida bai mekim kantri bilong mipela i kamap gut.

Ansa bilong dispela i stap long han bilong mipela ol pipel. Mipela i mas yusim dispela taim bilong ileksen long mekim tingting long wanem rot kantri i ken go.

**Herbert W. C.M. PES**

## Momase rijon, votim ol gutpela lida

**Dia Edita,**  
Mi wanpela manki bilong Morobe provins. Mi stap nau long Madang provins. 1992 nesenel ileksen bai kamap long Jun. Olsem na mi laik autim liklik tingting bilong mi long dispela.

Mi laik tok strong long ol pipel long Momase rijon olsem yupela mas lukluk gut, na votim ol gutpela lida.

Planti bisnismen i givim nem pinis long resis long ileksen. Olsem na mipela mas glasim gut ol dispela bisnismen, bipo mipela votim ol.

Nogat mipela votim ol bisnismen i go long palamen, na ol bai tingim poket bilong ol tasol.

Sapos mipela i votim ol gutpela lida, ol bai tingim mipela. Ol gutpela lida i no save givim planti promis. Olsem na lukluk long ol dispela kain lida na

votim i go long palamen.

Em tasol liklik toktok bilong mi. Mi bai amamas long lukim wan-

pela bekim i kamap long *Wantok Niuspepa*.

**Jeffery K. Ikat MADANG**

## Olgeta meri Hagen i no save paulim ol maritman

**Dia Edita,**

Mi wanpela meri Hagen tasol nau mi stap long Goroka. Mi laik bekim pas bilong wanpela mama long Lae. Nem bilong em Stella Sonny. Pas bilong Stella i bin kamap long *Wantok Niuspepa* long Fonde 7 Me, 1992.

Stella i komplem long rabis pasin ol meri Hagen i save mekim. Dispela em long paulim ol maritman.

Mi yet i no amamas long dispela pas bilong Stella. Dispela pas bilong em i nogat kaikai.

Mi save olsem wanpela ol tupela meri i mekim dispela pasin, na Stella i kolim nating nem bilong olgeta meri Hagen. Mi save olsem ol meri Hagen long ples i save marit gut na stap wantaim man bilong ol.

Dispela ol meri Stella i toktok i mas ol pasindia meri husat i save raun long Lae taun.

Susa, i gutpela sapos yu kolim nem o liklik ples bilong ol meri husat i save mekim dispela pasin. Na maski long bagarapim gutpela nem bilong ol meri Hagen.

**M. Wani Kap GOROKA**

## Ol Tolai ben ken singsing long tokples

**Dia Edita,**

Mi wanpela manki Tolai tasol nau mi stap long Kavieng. Mi laik bekim pas bilong brata Michael Kombu. Pas bilong em i bin kamap

long Fonde Febueri 13, 1992.

Michael i bin komplem long musik bilong ol Tolai. Em i tok olgeta pawa ben bilong Rabaul i save singim ol tokples Tolai singsing

tasol.

Dispela toktok bilong em i tru. Tasol yu mas save olsem ol dispela pawa ben i laikim singsing bilong ol i stap long tokples. Na ol i save laikim tru long singsing long tokples.

Yu wanem, yu masta na yu laikim singsing long tok Inglis? Sapos yu singsing long tok ples bilong yu, mipela i no inap komplem long yu.

Yumi noken bihainim ol waitman na singsing long tok Inglis. Yumi mas traim na holim pasim kastom bilong yumi.

Mi save olsem singsing bilong ol Tolai i save katim lewa bilong yu, na yu giaman long komplem.

**Druvin Kay KAVIENG**

## Bialla taun bus nau ya

**Dia Edita,**

Mi wanpela manki Semin insait long Sauten Hailans provins. Tasol nau mi stap long Bialla taun insait long Wes Nu Briten provins. Mi laik autim wari bilong mi long wanpela samting mi save lukim long Bialla taun.

Mi lukim olsem bus i kamap bikpela na klostu bai karamapim olgeta Bialla taun. Olsem wanem, i nogat wanpela provinsal o nesenel memba

long lukim na stretim o nogat?

Ating yu husat memba i makim Bialla taun i nogat sem stret ya.

Mi ting Bialla em i wanpela nem taun insait long kantri. Olsem na mipela i mas stretim. Noken larim bus i kamap na karamapim.

Em tasol wari bilong mi. Mi bai amamas long lukim wanpela stretim senis i kamap long Bialla taun.

**M. Pomopiri BIALLA**

## Daunim pe bilong ol meri

**Dia Edita,**

Mi wanpela manki bilong Pesi Veli long Nipa, Sauten Hailans provins. Mi laik autim liklik wari bilong mi i go long ol papamama na pikinini meri bilong ol.

Mi lukim olsem taim wanpela yangpela meri i laik marit, ol papamama i save sasim bikpela mani. Ol i save sasim K10,000 na samting olsem 40 pik na sampela moa samting.

Yupela ol papamama i ting em i isi long painim kain mani. Nogat wanpela boi nating long ples i gat kain mani olsem. Na mi save tu olsem. yupela tu i nogat kain moni olsem.

Mi askim yupela long daunim pe

bilong meri i go daun liklik. K10,000 em i dia tumas.

Traim na marimari long ol trangu yangpela man. Na maski stapim laik bilong ol long marit. Ol man i laik marit na sindaun gut wantaim famili.

Yupela ol papamama tu mas sem long kain pasin yupela i save mekim.

Bihain long marit, yupela save go ken long haus bilong tupela. Olsem na mi askim yupela long daunim pe bilong meri. Bikos yupela tu i save go long haus na kaikai.

**Robert Ipensnals Nipa Sauten Hailans.**

## Provinsal memba mas bringim rot i go long Okapa distrik

**Dia Edita**

Mi wanpela manki Indona long Okapa distrik, Isten Hailans provins. Mi laik autim liklik wari bilong mi i go long provinsal memba bilong Okapa.

Long lukluk bilong mi, mi lukim olsem memba i no mekim sampela samting long bringim senis i go long ol pipel bilong Okapa.

Ol pipel i votim yu long makim ol. Olsem na yu mas mekim sampela samting long helpim ol.

Ol ples olsem Okasa, Indona, Rola, Asempe, Ponampa na Amaira i

nogat rot.

Planti bilong ol dispela ples i nogat gutpela rot, na ol pipel i save painim hat long kam long Okapa.

Mipela ol pipel bilong dispela hap i laikim rot. Na yu mas toktok strong long bringim dispela senis i kam long mipela.

Rot em i bikpela samting long developmen. Sapos i nogat rot, ol pipel i no inap kisim samting bilong ol i go salim long maket.

**Kawag Maresada Kainantu - EHP**

## Maski sotim laip bilong ol yangpela soldia

**Dia Edita,**

Mi wanpela manki Kumbuhun long Yangoru, Is Sepik provins. Mi laik sapotim pas bilong Tonny Lolo.

Pas bilong em i bin kamap long *Wantok Niuspepa* long Fonde Me 7, 1992. Lolo i tok yumi mas tingting long laip bilong ol yangpela soldia.

Dispela toktok bilong em i tru. Yumi mas sori long ol dispela yangpela soldia. I luk olsem ol bikman bilong ami i nogat marimari bilong ol.

Taim ol dispela yangpela soldia i pinisim 6-pela mun tasol long trening, ol i save salim ol i go long

Bogenvil. Planti bilong ol i no save tumas long olgeta wok bilong ami.

Dispela 6-pela mun trening i no inap. Ol i mas trening moa bipo yupela ol bikman i salim ol i go long Bogenvil. Planti bilong ol dispela yangpela soldia i save kisim bagarap.

Yupela ol bikman i mas tingting long laip bilong ol. Planti bilong ol dispela yangpela soldia i gat longpela laip i stap yet. Na maski long sotim laip bilong ol.

**Eddie Javako WEWAK**



## Raskol bikpela gen long Wau

WAU/Bulolo haiwe na taun i gat nem long stil pasin. Long las wik Fonde, Me 28, tupela bikpela stil pasin i bin kamap long Wau.

Ol stilman i bin pasim rot bilong wanpela PMV bas. Na stilim mani bilong PMV wantaim ol pasindia. Long wankain taim long nait, ol i bin brukim tupela opis na bagarapim planti samting. Morobe provinsel distrik edministretiv dipatmen i papa long dispela tupela opis.

Ol i bin painim mani na ol arapela gutpela samting tasol i no gat olsem na ol i lusim na ranawe. Ol plisman i

kisim tok save na mekim sampela wok painim aut hariap. Na holim tupela man. Na ol plisman i bin sutim wanpela bilong ol dispela man na em i dai.

Ol narapela husat i ranawe i bin pretim wanpela draiva bilong gavman. Ol i kisim mani bilong dispela draiva na ol arapela samting bilong famili bilong em.

Ol plisman i harim nius long dispela stil pasin. Na bihainim i go na holim ol dispela tripela man. Olgeta i stap nau long plis stesin long Wau.

# Isten Hailans bai kirapim wanpela skul liva fan

ISTEN Hailans provinsal gavman i orait long kirapim nupela developmen fan bilong ol skul liva.

Isten Hailans primia, Robert Atiyafa i tokaut long dispela long

bikpela kibung bilong Egrikalsa na Fiseris Konprens long Goroka.

"Dispela developmen fan em bilong helpim ol yangpela manki husat i no go long haikul na ol gret 10 dropout long wok didiman. Dispela fan bai wok aninit long nem bilong Skul Liva Egrikalsa Developmen Program.

Aninit long dispela program, kabinet i orait pinis long givim K30,000 bilong mekim dispela wok. Na divisen bilong Egrikalsa na Laipstok

yet bai lukautim program. Tasol em i tok provinsal gavman yet bai i go pas long ol wok bilong dispela program.

"Dispela program bai karamapim komyuniti skul, vokesenel skul, haikul na ol arapela sios oganaisesen," Atiyafa i tok.

Em i tok Isten Hailans provins i gat planti kaikai na ol kes krop olsem kaukau, kadamon, na kumu. Na tu sampela projek bilong sipsip, kau na pik. Olsem na gavman bilong em wantaim ol

arapela hailans senta bai wokim rijonal opis long Goroka.

Tasol em i tok wok bilong kirapim dispela opis bai i no inap kamap hariap. Bikos planti toktok politik bai kamap sapos ileksen i no pinis.

Em i tok sapos gavman i yusim ol dispela yangpela boi long wok, ol bai inap bringim planti developmen long provins. Na tu kamapim gutpela sindaun bilong ol wanwan man na grup insait long provins.



Helpman bilong Goroka...Husat man o meri i go insait long Paradise Hotel long Goroka bai lukim lalibu Yoma long Birdy's kona. Oltaim dispela man Sauten Hailans i save wok long dispela hap kona na helpim ol kain kain lain. Em i stap wok long hap inap long planti yia. Foto: Sape Metta.

## Ol pipel long Godens wetim nating Unagi

Memba bilong Mosbi Not Is Open, David Unagi bai painim bikpela hevi nau long kisim bek ol sapota bilong em long Godens eria bilong Mosbi.

Long las wik, David Unagi i tokim ol lain long Goden eria olsem em bai kamap long hap bilong ol long Trinde. Em yet i bin baim sampela kaikai bilong dis-

pela bung.

Tasol long long dispela de, Unagi i no bin soim pes. Mausman bilong ol manmeri long Godens, James Omoro i tok siting memba i tok long bungim ol long 4 klok. Tasol em i no bin kamap. Ol manmeri i wet i go inap long 9 klok long nait na ol i go nabaut.

James yet i bilong ples Kinipo long Galp provins. Em i tok planti bilong manmeri long dispela hap i bilong kain kain provins. James i tok, ol manmeri long Godens nau i gat kros long David bikos em ino bin kamap long dispela bung long harim sampela toktok bilong ol tu.

Taim ol manmeri i harim olsem Unagi bai

kam long lukim ol, ol i redim sampela toktok bilong askim em. Tasol em i no kamap. Dispela i mekim ol manmeri i kros.

Planti bilong ol lain long Godens i gat hevi long haus. James i tok long las ileksen, David Unagi i tok long helpim ol long hevi bilong haus. Tasol em i no bihainim ol toktok bilong em. James i tok ol manmeri i laik askim em gen long dispela samting.

Nau yet insait long wanwan flet, i gat moa long tripela famili i slip. Na planti bilong ol dispela flet i olpela tru. James i tok, sapos David Unagi i laik soim olsem em i tru lida bilong ol, orait, em yet i mas kam na lukim ol.

## Tripela gavman opisa bai go skul long Malesia

TRIPLETA Papua Niugini studen i winim pinis skolasip bilong go skul long nesenel institut long Malaysia.

Malaysia Hai Komisina V. Yooganlingam i bin kliaim tingting bilong ol dispela tripela studen long wanem samting skolasip bilong ol i karamapim long Tunde Jun 3, 1992.

Yooganlingam i tok em i amamas long ol tripela. Em i tok ol i winim dispela skolasip namel long planti aplikesen bilong Papua Niugini. Na tu long ol arapela wok manmeri bilong gavman long ol arapela Saut Pasifik kantri.

Moa long 100 studen bilong Papua Niugini i go

pinis long Nesenel Institut bilong Malaysia. Yooganlingam i tok Malaysia gavman i bin statim dispela skolasip long 1982 bilong trenim ol wokman bilong gavman.

Ol dispela tripela studen em, Philip Julius na Ovin Henry bilong Dipatmen long Fainens na Plening na Cae-

sar Sevese long Helt Dipatmen.

Caesar Sevese na Ovin Henry bai skul long Human Risos Developmen na Julius bai skul long Metoloji. Na olgeta bai stap long Nesenel Institut bilong Malaysia. Ol bai skul aninit long Malaysia Teknikel Kopresen program inap long tripela mun olgeta.

TRED STUA  
O  
SUPA MAKET


OL PAPA BILONG OL STUA

PRAIS I GO DAUN LONG RAUSIM!!  
TUPELA RUM DISPLEI BOKIS AIS


 GoldStar

 SANDEN

STAT  
LONG  
K 1,995



**Brian Bell Stores**  
• BOROKO 25 5411 • LAE 42 1433 • GOROKA 72 1098 • MT HAGEN 52 1999 • RABAU 92 1966

MAJOR SPONSOR OF  9th SOUTH PACIFIC GAMES PAPUA NEW GUINEA 1991

Res 16  
**WANTOK**

# BISNIS LONG PAPUA NIUGINI

**WANTOK**

## KOPRA

Pe bilong kopra i go antap nau long K30 long wan wan tan long dispela yia. Pe bilong ol bikpela depo olsem Mosbi, Alotau, Lae, Madang, Wewak, Kavieng, Toboi, Kimbe na Kieta i stap olsem:

Smoke	K263
F.M.S	K265
Hot Air	K268

Na pe bilong kopra long ol liklik depo i stap olsem:

SAMARAI	Smoke	K231
	F.M.S	K233
	Hot Air	K236

KANDRIAN na NAMATANAI	Smoke	K228
	F.M.S	K230
	Hot Air	K233

BUKA	Smoke	K227
	F.M.S	K229
	Hot Air	K232

FINSCHHAFEN	Smoke	K223
	F.M.S	K225
	Hot Air	K228

LORENGAU	Smoke	K198
	F.M.S	K200
	Hot Air	K203

KEREMA	Smoke	K218
	F.M.S	K220
	Hot Air	K223

KARKAR	Smoke	K200
	F.M.S	K202
	Hot Air	K205

CMB nau bai i no inap long kisim moa prais sapat long Gavman. Dispela i stat long Janueri 1, 1992

## KAKAO

PRAIS bilong drai kakao long wanwan tan long Rabaul long Mande inap long Fraide long las wik.

Mande	Tunde	Trinde	Fonde	Fraide
25/05	26/05	27/05	28/05	29/05

Pe ol baiya sasim long papa bilong fementri	K532	K532	K532	K528	K522
---	------	------	------	------	------

Sapat prais	K534	K534	K534	K534	K534
-------------	------	------	------	------	------

Prais ol papa bilong fementri i kisim  
K1066 K1066 K1066 K106w K1056  
Sapat prais bilong kakao long dispela mun em K418.20. Dispela prais i no wankain olsem pe bilong kakao long ol narapela hap bilong kantri.

## KOPI

Pe bilong drai arabika na robusta kopi long wanwan kilogram long Me 25, 1992. Dispela i karamapim prais bilong kopi long dua bilong faktori, na i no long sait bilong rot.

Arabika :	
Kainantu	K0.88
Goroka	K0.92
Kundiawa	K0.90
Minz na Banz	K0.83
Hagen	K0.85
Lae	K0.95
Madang	K0.75
Is Sepik	K0.70

Ol ripot i kam long Kopi Industri Kopresen. Mipela i no kisim ripot bilong Kundiawa, Wapenamanda, Mendi, Erap, Mumeng, Wau Bulolo, Wasu, na Aseki.

Robusta :	
Madang	K0.50

Ripot bilong ol arapela senta husat i save groim robusta kopi i no kamap.

## RABA

Gavien faktori (ESP) - 21 t/kg  
Doa faktori (Sentre) - 36 t/kg inap long 39t/kg

## KADAMON

Prais bilong kadamon em A. T. Agri Ejensi Pty Ltd long Madang i tok aut long en i stap olsem:  
Drai long san em namel long K0.80 na K1.10  
Drai long fektori em namel long \$6.50 na \$8.00  
A. T. Agri i lukautilim Kobum Spice em i stap long Bundi we planti ol kadamon i save kam long en.

## PRAIS BILONG OL BENSIN

Kos long wanpela lita	
Ex Pump (Wantaim takis)	
Petrol	55.1 toea
Diesel	42.3 toea
Kerosin	46.6 toea



# Prais bilong kopra goap liklik tasol

### LEO WAFIWA i raitim

OL kopra produsa long kantri bai kisim bikpela mani liklik long ol kopra ol i salim. Bikos prais bilong kopra long Yurop i pundaun, na tu bikos long bikpela san long Filipin ailan. Ripot i kam long Kopra Marketing Bod i tok i tok kopra prais long Yurop i bin pundaun stat long Desemba

las yia. Olsem na dispela i givi gutpela sans long prais bilong ol Papua Niugini kopra long goap.


Ripot i tok prais bilong ol groa tu i goap liklik, we i go antap long K268 long wanpela tan (hot air) long mun Mas, na K263 long mun Epril. Nau yet bod i kisim levi fi na putim i go insait long stabilaisesen fan.

Filipin ailan na Indonesia i save salim planti kopra long ovasis. Ripot i tok bikpela san long Filipin ailan na


Indonesia i stap yet. Olsem na ol kokonhas long dispela tupela kantri bai i no inap long kamap gut. Dispela i min olsem ol bai i no inap salim planti kopra, na ol ovasis kantri bai baim kopra bilong ol arapela kantri olsem PNG.

Nau yet, PNG gavman i oraitim wanpela plen pinis olsem bai i nogat takis o levi long ol baunti prais. Na prais bilong ol produsa bai stap namel long K200 na K250 long wanwan tan.

## PNG Foren Afeas kisim 6-pela ka long Korla gavman



• Seketeri bilong Foren Afeas, Gabriel Dusava (namba tu long lephan) wantaim ol opisal bilong Korla Embasi i lukim Dusava i kisim kl bilong 6-pela ka em Hyundai kampani i givim long Tunde Jun 2. Gavman bilong Korla i baim ol dispela ka long K350,000 na givim long Papua Niugini gavman. Hyundai em wanpela kampani long Korla husat i save mekim ol ka.



• Foren Afeas dipatmen bai yusim ol dispela nupela ka ya. Long Tunde yet Foren Afeas dipatmen i kisim 6-pela ka ya. Wanpela i no kamap yet. Ripot i tok wanpela ka bai i kam long Japan. Ol foto: Rudolf Ayu.

## PNG So haus kisim nambawan nem long Expo '92

SO haus bilong Papua Niugini long Expo '92 long Spein i kisim nambawan nem (5 Sta Reting).

Wanpela buk ol i kolim "The Best of Expo" i givim dispela namba. Dispela namba i min olsem so haus bilong PNG i winim tru bilong ol arapela kantri.

Ripot long buk ya i tok so haus bilong PNG i kisim nambawan nem long ol arapela 34 so haus bilong ol arapela kantri. Bikos em i ken givim gutpela piksa long kantri, maski em i gat 860 tokples na tumbuna pasin long PNG.

Ripot i tok moa olsem ol samting we i holim pasim ai stret em so bilong ol minerel, wotafol, a at na kalsa so.

Narapela samting ripot i tok em slait na saun so we i soim 1000 piksa bilong kankain samting long PNG.

Long ol tumbuna singsing na danis, ripot i tok PNG so haus i pulim moa manmeri stret.

## Senta bilong sapatim ol wel pam fama kamap nau long WBNP

OL pipel bilong ples Siki insait long Wes Nu Briten provins i gat wanpela nupela komyuniti senta nau. Dispela senta bai sapatim ol fama husat i wok long Smol Holda Developmen wel pam projek long eria.

Praim Minista Rabbie Namaliu i opim dispela senta long Fraide Me 29.

Esian Developmen Beng na PNG gavman i go pas nau long sanapim ol wankain senta long eria. Pe bilong kirapim ol dispela senta em K50 milien. Ol senta ya bai helpim ol liklik fama insait long Wes Nu Briten provins, na Niugini Ailan rijon long planim na kamapim moa wel pam.

Komyuniti senta i gat wanpela komyuniti hol, klinik, trupela dabol haus klasrum bilong skul na agrikalsa dipatmen opis. Pe bilong kirapim dispela senta em K400,000 olgeta. Na Wes Nu Briten Woks Dipatmen i sanapim dispela senta.

Nesenel Gavman i bin plenim long kirapim dispela senta long 1974. Long 1980 em i lukim Esian Developmen Beng long helpim, na kisim helpim long 1984.

Wanpela moa wok painimaut i bin kamap long 1985.

Ol arapela senta olsem we gavman i kirapim pinis em long Momota na Rasilau.

## Ol PNG pipel nogat sans long statim liklik bisnis

SIAMAN bilong Isten Hailans Nesenel Bisnisman Asosiesen, Stainer Sapu i tok planti ovasis manmeri i kam na kirapim ol kankain liklik bisnis long kantri.

Mista Sapu i tok Papua Niugini i kisim independens moa long 10-pela yia i go pinis. Tasol PNG i no strong yet long ekonomi o bisnis bilong em. Em i tok long longpela taim, ol saveman bilong ovasis i kam na bagarapim laik bilong ol lokol pipel long kirapim bisnis.

Mista Sapu i tok em i no bilip long Semba bilong Komes long kantri.

"Mi nogat bilip long Semba bilong Komes. Bikos dispela bodi i kamap long lukautim laik bilong ol ovasis kampani tasol. Ol i no helpim ol lokol pipel husat i laik kirapim ol liklik bisnis," Mista Sapu i tok.

Mista Sapu i askim nau nesenel gavman long glasim nau ol bisnis em ol ovasis manmeri i ranim insait long kantri. "Sapos gavman i no laik mekim olsem, orait em i mas tokim mipela long wanem rot kantri i go nau," em i askim.



**WANTOK**

# BISNIS LONG PAPUA NIUGINI

**WANTOK**

PE BILONG  
AIR NIUGINI LONG  
PNG TASOL

## Ol wel pam groa gat nupela Bod

KISIM LONG I GO LONG PE BILONG	BALUS	PE BILONG KAGO
POM	Alotau	K101
POM	Daru	K117
POM	Goroka	K114
POM	Hoskins	K140
POM	Kavieng	K234
POM	Kundiawa	K113
POM	Lae	K95
POM	Madang	K129
POM	Manus	K206
POM	Mendi	K136
POM	Misima	K155
POM	Mount Hagen	K132
POM	Popondetta	K59
POM	Rabaul	K187
POM	Tabubil	K189
POM	Tari	K153
POM	Vanimo	K234
POM	Wapenamanda	K141
POM	Wewak	K180

Ol kago em hevi abrusim l6kg bai gat pe

**Exchange Rates**  
PNGBC  
PAPUA NEW GUINEA BANKING CORPORATION

Bank buys at:	Notes	T/T
Australia	1.4120	1.3826
USA	1.0850	1.0506
UK	0.6040	0.5810

Bank sells at:	
Australia	1.3715
UK	0.5696
USA	1.0425
Solomon Islands	2.9777
China	5.6530
Fiji	1.5348
Hong Kong	8.0100
India	29.2280
Japan	131.6100
New Zealand	1.9209
Philippines	27.0740
Singapore	1.6820
Switzerland	1.5150
Germany	1.6670

Gold rates (in US\$):	
per ounce	\$338.95
per gramme	\$10.90

### JAMES KILA i raitim

OL nupela Bod ov Dairekta bilong Wel Pam Kopresen i bin holim namba wan kibung bilong ol long Mosbi las wik.

Wel Pam Kopresen em wanpela nupela Bod, em i bin kamap nau tasol.

Ol memba long bod em opisal bilong Komonwel Developmen Kopresen, Malcolm Hodgson, Sinievala husat i makim Nu Ailan, John Wijanand bilong Hargy Wel Pam skim, James Liedl bilong Alotau, Martin Kale bilong Bialla, na Bruno Sengotimi bilong Hoskins.

Bikman i makim gavman em Seketeri bilong Fainens na Plening, Gereaa Aopi.

Ol bod memba i bung las wik na toktok long wok bilong Wel Pam Kopresen. Kopresen bai statim wok bilong em long Trinde Julai 1. Kopresen ya i kamap bihainim tokorait bilong palamen long Mas, 1991.

Kopi em namba wan kes krop long kamapim kopresen bilong em yet, na wel pam i bihainim.

Kopresen bilong wel pam i kamap long strongim na lukautim developmen bilong wel pam industri o bisnis insait long kantri.

Mani bilong kopresen long mekim ol wok bilong em bai i kam long nesenel gavman.

## Grup grisim moa Australia bisnis long kam long PNG

### JAMES KILA i raitim

WANPELA grup i bin go long Australia na grisim ol bisnis long hap long kam baim moa samting long Papua Niugini.

Australia Tred Komisen i bin go pas long dispela bisnis

Papua Niugini i gat planti gutpela samting bilong salim, na ol i ken baim baim.

"Mipela i givim tok save olsem PNG i laikim moa lokol industri. Olsem na ol Australia bisnismen na meri i ken lukluk long sans bilong kam long PNG," em i tok.

### Nogat bikman kamap long bung bilong ol yut



### Siaman bilong Nesenel Kapitel Distrik Komisen, Frank Igo i kisim wanpela kopi bilong logo o sain i kam long Nesenel Yut Sevis. Foto: James Kila.

SIAMAN bilong Nesenel Kapitel Distrik Komisen Frank Igo i tok ol minista na kendidet i yusim tasol nem bilong ol yut long kisim sapot long kempen bilong ol, tasol ol i no save sapotim ol yut long wok bilong ol.

Mista Igo i tok olsem long las Fraide bihain long ol nesenel minista i no kamap long wanpela bung. Dispela bung i bilong lukim nupela logo o sain bilong Nesenel Yut Sevis long Mosbi.

Mista Igo i tok las Fraide em namba tri taim bilong em long kamap long bung bilong ol yut we nogat wanpela minista i soim pes.

"Mi sik long pasin ol lida i mekim long ol yut bilong mipela, Mista Igo i tok.

Em i tok moa olsem ol minista na kendidet i save karim ol yut long ka bilong ol na singaut long taim bilong kempen. Tasol taim ol yut i holim wanpela bung na singautim ol minista long go, ol minista i no inap long kamap.

Askim i bin i go long Praim Minista Rabbie Namaliu long kamap bung bilong las Fraide. Tasol praim minista, wanpela mausman o palamen minista i no kisim ples na kamap.

Olsem na ol yut i singautim siaman bilong Nesenel Kapitel Distrik Komisen long kamap.

## Ol pos opis salim 4-pela nupela stem stat long Jun 3 Sosaiti bilong ol Enimel bai kibung long Jun 16 na 18

FOAPELA nupela stem i soim ol tambaran bilong Papua Galp i kam aut pinis. Menesing Dairekta bilong PTC, Isikeli Tau-reka i tokaut long dispela long Trinde Jun 3, 1992.

Ol waitman i kam insait long kantri long 100 yia i go pinis na luksave long ol dispela tambaran. Sampela bilong ol dispela tambaran i stap nau long ol bikpela misium bilong Yurop.

SOSAITI bilong Enimel Prodaksen long Papua Niugini bai holim wanpela kibung bilong em long Lae. Dispela kibung bai kamap long namba 16 na 18 de bilong mun Jun.

Het tok bilong dispela kibung em: "Enimel production in Papua New Guinea."

Dispela kibung bai lukluk long planti samting. Sampela bilong ol dispela samting em long skul bilong lukautim ol abus olsem pik na kau, na we bilong salim na kaikai.

Tripela saveman bilong Australia

bai kamap tu long dispela kibung. Ol bai toktok moa long wanem wok i kamap nau long PNG long bisnis bilong lukautim ol abus.

Taim dispela bodi i kamap, em i bin tupela kibung long olgeta yia. Insait long dispela kibung, bodi i glasim sampela hevi long bisnis bilong lukautim ol abus.

Sosaiti i bin kamap long 1987 bihain long bikpela askim olsem i nogat bodi long makim maus bilong ol fama husat i save lukautim ol abus na salim.

**Papua New Guinea**

**NEW ISSUE**

WHERE EVERY PICTURE TELLS A STORY OUR STAMPS CAN WRITE A BOOK

POST & TELECOM  
A Partner in World Expo '92

## PNG kisim moa dinau long 1989-90

### EDDIE SAUNDERS i raitim

PAPUA Niugini i save bikpela dinau mani i kam ovasis. Dispela i winim tru ol arapela kantri long Forum Ailan Kantri bilong Saut Pasifik rijon, wanpela ripot i kam long Jemani i tok olsem.

Dinau mani PNG i kisim long olgeta yia i winim bilong ol 12-pela arapela memba kantri bilong FIC.

Ripot i kam long DTZ, wanpela bikpela

teknikel na ekonomik kopresen bilong Jemani i ripot olsem. DTZ i raitim dispela ripot long Novemba 1991, na i kam aut long Me 1992.

UNDP Developmen Kopresen i ripot long 1989 na 1990 olsem PNG i bin kisim 334 milien Ameriken dola. Dispela i winim tru ol arapela memba kantri bilong FIC.

Na 8-pela narapela

kantri i kisim 138 milien Ameriken dola tasol. Ol dispela kantri em Fiji, FSM, Kiribati, Marshall Ailans, Solomon Ailan, Tonga, Tavulu na Vanuatu.

Ripot i bilip olsem Kuk Ailan i kisim 10 milien Ameriken dola, Niue i kisim 4-5 milien Amerika dola, na Western Samoa i kisim 15 milien Ameriken dola.

Ripot i no tokaut long hamas mani Nauru, na rapela memba bilong FIC i kisim.



# Faundesen bai traim daunim ol bikhet pasin long 1993

## JAMES KILA I raitim

FAUNDESEN bilong Lo Oda na Jastis i wokim pinis wanpela plen bilong ol long yusim long neks via.

Dispela i kamap bihainim lo wik long las wik.

Siaman bilong Faundesen, Kevin Beamish i tok dispela plen i sut long wok bilong daunim ol raskol na bikhet pasin. Na progrem i karamapim tu kain ol hevi

bilong man i paitim meri o meri i paitim man, wanpela projek bilong ol wan pasin i save pait long hailans na ol rot bilong stretim ol hevi long Papua Niugini.

Em i tok ol bai statim wanpela kaunsil em ol bai kolim olsem Konflik Resolusen na Pis Edukesen long neks mun. Na faundesen bai wok klostu wantaim kaunsil i go inap long taim em inap wok em yet.

Beamish i tok long sait bilong ol spak brus na ol marasin nogut,

bikpela wok nau bai i stap long skulim ol yangpela man na meri.

Faundesen bai givim helpim na ol sapot long ol komiti long Mosbi na Lae. Dispela ol komiti i wok long strongim yet ol Laip Edukesen Senta projek.

Beamish i tok wok bilong banisim na daunim ol raskol na bikhet pasin bai go het yet. Long nau yet, Faundesen i tilim pinis ol posta long olgeta hap bilong kantri long skulim ol manmeri long dispela. Long ol komyuniti skul i

gat wanpela kain buk olsem komik bilong wankain samting.

Plis dipatmen na Faundesen i wokim yet wanpela vidio na buk bilong ol komyuniti grup na oganaisesen long yusim. Plis dipatmen bai i gat bikpela wok tu long dispela hap na em i sans bilong ol long go aut moa na bung wantaim ol pipel.

Beamish i tok wanpela samting nau em faundesen i lainim long las wik em long no ken sindaun na wetim ol bos long bung long

tebol. Faundesen yet inap kirapim samting na dispela bai go het. Tasol long mekim ol dispela samting i kamap tru, gutpela sapot i mas kam long gavman na ol pipel.

Em i bin amamas tu long toktok bilong Siev Jastis Sir Buri Kidu olsem ol pipel i save pinis long wanem kain hevi bilong lo na oda i stap long kantri. Wanem samting ol i mas mekim nau em long pait hat na traim daunim dispela hevi.

## Wokman na meri bilong NPF

i kam long pes 11 las 18 mun;

- ol bos i no mekim gut long ol wokman na wokmeri fran long ol arapela wanwok bilong ol;
- ol i rausim planti wokman na wokmeri tasol i no gat gutpela as long en;
- NAM i no soim rispek long opis bilong bod siaman;
- ol i bin kolim wanpela bikman bilong bod na trasti bilong fan olsem man bilong giaman;
- i no bin gat gutpela trening progrem bilong ol wokman na wokmeri long tekova long ol samting taim NAM i go;
- i no gat rot bilong kism ol wokman na wokmeri;
- i no gat klia rot long pasin bilong givim pre-

sen o prais long ol lain husat i wok hat;

- NAM i laik salim ol kompyuta bilong en long NPF long K3 milien. Narapela K450,000 i bilong sistem long kompyuta na dispela i min olsem narapela K350,000 bilong stretim na klinim ol dispela masin long olgeta yia; na
  - NAM i bin giaman bod na ol memba olsem planti samting i bilong fan yet.
- Ol dispela samting wantaim lo bilong kontrak na wok, Augerea i bilip olsem NAM i brukim lo bilong kontrak na ol i mas go nau.
- Ol bai holim ol wankain kibung olsem bilong painimaut moa tingting long taim bihain.

## Shell kampani givim ol kaving long Nesanel Misium

LONG las wik, Nesanel Misium na At Galeri long Mosbi i bin kism sampela moa kaving.

Na dispela i kamap bikos Shell (PNG) Pty Limited kampani i tingting long helpim na givim ol dispela samting. Man husat i givim ol dispela kaving i go long Nesanel Misium em fainens menesa na ekting jenerel menesa, Keith Gilmour.

Kampani i bin bungim ol dispela kaving taim em i bin mekim ol wok painimaut long bipo long Is Sepik, Galp na Westen provins. Na ol i bin stap long olpela opis bilong Shell kampani.

Tasol nau Shell kampani i muv i go long nupela opis long Pasifik Plesa long taun. Na i no gat spes.



• Fainens menesa na ekting jenerel menesa bilong Shell kampani, Keith Gilmour long lephan i sekhan na givim ol kaving i go long William Marla bilong Nesanel Misium long Mosbi. Dispela ol kaving i bilong Galp, Is Sepik na Westen provins. Foto: Wally Ainui.

## Sukurum i stap 20 yia bihain yet long ol wok kamap

### SANANG ZAZORING I raitim

OL pipel bilong Sukurum long Wantoat, Kaiapit distrik bilong Morobe provins i stap

baksait tru ol wok kamap na kain kain sevis bilong gavman. Long ekonomik na sosel developmen, ol i

no lukim wanpela senis long longpela taim i go pinis.

Husat i mask kism asua bilong dispela hevi? Ol lida? Yes, ol lida i gat tok long bekim dispela askim. Ol provinsal na nesenal lida i mas karim dispela asua. Long lukluk bilong 5-pela lida bilong ples Sukurum olsem Ngawai Kotok, Steven Yarak, Giwisa Sanru, Wayapak

Sanaru na Tamu Daum; Sukurum i stap 20 yia baksait long ol developmen.

Ol lida hia i tok, planti taim ol gavman lida long provins na long nesenal i save promis long bringim developmen, tasol nogat wanpela sevis bilong gavman i go long ol. Taim ol lida i maus wara na ol pipel i votim ol, ol i go na lus tingting olgeta. Long dispela as

wanpela gutpela sevis i no save go long ol.

### No gat haus sik na klinik

Long dispela kain pasin bilong ol lida, ples Sukurum wantaim arapela ples olsem Rumdinan, Kupasa, Warom na Gabagiab i kism tim tru. Ol lida i tok, hausik em i bikpela samting long laip bilong ol pipel, tasol ol i no save kism


wanpela helpim. Mutzing na Wantoat stesin i stap longwe tru na hat long ol i go na kism marasin long taim bilong sik. Long dispela yia tasol, ol 8-pela pikinini i gat, i nogat marasin bilong daunim sik.

### Hevi bilong rot

Rot em i narapela hevi. Taim ol pipel i kism ol sik manmeri i go long rot, ol i mas wet longpela taim long ka i bringim ol i go long hausik. Planti taim ol sik manmeri i dai namel long rot. Hausik em i bikpela wari bilong ol pipel. Ol pipel i les pinis long planti giaman promis ol lida i save mekim long kism pawa tasol na i go olgeta.

### Hevi bilong wara

Narapela hevi bilong ol pipel em wara Leron. Wara Leron i gat nem long karim planti pipel i go pinis. Planti taim ol i wokim kanda bris na i no long taim na wara i save tait na karim i go. Ol i mas wok hat gen long wokim narapela kanda i bris long i stap liklik taim tasol na wara tait i karim gen.



• Wanpela kanda bris em ol pipel i wokim long Wara Leron. Na ol mama na pikinini i laik go long hapsait.



• Pasto Jeremala Apako wantaim famill bilong em. Pasto Jeremala i laik strongim bilip bilong ol pipel long Sukurum. Pasto Jeremala i bilong Aseki.



# Masalai kilim tupela brata

BIPO bipo tru long taim bilong tumbuna, i gat wanpela man i save stap long het bilong wara Karamure long hap bilong Opao eria bilong Kerema, Galp provins.

Dispela man i no wanpela trupela man. Em i wanpela masalai man. Nem bilong dispela masalai man em Opu.

Opu i gat wanpela meri. Nem bilong dispela meri em Fairi.

Opu i gat tupela brata. Nem bilong bikpela brata em Ea, na bilong liklik brata em Aboka.

Tupela liklik brata i save stap gut wantaim Opu na meri bilong em, Fairi. Tupela liklik brata em ol hap man bilong wok gaden stret. Olgeta de, tupela save kirap long bikmoning na go wok long gaden. Na long apinun tru, bai tupela kam bek long haus wantaim ol kaikai bilong gaden olsem bana, taro, yam, suga, kumu na planti moa.

Opu yu save, em masalai man ya. Em save yusim tasol ol pawa bilong em long kisim wanem samting em i laikim.

Na tu em i wanpela man bilong pait. Olgeta de, em i save pait tasol long winim moa pawa na nem.

Olgeta de em wan-

pela bai i go pait wantaim ol paitman bilong ol ples arere long nambis. Bikos em i laik kilim olgeta na kisim graun bilong ol.

Ol stap i go na meri bilong Opu, Fairi i gat bel. Wanpela de Opu kisim meri bilong em na tupela wokabout i go klostu long nambis.

Tupela wokabout i go long longpela hap na Fairi pilim bel bilong em i pen na tanim. Em i laik karim bebi nau na tokim Opu, "Mi pilim olsem bai mi karim bebi nau ya."

Tupela i painim nau ples bilong meri i karim gut bebi. Orait Opu tokim meri bilong em, "Bai mi go stret long haus bilong poroman bilong mi. Haus bilong ol i no stap longwe. Mi lukim poroman pinis, bai mi kam bek na kisim yu i go karim bebi long haus bilong em."

Opu tok olsem na lusim meri i stap long rot. Em wokabout i go long narapela ples klostu long lukim poroman bilong em. Tasol meri wet i go pilim olsem pen long bel i kam strong olgeta.

Em krai wantaim na slip long rot i stap. Mekim nogat na meri, Fairi i tanim olsem trasel.

Opu em masalai man ya. Em wokabout i kam



na longwe yet, em lukim meri i painim taim na tanim olsem trasel. Em wari nogut tru na salim bikpela haiwara i kam.

Haiwara i kam na karim meri husat i tanim pinis olsem trasel i go bek long ples, we tupela liklik brata tasol i stap.

Tupela brata ting olsem haiwara tru i kam. Tupela brata lukim trasel na ting em trasel tru. Man, tupela i amamas nogut tru olsem tupela i gat gut-

pela abus pinis bilong kaikai.

Tupela amamas wantaim na kilim dispela trasel. Bihain tupela kukim gut long paia na kaikai i stap. Samting tru, tupela i kilim na kaikai bikpela tambu meri bilong tupela.

Opu i lukim olsem na bel kaskas olgeta long tupela liklik brata. Em salim bikpela haiwara stret wantaim ol ston diwai i kam na kilim tupela liklik brata long ples.

Olgeta pipia i

karamapim tupela brata olgeta.

Bihain long dispela bikpela haiwara, Opu wanpela bihainim wara i go antap na mekim ples long het bilong en.

Tude sapos yu go long Kerema, yu ken kisim moto kanu i go antap long Opae eria. Na bai yu lukim dispela diwai na ston i stap ples klia yet.

Em tasol sotpela stori bilong mi. Mi pilim yupela i amamas long ritim. Roy Lahui Keroro LAE



■ Kanage i go long ples balus long Rabaul na wetim tambu bilong em i kam long Mosbi. Balus i pundaun na Kanage amamas stret na go kisim tambu bilong em. Kanage askim tambu: "Ai tambu lewa, mi ting bai yu kam long moning tasol yu kam long apinun, olsem wanem, i gat sampela rong long balus o nogat?"

Tambu kirap na bekim: "Mipela kam long moning tasol ensin stap long spes na indai. Pailot salim mipela olgeta go ausait na pusim balus long spes. Mipela pinisim olgeta strong stret. Na taim balus i stat, mipela olgeta kalap insait na kam pundaun long 6 klok apinun."

Tambu i no pinisim stori yet na Kanage sotim olgeta toktok: "Sore, olgeta samting mitupela i wankain. Tasol yu winim mi long dispela tasol taim yu pusim balus long spes."

Samting tru tambu giamanim Kanage.

Megusa Banny RABOUL


□ Long wanpela Sarere moning, Kanage i go dring bia long klap. Em spak nogut tru na go bek slip long haus. Poro bilong Kanage stap long taun na kam long sekim Kanage.

Kanage harim nek bilong poroman na givim sisti i kam ausait long haus.

Em i laik kolim nem bilong poro bilong em. Tasol tang i popaia na em i kolim nem bilong pren meri bilong poroman: "Angelus! Angelus! Where was you and I was fining for you?"

Poroman i harim painim hat long bekim askim bilong Kanage. Samting tru Kanage i brukim bus pinis.

Theo Nemlus BIALLA



Hillary lusim sans long lektronik kos • Sindaun long fran em wanpela aprentis bilong Siti Lektronik, Joe Hillary. Em i bin lusim sans long blok kos bilong em long Mosbi Teknikel Koles long las ya.

Long wanem nogat planti manmeri i bin kamap long ekstensen kos bilong lektronik. Poto: Eddie Saunders.

## Mi laik lusim pasin bilong paitim meri oltaim



**Dia Laiplain,**  
Mi bin mekim pren wantaim wanpela meri long ples yet inap tupela ya olgeta. Mi gat laik long em. Olsem na mi mekim olgeta samting long helpim em.

Tasol sampela taim mi save belhat an paitim em, taim em no bihainim toktok bilong mi. Em i save tokim mi olsem em i gat bikpela laik long mi. Tasol mi save kros sapos em i wokabout long sampela hap long nait wantaim ol pren bilong em, na i no tok-save long mi.

Inap yupela help mi long senisim tingting bilong mi, na givim mi sampela gutpela toktok long stapim dispela pasin bilong paitim meri.

POSSESSIVE

**Dia Pren,**  
Wanem samting i mekim yu kros oltaim. Yu tok olsem yu save kros taim prenmeri i no bihainim toktok bilong yu.

Na tu yu tok olsem em i save go long pati long nait. Na i no tok-save long yu? Nau yet yu tok yu laikim wanem samting prenmeri bilong yu i save mekim. Na tu yu bin tok olsem em i gat bikpela laik long yu. Tasol wanem samting mekim yu kros na paitim em olgeta taim? Ating pasin bilong jeles i bikpela long tingting bilong yu.

Olsem wanem yu ting nogut em lusim yu? O yu kros taim em i no toksave long yu long wanem hap em i go. O yu laik em i mas bihainim toktok bilong yu oltaim?

Nau yet mipela i laik tokim yu olsem wanem as yu kros long em i no stret. Mipela save olsem em i prenmeri bilong yu. Tasol em i no skin bilong yu, na tu em i narapela man olgeta long yu. Yu i nogat pawa long paitim em.

Sapos yu laikim em, yu mas save olsem em bai laikim yu na i gat rispek long wanem samting yu laikim long en. Nau yet bikpela tingting bilong yu em long em i mas go wantaim yu oltaim.

Olsem wanem, yu no laik long em i lukluk o toktok long man? Sapos yu no laik long dispela pasin, em i gat

pawa long mekim disisen bilong em yet. Na hevi bilong yu bai i go bikpela. Nau yet olsem em i prenmeri bilong yu. Tasol em i no skin bilong yu, na tu em i narapela man olgeta long yu. Yu i nogat pawa long paitim em.

Yu bin toktok wantaim em long tingting bilong yu o nogat? Yu ting nogut em i lusim yu na painim nupela man. Olsem na mipela laik askim yu long sindaun wantim em na toktok long hevi bilong yutupela. Sapos nogat, yu yet o yutupela wantim i mas lukim wanpela gutpela man, na em bai helpim yutupela

Mi Laiplain

Sapos yu gat wanpela wari, salim pas i go long Laiplain, P.O. Box 6047, Boroko. Yu ken ringin tu long telepon namba 25 7711. Bai mipela i bekim stret pas bilong yu sapos yu putim nem na adres bilong yu printim i kam long ol pas mipela i kisim tasol mipela i no yusim nem tru bilong man.

# WANTOK

NIUSPEFA BILONG OL PAPUA NIUGINI STRET

# PABLIK NOTIS

Sapos yu laik advertais, telepon 25 2500 na askim long

PH: Miri Aiori - Ext. 203  
John Iagata - Ext. 215  
Kosinto Fosagu - Ext. 216  
Bonner Hui - Ext. 202

## BELATED B/DAY TO



### LEONIE GWE

Luv 'N' b/day wishes (31/5/92) '2U' 4rom Chantal Henry & Family of France 'N' Blue man & woman of RPNGC Luv 'U' heaps & the force is with you.

# DO YOU REALLY MEAN BUSINESS



*Then don't keep it to yourself  
Tell Papua New Guinea  
through*



## PNG TRADE MONTHLY

PNG Trade Monthly, P.O. Box 1982, Boroko.



## DIPATMEN BILONG MOROBE

i askim long ol gutpela saveman long aplai long wok olsem

### SEKETERI (LEVEL 6)

DIPATMEN BILONG MOROBE.  
DISPELA WOK I STAP LONG  
SEKSEN  
50 (OLPG) APOINTI.

Dispela wok i bilong ol lain husat i pinisim ol bikpela skul olsem long yunivesiti o ol arapela bikpela koles we Dipatmen bilong Pesenel Menesmen i luksave long en.

Em i mas i gat planti yia eksperiens long wok menesmen. Na tu long wok bilong lukautim ol wokman long ol bikpela oganaisesen. Em bai wok olsem Siev Akaunten opisa wantaim dipatmen. Em bai stretim olgeta mani ripot bilong dipatmen na givim long Provinsel Eksekutiv Kaunsil.

### WANEM SAMTING EM BAI MEKIM

Em bai lukluk long olgeta wok bilong ekonomik developmen na mekim wok long strongim olgeta lo na polisi bilong nesanel na provinsal gavman.

Na tu long wok bilong ekonomik developmen na wok bilong edministretiv sevis. Em bai lukluk long ol wokman bilong provinsal gavman olsem ol i wok gut. Na ripot olgeta taim long Dipatmen bilong Pesenel Menesmen long wok bilong ol wokman long provinsal gavman. Na tu long wok olsem olpela memba bilong ol wankain oganaisesen.

Raitim tripela aplikesen wantaim skul na save na reprints bilong yu i kam long dispela adres;

The Premier,  
Morobe Provinsal Gavman,  
PO Box 1834,  
LAE.

I go long-Cabinet Secretary.  
Aplikesen bai pas long 4 Julai, 1992.



## KOPI INDUSTRI KOPORESEN LTD

### PABLIK TOKSAVE KOPI PRAIS SAPOT

Kopi Industri Kopresen (CIC) Limited i laik toksave long olgeta Kop.. Groas, na ol arapela kopi bisnis man/meri olsem stat long namba 30 dei long mun Mei, 1992, Baunti Moni ibin igo antap long halivin hapim prais bilong Kopi.

Niupela mak long Baunti moni em bai istap olsem:-

	Nupela Mak	Olpela Mak
Grin Bin	80 toea wanwan kilogram	65 toea wanwan kilogram
Drai Kopi	64 toea wanwan kilogram	52 toea wanwan kilogram

Baunti long Grin Kopi Bin em i go antap long 15 toea long wanwan kilogram na Drai Kopi i go antap long 12 toea long wanwan kilogram winim mak bilong olpela Baunti. Dispela halivim long hapim prais igo antap i kamap long wanem ol prais bilong kopi i go daun insait long mun Mei.

Dispela halivim long hapim Baunti Moni em Gavman i yusim Stabex Fan em givim ikam long Kopi Industri olsem dinau moni.

Ol groas mas save olsem, yu inap long kisim dispela Baunti Moni, sapos yu salim gutpela drai kopi bilong yu long Fektori Dua.

Sapos yu salim kopi bilong yu long rot nambaut, prais long kopi bilong yu bai daunbilo tru.

Nau em i taim we prais bilong kopi i daunbilo tru. Olsem na ol kopi groas i mas karim kopi bilong yupela i go na salim long Fektori Dua tasol long kisim gutpela pei.

I kam long tok orait bilong:

RICKY M. MITO  
SIEF EXSEKETIV  
KOPI INDUSTRI KOPRESEN

1ST JUNE, 1992.



**WANTOK**

NIUSPEPA BILONG OL PAPUA NIUGINI STRET

**PABLIK NOTIS**

Sapos yu laik.advertais, telepon 25 2500 na askim long

PH Min Aon - Ext 203  
John lagata - Ext 215  
Kosinto Fosagu - Ext 216  
Bonner Hui - Ext 202

*Statement by the RT. HON. Prime Minister RABBIE L. NAMALIU, CMG, MP.*

# 1992 ILEKSEN - SINGAUT BILONG TINGIM PREA

Olsem praim minista bilong dispela kantri, na long dispela bikpela taim, mi laik askim olgeta sios long Papua Niugini long tingim prea.


Papua Niugini em i wanpela kristen kantri. Na mi laik askim yumi olgeta long luksave long dispela bikpela wok bilong prea em ol sios long olgeta hap bilong kantri i mekim.

De bilong ileksen i wok long kamap klostu. Olsem na mipela olgeta i laik lukim ol wok bilong ileksen i kamap gut. Na i no gat trabel samting. Bikos long dispela rot tasol, mipela inap makim trupela lida bilong yumi.

Mi bilip olsem taim yumi olgeta kristen pipel long kantri i bung wantaim na prea, na askim God long helpim bilong Em, mipela inap lukim pasin bel isi na wanbel i kamap long taim bilong ileksen.

Mi save olsem planti sios i statim ol prea bilong ol pinis. Na mi laik tok tenkyu long yupela long dispela. Tasol mi laik mekim wanpela moa askim. Mi laik askim olgeta sios long kam bung wantaim long las wik pastaim long ol ileksen i stat. Na lus tingting long wanem kain kros na bel hevi yupela i gat na bung wantaim long pre olsem ol wanpela pipel, wanpela bodi na wanpela kantri.

Mi laik askim ol sios lida long olgeta siti, taun na ples long holim ol dispela kain pre miting bilong olgeta sios bilong redi long ileksen. Na insait long ol prea bilong yupela, tingim tu taim bihain bilong Papua Niugini. Sapos mipela i laikim dispela kantri long go het, mipela i mas kisim helpim na strong bilong God.



Mi laik askim tu ol nesenel na provinsal lida bilong yumi long bung wantaim ol sios long ol dispela prea miting.

God i tok, "Sapos ol pipel bilong mi i harim tok bilong mi na daunim ol yet na pre na askim mi long helpim, mi bai harim ol long Heven na lusim ol sin bilong ol. Na mi bai stretim ol ples bilong ol."

God i wokim dispela promis pinis. Orait yumi bekim nau.

Long makim maus bilong Gavman, ol memba bilong Nesenel Palamen, na ol pipel bilong Papua Niugini, mi laik tok tenkyu tru long bekim bilong yu.

**RABBIE L. NAMALIU, CMG MP  
PRAIM MINISTA.**

**WANTOK**

NIUSPEPA BILONG OL PAPUA NIUGINI STRET

**PABLIK NOTIS**

Sapos yu laik advertais, telepon 25 2500 na askim long

PH. Miri Aion Ext. 203  
John Lagata Ext. 215  
Kosinto Fosaga Ext. 216  
Bonner Mui Ext. 200

mas i gat wanpela plen long daunim ol dispela kos, na tu long mekim ol koles na yunivesiti i kamapim ol nambawan saveman na meri long developim kantri.

**Developmen long Haia Edukesen**

Taim Namaliu gavman i kisim pawa, i nogat wanpela Nesenel Haia Edukesen Plen em gavman i oraitim. Ol Gavman Dipatmen na sios i kirapim koles bilong ol yet, na helpim Papua Niugini long go het. Tasol, ol dispela koles mas i gat wok bung na sapot aninit long wanpela Nesenel Plen.

**Riset o wok painimaut i soim olsem ol dispela koles:**

1. i kos bikipela mani tumas bikos wanwan i gat administresen bilong em yet, laibreri, leboletori na moa. Planti taim, ol i nogat inap samting bilong skulim gut ol studen.
2. ol i no bungim nesenel gol. Ol Gavman Dipatmen i kirapim ol koles long kamapim ol pablik sevan, na i no ol saveman long developim kantri.
3. i nogat wok bung. Ol arapela koles i no luksave long digri na diploma em ol studen i kisim long ol narapela koles. I nogat kos bilong ol bikipela sabjek. Long ol arapela sabjek, save wanpela studen i laik stadi bai gat tingting olsem em bai tromoi mani nating.

**Namaliu Gavman i skelim dispela hevi olsem wanem?**

Namaliu Gavman i kam long pawa wantaim gutpela stretpela polisi bilong haia edukesen. Dispela polisi i odarim long kamapim Nesenel Haia Edukesen Plen. Nesenel Eksekutiv Kaunsil i oraitim dispela plen long Ogas 1990.

Dispela Plen i laik bungim olgeta koles wantaim long wok aninit long wanpela sistem long bihainim mak bilong ol koles long ovasis kantri. Dispela Plen i laik helpim tu ol koles long kamapim ol nambawan studen long developim kantri.

**Wok bilong dispela Nesenel Haia Edukesen Plen i go het nau.**

Wanem kaikai i kamap nau?

1. Gavman i statim pinis bikipela wok long bungim wantaim wanwan eria bilong edukesen. Gutpela piksa em mipela i bungim pinis ol agrikalsa saveman bilong Yunivesiti ov Teknoloji wantaim bilong Vudal Agrikalsa Koles. Long 1995, ol namba wan greduet bilong dispela nupela program bai lukim yupela long ples wantaim ol gutpela save na trening. Ol bai helpim ol pipel long planim gut ol krop em i save kamap long diwai olsem kakao na kopi. Ol bai skulim ol pipel tu long gutpela we bilong planim kaikai na salim long maket, na tu long lukautim ol abus olsem pik na kau.
2. Ol Yunivesiti leksera kisim moa trening. Ol leksera i kisim nau moa skul na trening long bungim mak bilong ol ovasis kantri aninit long wanpela Haia Edukesen Projek em NEC i bin oraitim. Dispela projek bai kamapim moa nesenel saveman husat i gat inap trening. Na tu bai helpim long daunim namba bilong ol ovasis saveman long tupela yunivesiti.
3. Koles program i gat gutpela senis. Wanpela piksa em komyuniti skul tise edukesen. Nau yet ol tise bilong komyuniti skul i save trening long tupela yia tasol. Aninit long dispela program, ol tisa bai skul long tripela yia olgeta. Long 1994, ol pikinini bilong yupela bai i gat ol tisa husat i kam aut long dispela program. Ol bai givim gutpela skul long pikinini bilong yupela long kamap gutpela manmeri bilong kantri.
4. Wok mentenens long ol koles

Bipo, planti samting long ol koles i nogat wok mentenens. Na dispela i stapim ol tisa long skulim gut ol studen. Bikipela wok mentenens bai kamap long ol koles na yunivesiti. Long namba wan taim, wok mentenens bai kamap tu long laibreri bilong ol Tise Koles.

5. Koles bilong ol Sios we i no kam aninit long Nesenel Gavman Sistem i wok wantaim Gavman nau. Gavman i luksave pinis long bikipela helpim Divine Word Institut long Madang, na Pasifik Edventis Koles ausait long Mosbi siti i givim long kantri. Long bekim dispela hatwok, ol studen i go skul long dispela tupela koles i stat kisim NATSCHOL namba wan taim long 1992.

6. Gavman i sekim pinis mani em ol studen long Haia Edukesen i save kisim long mekim ol studen i skul gut na kisim gutpela mak, na tu long kamap gutpela manmeri bilong Papua Niugini.

7. Ol bisnis i sapotim Haia Edukesen. Planti moa kampani i sponsaim moa studen. Ol bisnis i helpim long mekim ol koles na yunivesiti i go bikipela. Gutpela piksa em mani i kam long developim nupela main program na haus long Yunivesiti ov Teknoloji, Lae.

8. Haia Edukesen givim gutpela sevis. Kos bilong skul long wanwan studen i pundaun long mak bilong 4 pesen long olgeta yia, na save bilong ol studen i goap. Dispela i kamap wantaim gutpela lukluk long wanem developmen kantri i laikim, bungim wantaim ol hatwok, na mekim tingting long wanem em bikipela samting.

Ol saveman long ovasis i tok wanem long Edukesen Plen bilong Gavman?

Ol saveman bilong ovasis i amamas long plen bilong mipela. Ol i bilip olsem dispela plen i bungim stret wanem kain developmen o senis Papua Niugini i laikim. Wol Beng, Esian Developmen Beng, ol bikipela kantri long Yurop husat i kam aninit long nem Yuropian Komyuniti, ol gavman bodi bilong Australia na Nu Silan, olgeta i helpim long karimaut Edukesen Plen bilong mipela.

**Bihain taim bilong Edukesen bai go olsem wanem?**

Wok bilong karimaut ol Edukesen Plen i olsem wok bilong planim ol diwai. Ol bai i no inap karim pikinini o kaikai hariap. Sapos mipela lukautim gut, ol bai groa na karim kaikai bilong mipela na pikinini bilong ol.

Ol pipel bilong dispela kantri i no longlong long bihainim giaman promis long taim bilong ileksen. Ol giaman lida i laik giaman long kisim vot bilong yupela, na bai i no inap tingting long edukesen o skul bilong ol pikinini bilong yupela. Mi ken tokim yupela olsem nogat wanpela gavman i ken givim fri edukesen. Ol i laik mekim yupela i belhat tasol.

Ministri bilong mi na dispela gavman i redim pinis wanpela plen bilong olgeta level bilong edukesen. Olgeta provinsal Minista bilong Edukesen i sapotim tingting na plen bilong mipela. Sapos mipela i go het wantaim dispela plen, mipela i ken go het olsem wanpela kantri husat i gat klia, na wankain plen long edukesen bilong olgeta pipel bilong mipela.

Nau yet mipela mas putim dispela plen o driman i kamap tru. Mipela i ken mekim wantaim strongpela na gutpela administresen wok, gutpela sapot i kam long ol lisa long wanwan ples, provins na kantri. Mipela save toktok planti taim long kisim ol komyuniti na wanwan manmeri i kam insait long bringim dispela kantri i go het.

Hatwok long pikinini bilong yu i kisim gutpela skul em bikipela samting, taim mipela i muv i go het long kisim gutpela haia edukesen na edukesen we mipela i no inap tromoi bikipela mani long yia 2000.



**RT. Honorebel Utula U. Samana**  
**MP, CMG, Minista bilong Edukesen**



**WANTOK**

NIUSPEPA BILONG OL PAPUA NIUGINI STRET

**PABLIK NOTIS**

Sapos yu laik.advertais, telepon 25 2500 na askim long

P.O. Box 100, Port Moresby, PNG  
John Lagata, Ext 215  
Kosimo Pasaga, Ext 216  
Benny Hui, Ext 202**EDUKESAN LONG PAPUA NIUGINI****LONG 1993 NA OL YIA BIHAIN**

Minista bilong Edukesen, Honorebel Utula U. Samana, MP, CMG, i bekim ol Askim bilong Yu.

Olgeta manmeri i laik lukim planti gupela skul bilong ol pikinini. Yu laik lukim ol pikinini bilong yu i kism gupela save wantaim pepa na inap kamapim gupela sindaun na helpim famili, komyuniti na kantri bilong yu.

Taim mi go lukluk raun long ol skul, koles na komyuniti, ol manmeri i save askim planti long ol pikinini bilong ol. Nau mi laik traim bekim ol askim bilong yupela long samting gavman i bin wokim, na wanem samting em bai mekim long kamapim planti gupela skul bilong ol pikinini na givim ol sumatin long koles wantaim ol yunivesiti gupela save bilong skul moa yet inap long planti krismas.

**WANEM KAIN OL SKUL TRU I MAS KAMAP LONG KANTRI?**

Long yia 1991, Dipatmen bilong mi i bin lukluk long ol skul long PNG long painim ol gupela samting wantaim asua na wokim plen bilong taim bihain.

**Bikpela tingting i sut long ol dispela samting:**

1. Planti skul na tisa long ol skul, ol koles na ol yunivesiti;
2. Liklik lain pikinini i mas lusim skul bihain long gret 6;
3. Save skul i givim i mas helpim ol sindaun na skul bilong bihain tu; na
4. Planti gupela sumatin i mas pinisim gret 12.

**GAVMAN I TINGTING LONG MEKIM OL DISPELA SAMTING I KAMAP OLSEM WANEM TRU?**

Gavman i wok long senisim ol skul. Bai i gat ol Elementri skul, Praimeri skul na Haikul. Dispela senis bai mekim wok bilong edukesen i kamap gut

**Ol Elementri skul bai:**

- i gat wanpela yia long lainim skul bihain long gret 1 na 2,
- i stap klostu long ples na ol pikinini i ken go skul na kam bek kwiktaim,
- kism ol pikinini husat i gat 6-pela krismas long olgeta yia,
- skulim ol pikinini long to kples bilong ol yet. Pikinini bilong yu bai inap save hariap long wanem samting i wok long kamap taim em stat skul, na
- bringim ol pikinini i go long tok inglis long gret 2. Skul long tok ples bai helpim wok bilong pikinini long taim em i skul long "English".

**Praimeri skul bai karamapim tu ol komyuniti skul nau i stap long en. Ol Praimeri skul bai:**

- i gat ol Gret 3 i go inap long Gret 8,
- mekim isi long ol pikinini long Gret 6 long go olgeta long Gret 8, na
- kirapim tingting na save bilong mekim ol gupela wok long taim bihain.

Ol dispela senis bai kamap bihain long 12-pela krismas. Long dispela taim, olgeta hap ol manmeri i stap long en bai i gat ol Elementri skul. Olgeta Praimeri skul bai i gat ol Gret 7 na Gret 8. Na olgeta pikinini bai inap pinisim ol Gret 8 bilong ol.

**Ol Haikul bai:**

- i gat ol Gret 9 i go inap long Gret 12
- i gat planti sumatin long Gret 9 na Gret 10 bilong wanem Gret 7 na Gret 8 bai i go daun long Praimeri skul; na
- i gat planti Gret 11 na Gret 12 sumatin i kam aninit long Provinsal Haikul.

Ol koles i wok long kamapim ol nupela program bilong kamapim ol kain manmeri em kantri i laikim long en

Long 1993, sampela provinsal Haikul bai i gat ol Gret 11 na Gret 12. Na Gavman bai givim helpim long dispela. Em i gupela long wanem Gavman bai yusim liklik mani tasol. Na samting olsem 1,000 Gret 12 sumatin bai greduet long olgeta yia. Dispela namba bai go antap olgeta long 5,000 long yia 2004

Vokesenel Edukesen bai go wantaim nesenele sekendri edukesen sistem. Toktok i wok long go het yet long wokim wanpela program bilong ol teknikel koles na vokesenel senta

Gavman i wok wantaim 6-pela sios grup nau long givim edukesen. Mi olsem Minista bilong Edukesen, mi bin givim na bai mi givim moa helpim long ol dispela sios i wok wantaim Gavman long kamapim senis long wok bilong Edukesen.

**BILONG WANEM NA OL DISPELA SENIS I NO INAP KAMAP NAU?**

Sapos i gat moa skul, Gavman bai i lusim moa mani.

Mipela i wok long lukluk long wanem samting bai yumi kism long bikpela na gupela skul sistem na hamas mani bai yumi lusim. Gupela senis i mas makim olsem yumi inap long baim ol haus bilong skul, hap graun bilong skul, strongim ol tisa na salim skul/buk na ol liklik samting olsem. Maski long ol papamama i mas baim ol bikpela skul fi na ol draipela takis oltaim!

**DISPELA OL SENIS BAI I KAMAP OLSEM WANEM?**

Yumi olgeta i mas wok bung wantaim. Ol komyuniti bai givim ol haus bilong Elementri skul. Ol wantok bai helpim long baim skul fi. Ol sios bai wokim ol haus na bosim na lukautim ol skul bilong ol. Ol provins tu bai lukautim ol skul. Nesenel gavman bai trenim ol tisa, wokim program bilong skul, raitim na givim ol buk bilong skul.

**MI TING WANEM LONG PROMIS BILONG OL POLITISEN LONG FRI EDUKESAN BILONG OLGETA PIKININI I GO INAP LONG GRET 12 LONG 1993?**

Ol skul i no save kamap nating. Ol pipel i no ken pundaun long ol promis bilong fri edukesen bilong olgeta pikinini i go inap long Gret 12.

Fri edukesen long neks yia bilong olgeta Gret 12 pikinini i no inap kamap. Maski sapos ol i traim long narapela 10-pela yia, kos bai i antap tumas. Mi laik tok klia olsem

1. Sapos olgeta pikinini husat i pinisim gret 6 i go long haikul, yumi bai nidim 299 nupela Provinsal Haikul. Kos bilong dispela bai inap olsem K1,271 milien. Dispela i karamapim kos bilong ol haus. Na yumi bai wokim klostu long 185 skul moa. Long trenim 5,800 tisa yumi nidim dispela bai kosim yumi K90 milien. Pe bilong ol tisa long olgeta yia bai abrusim nau K16 milien na i go antap long K57 milien.

2. Sapos olgeta gret 10 i go wokim gret 11 na gret 12, yumi bai nidim 136 nupela Nesenele Haikul. Sapos kos bilong wan wan nau em K9.5 milien, Olgeta wantaim bai kos K1,296 milien na bringim kos bilong olgeta nesenele haikul i go antap long K38 milien.

3. 'Fri' edukesen i min olsem gavman bai peim klostu long K150 milien. Dispela em mani ol papamama bai baim skul fi namel long 1993 na yia 2000.

Sapos olgeta gret 6 i laik go olgeta long haikul long 1993, kantri mas kirapim 185 nupela haikul. Pe bilong dispela bai i kamap olsem K700 milien. Na tu bai i kos narapela K8.5 milien long baim moa tisa husat bai tisim planti gret 7 studen.

Sapos fri edukesen i kamap long kantri long 1993, gavman bai i mas baim samting olsem K25 milien skul fi bilong olgeta studen. Dispela mani em ol papamama yet i save baim nau. Sapos mipela i lukluk long tebol aninit we i soim mani gavman i tromoi long edukesen long 1990 i go inap long 1993, edukesen baset bai goap long K251.9 milien i go long K1000 milien.

1990	K224.2m
1991	K220.9m
1992	K251.9m
1993	K984.9m

Ol politisian i mas painim planti tausen moa tisa. Tripela yia olgeta em long trenim wanwan tisa. Hamas papamama i laik lukim pikinini bilong ol i go insait long gret 7 o gret 11, tasol i nogat tisa bilong skulim ol, nogat buk na klasrum.

Long skruim toktok moa, mani i no wanpela samting tasol long skelim dispela. Ol arapela sistem i wok bilong sapotim edukesen long nesenele, provinsal na komyuniti level i mas develop tu. Sapos kantri i laik givim gupela edukesen sevis i go long ol pipel!

Olsem na mi, olsem Minista bilong Edukesen na gavman bilong mi, bai lukluk strong long developim wanwan manmeri bilong kantri long gupela edukesen o skul long olgeta level insait long kantri.

**Bilong wanem na PNG mas i gat Haia Edukesen Plen**

Gavman i strong long ol saveman husat i kam aut long ol koles na yunivesiti bilong mipela long helpim na developim Papua Niugini wanem wanem save ol i lainim. Ripot i tok olsem ekonomu bilong kantri no groa hariap bikos long tupela as. Namba wan em ol koles na yunivesiti i no kamapim ol gupela saveman. Namba tu skul fi bilong go skul long ol koles i dia tumas. Mipela

CONTINUE ON NEXT PAGE

**LAE FOOTBALL ASSOCIATION GAMES COUNCIL**

**FIXTURES: MIDWEEK MATCHES 4 AND 8 (QUEENS BIRTHDAY) JUNE, 1992.**

THURSDAY (JUNE 4, 1992)

TIME	DIVISION	Match
04.30	1 LFA Park Second	Buresong vs Remala
04.30	2 LFA Park Under 19	Mitif vs Bugandi

**FIXTURES: SATURDAY 6 & SUNDAY 7 JUNE, 1992.**

SATURDAY JUNE 6, 1992.

09.00	1 LFA Park Women	Sobou vs Goro
09.00	2 LFA Park Under 19	Goro vs Nadzab
10.00	1 LFA Park Women	Bara vs Poro
10.00	2 LFA Park Women	Borabora vs Defence
12.00	1 LFA Park First	Bara vs Kalibobo
12.00	2 LFA Park Second	Kutubu vs Malahang
12.00	Stadium Second	Remala vs Logu
02.00	1 LFA Park Reserve	Nadzab vs Westpac
02.00	2 LFA Park First	Faze vs Kawa Utd
02.00	Stadium Second	BFC vs Buresong
04.00	1 LFA Park Reserve	Morobe Utd vs Sobou
04.00	2 LFA Park First	Poru vs Cath/Yth
04.00	Stadium Second	Bora/Balob vs Kusebo

SUNDAY JUNE 7, 1992.

09.00	1 LFA Park Women	Waliya vs Sasalu
09.00	2 LFA Park Women	Faze vs Guria
10.30	1 LFA Park Women	Jaura vs Buresong
10.30	2 LFA Park Women	Blue Kumul vs Westpac
10.30	Stadium Under 19	Poru vs Kawa Utd
12.00	1 LFA Park Reserve	Mitif vs Sasalu
12.00	2 LFA Park First	Buresong vs Kusebo
12.00	Stadium Under 19	Mitif vs Wullet
02.00	1 LFA Park Reserve	PTC vs Mopi
02.00	2 LFA Park First	Defence vs BFC
02.00	Stadium Under 19	Gaziga vs Bugandi
04.00	1 LFA Park League	Gaziga vs Goro
04.00	Stadium Under 19	Jaura vs Buresong

**QUEEN BIRTHDAY (MONDAY JUNE 8, 1992)**

09.00	1 LFA Park L Reserve	Mitif vs Morobe Utd
09.00	2 LFA Park Under 19	Defence vs Mitif
10.30	1 LFA Park Woman	Jaura vs Borabora
10.30	2 LFA Park Under 19	Wullet vs Nadzab
12.00	1 LFA Park Women	Faze vs Buresong
12.00	2 LFA Park First	Buresong vs Faze
02.00	1 LFA Park L Reserve	Sobou vs Sasalu
02.00	2 LFA Park First	Bara vs Kusebo
04.00	1 LFA Park Trail (Men)	Lae side vs Lae side
04.00	2 LFA Park Trail (Wom)	Lae side vs Lae side

**MADANG NETBALL ASSOCIATION**

**WEEKEND DRAW**

SATURDAY, JUNE 6, 1992

**"A" GRADE**

TIME	FIXTURES
1.30	MTC vs Kalibobo
2.30	Bears vs Lagoon
3.30	Dwai vs Tusbab

**"A" RESERVE**

1.30	Tusbab vs KPI
2.30	MTC vs Kalibobo
3.30	Bears vs Westpac

\* Dwa: A Reserve team on bye.

**MT HAGEN SOKA ASOSIESEN LATA**

Club	P	PTS	F	A
Kalibobo	3	5	9	4
Hagen Utd	3	5	7	3
Westpac	3	4	7	6
Tarangau	3	2	6	7
B.F.C.	3	2	4	8
Sunam	3	0	3	7

**PORT MORESBY SOCCER LADDER**

*Primia Divisin Lata*

Teams	GP	Win	Draw	Loss	GF	GA	Pts
Uni	6	4	2	-	14	5	14
Guria	6	4	2	-	11	6	14
K.Andra	6	4	1	1	8	5	13
Rapatona	6	3	1	2	13	10	10
Koupa	6	3	1	2	12	10	10
G.F.C.	6	2	2	2	12	7	8
Westpac	6	2	2	2	7	9	8
Golo	6	2	1	3	7	14	5
B.F.C.	6	1	1	4	8	9	4
Sobou	6	1	1	4	6	14	4
B. Kumuls	6	-	2	4	4	16	2

*First Divisin Lata*

PTC	6	5	-	1	16	3	15
Bao-Mitas	6	4	1	1	10	3	13
Moll - Kasi	6	3	2	1	12	10	11
S.T.C	6	3	2	1	8	8	11
Verave	6	3	1	2	14	10	10
Amazon Bay	6	3	3	1	10	6	9
Sunam	6	3	-	3	11	14	9
Maset	6	2	1	3	11	13	7

**ENGA SOCCER ASSOCIATION COMPETITION - FOURTH GAMES OF SECOND ROUND**

Saturday 6th May

**Ground 1**

Time	Match	Fixtures
12.30 pm	Buresong (Jun) vs Moku (Wom)	vs Luth. Youth Teachcom
3.00 pm	Moku (Wom) vs Luth. Youth (Seniors)	vs Elcom

**Ground 2**

12.30	Elcom (Jun) vs Tarakum
3.00 pm	Magani (Wom) vs Buresong
4.30 pm	Tarakum (Seniors) vs Moku

Sunday 7th May

**Ground 1**

12.30 pm	Teachcom (Jun) vs United
3.00 pm	Tarakum (Wom) vs United
4.30 pm	Teachcom (Seniors) vs Magani

**Ground 2**

12.30 pm	Moku (Jun) vs Magani
3.00 pm	Luth. Youth (Wom) vs Elcom
4.30 pm	United (Seniors) vs Buresong

Monday 8th June Re-arranged games

**Ground 1**

12.30 pm	Elcom (Jun.) vs Moku
3.00 pm	Moku (Wom) vs Luth. Youth
4.30 pm	Tarakum (Sen) vs Magani

**RABAU TOWN AUTHORITY NETBALL ASSOCIATION RESULTS OF SATURDAY, MAY 30, 1992.**

**"A" GRADE:**

Vester United (1)	forfeited	Malay Town
St. George (1)	lost to	Hetura (1) 3-32
Huala (1)	defeated	Night Hawks 12-9
Magpies	lost to	Rab. Bus Coll. 3-11

**UNDER "21":**

Hetura (2)	defeated	Vester United (2) 22-9
Malay Town (2)	defeated	Huala (2) 23-5
St. George	lost to	Boisen High 3-17
Rabaul High	forfeited	Strangers

**UNDER "16":**

Both Tiare Nui and Norths were forfeited		
Vester United (3) defeated	Mal Tech High 12-10	
Hetura (3)	forfeited	Malay Town (3)

NOTE: Under 21 (Strangers) and Under 16 Tiare Nui and Norths have been dropped from the competition due to continuous forfeiting of games

**MADANG SOCCER ASSOCIATION WEEKEND 8**

Saturday 6th June

Time	Grades	Teams	Grounds
10.00	U/19	MTC vs Mimlon	YC 1
11.00	U/19	AdGuria vs PX	YC 1
12.00	P/Res	Panufun vs Momase	YC 1
1.30	Women	Momase vs K/Andra	YC 1
2.30	Premier	Mimlon vs PX	YC1
4.30	Premier	Watabag vs M/Blues	YC 1

10.00	U/19	Spiders vs M/Blues	YC 2
11.00	Women	AdGuria vs PTC	YC 2
12.00	P/Res	AdGuria vs KPI	YC 2
1.30	1st Div	Paramed vs Godawan	YC 2
2.30	1st Div	Diwai vs K.Andra	YC 2
4.30	1st Div	Safico vs Spiders	YC 2

Sunday 7th June

11.00	U/19	Waskia vs KPI	YC 1
12.00	Women	MTC vs Waskia	YC 1
1.00	Women	Panufun vs M/Blues	YC 1
2.30	Premier	AdGuria vs KPI	YC 1
4.30	Premier	Panufun vs Momase	YC 1
11.00	U/19	PTC vs K.Andra	YC 2
12.00	U/19	Momase vs Panufun	YC 2
1.00	P/Res	Wataba vs M/Blues	YC 2

Tarangau	6	2	1	3	9	12	7
Boroko Utd	6	2	1	3	9	13	7
Kula	6	2	-	4	8	10	6
Wanzesi	6	1	3	2	7	8	6
Defence	6	1	1	4	7	12	4
P.S. Roots	6	1	-	5	7	14	3

*Under 19 Division Lata*

Sobou	6	5	-	1	11	5	15
B. Kumuls	6	4	2	-	9	2	14
Westpac	6	4	1	1	12	4	13
G.F.C.	6	3	2	1	15	8	11
Rapatona	6	3	2	1	12	-	11
Golo	6	3	2	1	10	12	11
Maset	6	3	-	3	8	6	9
Guria	6	2	1	3	9	9	7
Mt Obree	5	2	1	2	6	10	7
K. Andra	5	1	2	2	7	8	5
Koupa	6	1	1	4	9	13	4
Amalpak	5	1	1	3	4	8	4
Uni	6	1	1	4	4	10	3
Gala Utd	5	-	1	5	3	12	1
Bao-Mitas	3	-	1	2	3	7	1

2.30	P/Res	Mimlon	vs PX	YC 2
4.30	1st	MTC	vs PTC	YC 2

Bye this Weekend  
Premier - Waskia  
P/Res - Waskia  
Women - Watabag  
Under 19 - Watabag

**PORT MORESBY SOCCER ASSOCIATION WEEK 5 - DRAW**

Saturday 26th June

Time	Division	Ground	Fixtures
9.00	Reserve	B1	Westpac vs Sobou
10.15	U/19	B1	Guria vs Gala United
11.40	Women	B1	Guria vs Waliya
1.05	Second	B1	PM.G.H. vs Fisika
2.30	First	B1	Verave vs Sunam
4.05	Premier	B1	B. Kumuls vs Amalpak
9.00	U/19	B2	Westpac vs Mt. Obree
10.15	Second	B2	Amazon B vs Kinhill Kramer
11.40	Women	B2	Amazon B vs G.F.C.
1.05	First	B2	Maset vs Wanzesi
2.30	First	B2	Amazon B vs Moukasi
4.05	Premier	B2	Guria vs Kurti-Andra
9.00	Reserve	G.F.C.	Guria vs K.Andra
10.20	Women	G.F.C.	Amalpak vs K.Andra
11.45	Women	G.F.C.	Koupa vs Uni
1.15	Second	G.F.C.	Losegu vs Keroro
2.45	Second	G.F.C.	Buresong vs Cloudy Bay
4.15	Second	G.F.C.	Waliya vs Bao-Mitas
9.00	U/19	Defence	B. Kumuls vs Sobou
10.20	U.19	Defence	Koupa vs K.Andra
11.45	U/19	Defence	Golo vs Maset
1.15	U/19	Defence	B.F.C. vs Uni
2.45	U/19	Defence	Amalpak vs Uni
4.15	U/19	Defence	G.F.C. vs Rapatona

Sunday 7th June

Time	Division	Ground	Fixtures
9.00	Reserve	B1	B. Kumuls vs Amalpak
10.20	First	B1	Kula vs S.T.C.
12.00	First	B1	Tarangau vs P.S. Roots
1.45	Premier	B1	B.F.C. vs G.F.C.
3.30	Premier	B1	Golo vs University
9.00	Second	B2	Maniota vs Yellow P.T.
10.30	First	B2	P.T.C. vs Bao-Mitas
12.00	First	B2	Boroko Utd vs Rapatona
1.45	Premier	B2	Koupa vs Gala United
3.30	Premier	B2	Westpac vs Watamads
9.00	Reserve	G.F.C.	Golo vs Uni.
10.20	Reserve	G.F.C.	B.F.C. vs G.F.C.
11.45	Reserve	G.F.C.	Koupa vs Rapatona
1.15	Reserve	G.F.C.	Mt. Obree vs Gala United
2.45	Second	G.F.C.	Tubi vs Elcom
4.15	Second	G.F.C.	Hoods vs Watamads
10.00	U/19	Defence	B.F.C. vs Sobou
11.30	Women	Defence	Kula vs PM.G.H.
1.00	Women	Defence	T.Yellow P vs Golo
2.30	Women	Defence	Sunam vs Sogeri N.H.S
4.00	Women	Defence	B.Kumuls vs Tarangau

BYE: Women. P.T.C

**GOROKA SOCCER ASSOCIATION**

**SEASON PROPER DRAW**

WEEK FOUR -

Gate Assistance: Kalibobo and Elcom

Saturday 6th June, 1992

Time	Division	Fixture	Ground
12.00-1.10	U16	Uni-Tech vs PTC	1
12.00-1.10	U16	Elcom vs Kalibobo	2
1.20-2.30	Women	PTC vs Guria	1
1.20-2.30	Women	Elcom vs Waskia	2
2.40-4.00	Premier	Rapatona vs Kalibobo	1
2.40-4.00	P/Reserve	Uni-Tech vs Guria	2
4.10-5.30	Premier	PTC vs Elcom	1
4.10-5.30	P/Reserve	Rapatona vs Kalibobo	2

Gate Assistance: Uni-Tech and Murat

Sunday 7th June, 1992

12.00-1.10	U16	Guria vs Rapatona	1
12.00-1.10	U16	Waskia vs Murat	2
1.20-2.30	Women	Kalibobo vs Murat	1
1.20-2.30	Women	Uni-Tech vs Rapatona	2
2.40-4.00	Premier	Uni-Tech vs Guria	1
2.40-4.00	P/Reserve	Waskia vs Murat	2
4.10-5.30	Premier	Waskia vs Murat	1
4.10-5.30	P/Reserve	PTC vs Elcom	

NB: Please adhere to the schedule. Begin games on time or be forfeited.

\* It was resolved by all club representatives that the referee's pay will be met by individual teams. The amount is K4.00 across the board for all divisions. Each participating team is to contribute K2.00 each to the referee.

\* Points will be deducted or forfeited if referee is not being paid prior to kick off.

**WAU SOKA ASOSIESEN WIKEN DRO PINIS BILONG**

**RAUN WAN (1) GEMS**

Sarere 6th Jun, 1992

Taim	Tim	Divisen	Graun
------	-----	---------	-------



# Manus redi long skelim ol anda 20 pilaia

WINIS MAP I rattim

...tasol de bilong resis i senis gen

**M A N U S** Soka Asosiesen bai holim bikpela kik resis bilong anda 20 divisen, stat long Fraide 12 Jun i go inap long Sande 14, Jun, 1992.

Dispela kik bai kamap long biktaun bilong

Manus long Lorengau. Ripot i soim olsem 15 asosiesen husat i memba long Manus Soka Federeesen bai stap insait long dispela resis.

Dispela ol asosiesen i redi bipo yet, tasol ol i bin skruim taim bilong

kik long Jun 6, 7 na 8 i go gen long Jun 12, 13 na 14, 1992.

Ol asosiesen husat bai kik long dispela em Sauten Western, Dutachudie, Sotarideu, Kurti Andra, Kurti Ramalmal, Balopa, Pitilu, Lelemadih, Lin-

dou, Kalipipi, Los Negros, Rapatona, Ere Kele na Poloduli.

Bihain long dispela resis, ol bai makim ol anda 20 pilaia bilong stap insait long PNG anda 20 skwat. Dispela ol pilaia bai joinim ol narapela boi bilong ol

arapela senta na tren wantaim ol. Na redi long go kik long Osinia Yut sempionsip long Tahiti. Dispela kik bai kamap long Ogas 28, 1992.

Tupela man husat bai i go long Manus na skelim pilai bilong ol

boi long hap em Joe Turia (PNG junia kosa) na Edris Kumbruwah bilong Nesenek Sport Institut long Goroka.

Turia na Kumbruwah bai skelim ol boi na makim sampela ol pilaia em tupela i ting i ken kamapim gutpela kik.

Presiden bilong Manus Soka Federeesen, Jones Bernard i

amamas tru long dispela tingting bilong PNGFA long go raun long ol senta na skelim ol wan wan pilaia long makim PNG. Em i tok Manus i gat planti gutpela yangpela boi husat i save kamapim gutpela kik. Tasol planti bilong ol i save i stap long ples na i no gat sans long go kik long ol bikpela senta.

## Vanimo makim ol nupela man long opis

SEKETERI bilong Vanimo Soka Asosiesen, Paul Samof i laikim ol kosa bilong wan wan klap long lainim ol pilaia long kik gut.

Samof i tok ol kosa i mas givim gutpela skul long ol pilaia long pasin bilong kik. Em i tok sapos ol kosa i mekim dispela wok, kik long Vanimo bai kamap gut olsem ol arapela bikpela senta.

Em i tok ol opisal bilong VSA bai mekim sampela senis long lo bilong soka long helpim ol long kamapim ol gutpela kik. Em i tok ol i tingting long mekim dispela senis long helpim asosiesen long givim mekim save long ol pilaia i no kik gut.

Narapela samting em VSA i makim pinis ol nupela opisal husat bai holim wok long opis long kik bilong 1992 sisen.

Dispela ol opisal em presiden Vincent Tumbi, namba tu presiden Peter Yemin, seketeri Paul Samof na tresera o man bilong lukautim mani em Gabriel Chawan.

Seketeri Paul Samof i gat planti save long wok bilong spot insait long provins. Na dispela bai helpim VSA long kik gut long dispela yia. Narapela man husat i gat planti save long wok bilong spot em Gabriel Chawan. Chawan i wanpela komyuniti skul tisa long Vanimo. Na em i save givim planti taim bilong em long kirapim spot long provins.

Sampela samting Chawan i bin wokim long Vanimo em, em i bin statim junia soka long 1984 wantaim bikpela helpim bilong het tisa Peter Kanawi.



•Stail bilong meri GFC.....Bara bilong GFC i makim gut bal na i laik kikim. Tasol ol fowat pilaia bilong Kurti Andra i banisim em pinis olsem na em i saitim leg na i suvim anihit long leg. Dispela stail tasol i mekim na ol GFC i bagarapim sindaun bilong Kurti Andra 4-1.

## Santu Mathias i wilwilim ol boi Momase long Kavieng

KIK bilong Kavieng Soka Asosiesen i wok long ron gut. Na planti ol tim i kamapim ol gutpela kik.

Namba wan kik bilong primia divisen long las wiken i bin stap namel long Royals na Tarangau.

Dispela kik i no bin kamap bikos ol woda i no bin kam long ples bilong kik.

Narapela gem i bin stap namel long Nauru na Murat. Dispela tupela tim i bin kik gut. Tasol ol boi Nauru i bagarapim Murat na

winim dispela kik.

Ol yangpela boi Nauru i bin wok hat tru long winim dispela kik. Aberth Mathew i bin mekim bikpela wok tru long midfil. Em i tilim gut bal na givim sans long Frank Mitiel long sutim tupela gol.

Posig Kusvian i bin sutim narapela gol gen. Nauru i bin winim dispela kik, 3-0.

Bikpela kik long las wik Sande i bin stap namel long Momase na Santu Mathias. Dispela kik i bin

pulim planti man long go lukluk.

Momase em i wanpela strongpela tim na ol i gat planti gutpela pilaia. Tasol ol boi Musau i no wari long dispela strongpela kik bilong Momase.

## Wewak Jokers i redi long Jun 5

WEWAK Basketball Asosiesen i gat tripela klap bilong i go pilai long nesnel klap sempionsip long Lae. Dispela sempionsip bai kamap long Fraide 5 Jun na pinis long Mande 8 Jun.

Ol dispela klap em Celtics, Jokers na Tarangau. Celtics em i sempion tim bilong ol meri long Wewak. Jokers na Tarangau em

tim bilong ol man.

Jokers em i wanpela strongpela tim tru long Wewak. Stat long 1989 i kam inap nau, ol i no bin lus liklik. Olgeta taim, ol i save pilai long gren fainal tasol sampela tim i save winim ol. Nau yet ol i gat namba long winim gren fainal long tupela yia. Dispela em long 1990 na 1991 sisen.

Long las yia, ol i bin

kamapim sampela gutpela pilai long nesnel klap sempionsip. Ol bin lus long Hagen long kwata fainal.

Tasol long dispela yia, ol bai kamapim ol strongpela pilai na daunim ol biknem klap bilong Lae na Mosbi. Kosa bilong Jokers, Terence Moka i tok ol bai kamapim strongpela pilai long daunim ol arapela klap bilong

ol arapela senta.

"Mipela i no surik liklik long ol pilaia bilong ol arapela klap husat i kam long ol arapela senta."

Pastaim long pilai i stat long Jun 5, Moka i makim ol namba wan 15-pela pilaia bilong em pinis. Dispela ol pilaia em tupela wasman o gad em Jack Fave na Jerry Wimban.

Terence yet bai pilai long senta na tupela man husat bai pulmapim kaikai long basket bilong ol birua em Joe Moka na Gilbert Sari. Joe na Gilbert bai pilai long fowat o fran.

Narapela 7-pela pilaia em tim kepten Sam Kewa, Max Lawari, Gidion Kasu, Peter Manji, Albert Pomat, Steven Kani na John Jui.

Moka i bilip olsem dispela ol boi bilong em i inap kamapim ol gutpela pilai. Planti ol pilaia i amamas tasol long go pilai long Lae na salensim ol narapela sempion klap bilong kantri.



•Meri Gurla i laik mekim liklik stall bilong ol grasopa. Dispela kain stall bai kamap long dispela wiken tu long Bisini Oval long Mosbi.

## Wok soka bai stat we?

Planti manmeri i lukim wok soka na i gat kainkain gutpela tingting na sampela tingting nogut long wok soka long kantri. God i mekim yumi olgeta olsem wanem samting i luk gutpela long ai bilong wanpela man bai luk nogut long ai na tingting bilong ol narapela man.

Long taim yumi lukim ol samting nogut, planti bilong yumi i save traim sutim tok. Yumi lukim kik bilong ol meri i go long Australia long las yia. Sampela man i ting i nogut. Sampela i ting seleksen i nogut. Sampela i gat kainkain toktok.

Wankain samting tu i kamap long nesenal tim bilong yumi long SP Gems long las yia. Sampela pilaia i sutim tok long PNGFA, na ol kain samting olsem.

Tasol, kwesten bilong mi i go olsem...wok soka bai stat we? Bai stat long PNGFA na i kam daun long wanwan asosiesen na wanwan klap na wanwan pilaia o olsem wanem. O ating

wok soka i mas stat long wanwan pilaia i kam long wanwan tim, na bihain long wanwan klap, asosiesen na las tru em PNGFA?


### Wok soka kamap gut

Long taim yumi givim ansa long dispela kwesten, bai yumi luk-save soka i mas stat we tru na i go pinis we tru. Olsem na husat ol bos i ranim wok soka bai painim isi taim tru long mekim wok na givim sevis i go bek long wanwan asosiesen, wanwan klap, wanwan tim na wanwan pilaia.

Sapos yumi wanwan i no painim ansa long dispela kwesten yet, em i hat tru long yumi olgeta i wok bung wantaim long ranim gut wok soka long kantri.

### Klap level

Sapos yumi kisim dispela kwesten na bringim i kam daun long klap level, bai yumi askim olsem wok bilong ranim klap gut bai



stat we? Em bai stat long wanwan pilaia o wanwan tim o i stat long bikpela klap yet.

Nogut yu tingim ol liklik kwesten na yu stat paul. Yes, yu ken painim ansa long wanwan liklik kwesten tasol. Yu mas bungim olgeta tingting na lukluk long bikpela piksa na kwesten mi askim ya.

Planti bikman i ranim ol liklik klap insait long dispela kantri inap givim yu tingting bilong ol. Bihain, yu yet tu traim skelim wantaim wanem tingting bilong yu.

Asosiesen level tu bai wankain. Planti asosiesen we i wok long gat hevi inap givim yu gutpela bekim. Traim askim

Goroka, Madang o Lae.

### Nesenal level

Long nesenal level, em i hat tru long mekim wok sapos PNGFA i no gat ol memba asosiesen. Mi luk save tu olsem sapos ol memba asosiesen i nogat ol tim, bai hat tru long ol i ranim wok bilong ol. Ol tim tu i wankain, sapos i nogat ol pilaia, wankain stori bai kamap.

Olsem na olgeta eksekutiv bilong PNGFA i luksave tru long bikpela helpim wanwan manmeri long kantri i givim long mekim em i strong. Wanwan pilaia i mekim tim i gat nem, na asosiesen i gat nem na PNGFA i gat nem.

Olsem tasol, hatwok bilong olgeta bikman bilong ol tim, klap, asosiesen na PNGFA tu i mas sut i go long ol pilaia. Yumi olgeta i mas wokhat long givim gutpela sevis long ol pilaia. Em ol kain sevis olsem i stap long rijonel sait, nesenal sait o intanesenal sait.

O sapos ol i no stap long ol tim, yumi inap luksave long stail bilong ol, na givim sans long ol long stap long trening skwat. Wanem samting ol i lainim long trening skwat, ol i ken kisim i go bek long tim bilong ol na soim.

Long liklik taim bilong mi wantaim PNGFA, mi lukim tupela samting: Namba wan samting em sampela bikpela bilong yumi, klap na asosiesen i no at gutpela tingting i sut tumas long helpim ol pilaia husat i mekim yumi olgeta i sanap nau olsem PNGFA.

Namba tu samting tu i olsem. Em i tru olsem ol pilaia i bikpela samting long PNGFA soka. Tasol, planti soka manmeri i no save givim gutpela na strongpela save na tingting tumas long helpim tim o klap bilong ol i helpim asosiesen, na bihain ol asosiesen i helpim PNGFA.

Ol dispela kain pilaia i mas tingting strong na senisim tingting - pasin bilong givim yupela ol gutpela sevis long wok soka i stat long yu wanwan pilaia.



•Ol meri GFC i gurialm ol meri Kurtl Andra long gol mak bilong ol yet. Long dispela as Kurtl Andra i putim wanpela gol. Na ol meri GFC i bagarapim ol long 4-pela gol.

## Wai traim bun wantaim Bao Mitas

### STORI BILONG PILAIA

WINIS MAP i raitim

Nem: Simon Wai  
 Krismas: 20 yia  
 Ples: Oraia  
 Distrik: Kwikila  
 Provins: Sentral  
 Klap: Boa Mitas  
 Posisen: Straika

SIMON Wai em i wanpela yangpela man husat i wok long kamapim gutpela kik wantaim Boa Mitas. Simon i save wok long Mosbi Intenesenal haikul olsem wanpela kuskus.

Em i bin stat kik long 1986 taim em i stap long haikul. Simon i bin kik wantaim Omen soka klap long Kwikila.

Tasol long 1990, ol wantok bilong Simon i tingting long wokim wanpela tim na kik long PMSA. Ol i fomim Bao Mitas soka klap na Simon i tingting long kik wantaim ol. PMSA i bin larim ol i kik long namba tu divisen. Na long 1991, ol i tokim ol long kik long namba wan divisen na nau ol kik yet long dispela divisen.

Stat long taim ol i kamapim Bao Mitas tim Simon i no bin lusim ol. Em i wok long kik wantaim ol yet, Simon i tok em i no gat tingting long lusim klap bikos dispela em tim bilong ol lain long ples bilong em.

Simon i no kisim sampela bikpela awod long PMSA. Tasol ol bikman bilong Bao Mitas i bin luksave long kik bilong em na givim wanpela awod bilong gutpela pilaia long 1990.

Em i save laikim kik bilong Russel Nari bilong Yunivesiti soka klap long Mosbi. Em i tok Russel i save kamapim gutpela kik long beklain na sanapim strongpela banis. Na em i save kik strong tu long franlain.



• Simon Wai...traim kik long Mosbi tim.

Simon i tingting strong long kamapim gutpela kik. Na em i tok, "Sapos ol bikman i luksave long kik bilong mi, ol i ken givim mi sans long kik wantaim Mosbi sait long salensim ol arapela senta."

## Ol sumatin i laik skulim Golo

i kam long pes 28

Tasol ol boi long Yunivesiti i no seksek long kik bilong Golo. Ol i save pinis long ol han rot na ol i ken abrusim banis na kapsaitim wara long umben bilong Golo.

Man husat i gat namba long brukim banis bilong birua em Steven Mune. Olgeta kik bilong Mune i save kamapim bagarap long ol birua. Olsem na Golo i mas was gut long kik bilong dispela boi

Kerema.

Joe Turia yet bai sanapim stongpela pos long stapim kik bilong ol birua. Sapos ol straika bilong i abrusim em, Turia i no inap marimari long ol. Em bai rausim olgeta bal long beklain na givim long ol pilaia bilong em long fran.

Ol narapela pilaia husat i save kamapim gutpela kik long Yunivesiti em Tembi Simongi, Russel Nari, na "Batman" Furigi. Dispela ol lain i ken kirapim das tu.

**BENSON & HEDGES SOCCER**



# Kabata laikim ol fi nau

## HAGEN RIPOT

### WINIS MAP I raitim

## Lido i wok long bagarapim yet ol sindaun long Vanimo

BIKPELA kik bilong sisen tru long Vanimo i wok long ron gut.

Wanpela tim husat i wok long kamapim bikpela pret long Vanimo em Abau Ruts. Dispela ol boi Grin Riva i kamapim sampela bagarap nau long Vanimo taun.

Dispela em i namba tu yia bilong ol long kik long taun resis. Na planti tim i wok long pilim het pen long kik bilong ol dispela lain.

Long las wiken ol i bin kamapim gutpela kik egesim Aitape United. Tupela tim i kik gut tru na ol boi Aitape i strong na laik daunim ol. Tasol ol boi Abau i strong na tupela tim i dro 2-2.

Narapela bikpela kik long las wik Sande i bin stap namel long Lido na Sumix. Dispela

bikpela kik long Sande apinun i bin ron gut tru.

Long namba wan hap bilong kik, ol boi Sumix i kik strong tru na bagarapim sindaun bilong ol sapota bilong Lido. Husat i bin painim hat long singaut taim ol mangi Sumix i stapim olgeta pawa bilong Lido long sutim gol.

Lido i no bin wari long dispela strongpela banis na kamapim sampela strongpela kik. Ol i bin soim Sumix olsem ol i gat namba long VSA.

Ol i tok save long Sumix long no ken pilai kaskas long ol taim ol i sutim namba wan gol bilong ol. Lido i bin lukim banis bilong Sumix i bruk na kirapim bikpela das.

Na ol boi Sumix i long-long nabaut na Lido i sutim narapela tripela

gol.

Lido yet i bin winim dispela pilai long 3-0.

PRESIDEN bilong Hagen Soka Asosiesen, Jimmy Kabata i laikim olgeta klap long givim K4 pilai



• Wan kina stail em i wanpela nupela stail dispela tupela manki bilong St. Josephs na Ela Beach praimerl skul i mekim long las wik Sarere long Sir Hubert Murray Stedim.

registresen fi na asosiesen bai salim i go long PNGFA. Em i laikim dispela mani pastaim long Jun 8.

Kabata i laikim olgeta pilai husat i kik long primia na primia risev long baim K12 registresen. Na em i laikim ol meri na junia pilai long baim K8 pilai registresen fi. Kabata i laikim olgeta pilai registresen fi pastaim long Jun 15.

Bikpela kik long las wik Sande i bin stap namel long Kalibobo na Hagen United. Dispela tupela tim i wok long go pas long poin lata.

Tupela tim wantaim i kamapim ol gutpela na strongpela kik. Planti manmeri i bin lukim dispela kik olsem wanpela bikpela kik bilong gren fainal.

Long namba wan hap, Kalibobo i bin painim umben bilong Hagen United. Dispela gol i bin kamap bihain tasol long wanpela kona kik. Na wanpela fulbek bilong United i no bin stretim gut het bilong em na putim bal i go insait long umben bilong em yet.

Kik i no bin ron gut tumas bikos ples i wet liklik bihain long ren i pundaun long nait.

Tasol bihain long namba tu hap bilong kik, Hagen United i bin stretim olgeta banis long beklain na franlain. Long stapim olgeta rot bilong Kalibobo long sutim gol.

Hagen United i bin sutim wanpela gutpela gol na bekim dinau bilong Kalibobo. Clement Apiap i givim wanpela gutpela bal long Francis Pahun na Pahun i sutim dispela gol.

Dispela tupela tim i dro long wanpela gol.

## Kap bilong Paul Kamod i kam sua long Amele

### YAKAM KELO I raitim

SOKA taitel bilong Paul Kamod Kap insait long Madang distrik i sua long han bilong Amele-2 bihain long em i autim tiket bilong Bel long penelti nokaut wantaim 4-2 skoa.

Dispela tonamen bilong Paul Kamod Kap i stat long las wik Fonde wantaim 10-pela distrik. Ol

distrik ya em, Bel, Nobnob, Niso, Amele 1 na 2, Wagi 1 na 2, Bau, Kokun na Koyamun.

Seketeri bilong Madang Open elektret Spot Asosiesen (MOE), Tony Oradpa i tok dispela tonamen i bin stat long 1988.

Long olgeta yia i kam, pilai ya i no save pinis gut bikos ol hevi i save kamap na bagarapim pilai. Tasol dispela yia i bin gutpela tru na soka, baskebal na volibal olgeta i pinis gut tru.

Memba bilong Madang, Paul Kamod i save sponsaim dispela pilai long olgeta yia. Long dispela yia, Paul Kamod i givim K3,000 long lukautim dispela tonamen.

Dispela pilai i bihainim nokaut sistem olsem na Amele-2 i bungim Bel long fainel na autim em wantaim 7-5 fultaim skoa.

Kepten bilong Amele, Garry Noah i tok ol boi bilong em i redim ol yet na lukluk long winim dispela

taitel. Em i tok long olgeta yia i kam, ol i save kamap long fainel tasol kros na pait i save bagarapim pilai.

Ol boi Amele husat i kamapim gutpela pilai em Robert Dobb, Gono Kamanang na kepten, Garry Noah long midfiil. Long fowat em Martin Der, Jonas Pipoi na Sangapa Temba.

Ol pilai husat i kisim ol prais na tropi long gutpela pilai em Martin

Der-Amele, Arnald Iwa-Wagi 2, Robert Dobb-Amele, Benal Pas-ing-Bel na Fali Gem-Bel.

YC soka graun i pulap tru long ol manmeri bilong ol asples ya long Fonde yet i kam inap long Mande. Ol i save slip long ples na kam long ka long olgeta de na pilai.

Ol meri Koyamun i winim baskebal na ol meri Amele 2 i winim volibal taitel long dispela tonamen.



• Ol manki bilong St Josephs praimerl skul na Ela Beach i traim bun long Inta skul soka resis. Dispela gem i solm olsem Papua Niugini bal i gat planti gutpela pilai long yia 2000.

## Kol ples Goroka i hat gen

KOL ples Goroka i bin paia stret taim 8-pela klap i kilim skin long kik bilong sisen tru long dispela yia.

Bikpela kik bilong primia divisen long Sande i bin stap namel long Waskia na Elcom.

Dispela tupela tim i kamapim gutpela kik na amamasim planti ol sapota bilong ol.

Tasol bihain long sampela minit bilong kik, ol boi Elcom i bin krangi liklik na stapim pawa bilong ol. Dispela liklik asua i givim sans long Waskia long brukim banis na sutim namba wan gol.

Bihain long dispela namba wan gol Elcom i taitim banis na stretim umben bilong ol. Tasol ol stail manki bilong Waskia i painim sampela liklik rot na brukim banis namba tu taim.

Waskia i bin hangre tru long sutim gol na ol i sutim namba tri gol bilong ol gen. Tarangu ol boi Elcom i bin kisim taim stret long han bilong Waskia. Waskia i winim dispela pilai long 3 gol na Elcom 0.

Narapela bikpela kik long Sande i bin stap namel long Kalibobo na Murat. Dispela tupela tim i save kamapim strongpela kik long Goroka.

Tasol long las wiken, ol mangi Madang i bin strong na nekim ol boimanki Musau. Fultaim skoa, Kalibobo 3 na Murat 0.

Bikpela kik long Sarere i bin stap namel long Guria na PTC. Tupela tim i bin dro 1-1. Na Yunitek i bin winim Rapatona 3-1.





**BENSON & HEDGES SOKA**

*Wantok*

# PNGFA kisim K125,000

## WINIS MAP i raitim

PAPUA Niugini Futbol Asosiesen i kisim pinis helpim long holim ol bikpela kik na ranim opis long dispela yia.

Benson na Hedges kampani i bin givim dispela helpim long PNGFA bihainim sampela toktok ol i bin holim wantaim olupela seketeri Andrew Waho. Benson na Hedges kampani i bin tokaut long dispela bikpela sponsasip helpim long Trinde, 3 Jun. 1992.

Dispela sponsasip i karamapim K125,000. Na ol i brukim dispela wani helpim i go long tupela hap. Ol i brukim K67,500 i go long lukautim opis bilong PNGFA na helpim long lukluk long ol bikpela kik em bai ol i holim insait na ausait long kantri. PNGFA bai brukim narapela K57,500 i go long ol wan wan senta.

Presiden bilong PNGFA, Peter Mommers na Maketing Menesa bilong Benson na Hedges, Andrew Guiles i bin sainim dispela tok orait long Islander Travelodge hotel.

Aninit long dispela tok orait, Benson na Hedges kampani bai helpim soka long provinsal na nesanel level.

Long nesanel level, ol bai helpim long mekim ol dispela samting:

- Givim mani long ranim opis bilong PNGFA;

- Helpim PNG tim long stap insait long ol bikpela kik

- Givim helpim long ronim kos bilong ol referi na kosa;

- Sponsaim Benson na Hedges Klap sempionsip;

- Sponsaim nesanel wimens sempionsip;

- Holim pati long olgeta yia na givim presen i go long ol gutpela pilaia bilong yia; na

- Putim aut nius bilong soka long olgeta wik long niuspepa, redio na televisen.

Na long ol provinsal kik, Benson na Hedges kampani i tingting long mekim ol dispela ol samting,

- Givim 50 pesen helpim i go long wan wan senta long helpim ol long ranim opis bilong ol. Dispela 50 pesen em i wankain olsem afiliesen fi ol i baim long PNGFA;

- Baim tropi bilong primia na namba wan divisen bilong ol man na givim tu ol prais mani;

- Givim tropi na prais mani long Benson na Hedges Kap nokautre-

sis; na

- Putim Benson na Hedges skoa bot long ol bikpela soka graun long olgeta senta.

Tasol presiden bilong PNGFA, Peter Mom-

mers i tok PNGFA bai givim tasol helpim i go long ol senta husat i baim olgeta afiliesen fi bilong ol pinis. Em i tok wanem helpim Benson na Hedges i givim, ol bai givim tasol

long ol senta husat i pinisim olgeta rejistren fi pastaim long taim ol i makim.

givim dispela sponsasip em long kirapim wok bilong soka long

Papua Niugini. Na helpim long kamapim ol gutpela kik long ol provins.

Bikpela as tingting bilong Benson na Hedges kampani long



• Maketing Menesia bilong Benson na Hedges, Andrew Guiles long raithan na presiden bilong PNGFA, Peter Mommers i sainim tok orait bilong sponsasip. Taim namba tu presiden bilong PNGFA, Gabriel Pise long lephan i lukluk long tupela.



## Mosbi pablik sevan bai go long Manus

### FRANCIS ULIAU i raitim

MOSBI Pablik Sevan Soka Asosiesen i redim pinis wanpela tim bilong ol man na narapela bilong ol meri long go kik long Manus.

Dispela wokabaut bilong ol bai kamap long Ogas 25 long dispela yia. Na bai i kamap long taim Manus i amamasim provinsal gavman de bilong en.

Presiden bilong Mosbi Pablik Sevan Soka Asosiesen (PMPSSA), Francis Kasau i tok ol i wok long go het yet long bungim mani bilong redim ol tim long go kik long hap.

Tasol maski taim dispela hatwok i wok long go het, PMPSSA i go het na givim K300 bilong helpim ol pipel bilong Is Sepik husat i painim hevi bilong wara i solap nau long las wik.

Long traime painim inap mani bilong go long Manus, Kasau i tok asosiesen bai holim wanpela

danis long Klub Jemania long neks wik. Ol man bai baim K8 long dua bilong go insait na ol meri em K5. Dispela ol danis em asosiesen bai lukautim bai kamap long neks wik, Jun 12, Julai 7 na Julai 10, 1992.

Em i tok insait long ol dispela tim bilong go kik long Manus, i gat wan wan pilaia bilong olgeta klap. Na i luk olsem wan wan klap bai givim hap mani bilong stretim rot bilong pilaia bilong ol long go kik long Manus. Na dispela i bringim namba bilong ol pilaia long go long hap i go antap long samting olsem 45 man na meri olgeta.

Kasau i askim nau olgeta pilaia na sapota bilong PMPSSA long kamap long ol danis bilong helpim na salim ol tim i go long hap.

Em i tok, "Asosiesen i laikim samting olsem K6,000 o moa bilong salim ol tim."

Dispela ol kik long Manus bai stap inap long 5-pela de. Na long wan wan de, ol bai pilaim samting olsem tripela o 4-pela gem.

## Ol sumatin i laik skulim Golo

BIKPELA kik bilong PMSA long dispela wik Sande bai stap namel long Yunivesiti na Golo.

Dispela bai i wanpela strongpela kik tru taim nambawan primia tim i salensim Golo long bikpela kik long Sande.

Tupela tim i gat planti stail bilong kik. Golo i gat stail long pilaim fas futbol em planti tim long Mosbi i save. Yunivesiti long narapela sait i gat stail tu. Stail bilong Yunivesiti em long putim bal long graun na larim olgeta pilaia bilong ol i kisim sans long kikim bal.

Yunivesiti i save larim olgeta pilaia i kik. Na olgeta taim ol i save putim bal long graun na pasim i go i kam. Kain stail bilong ol i save paulim ol pilaia

bilong narapela tim.

Tasol long dispela wiken, Golo bai traime long stapim kain stail bilong Yuni. Golo long dispela wik bai kik strong olsem ol i wokim long las wiken. Kain stail bilong ol i bin mekim ol boi Rapatona i slip wantaim wari taim ol i nekim Rapatona 2-1.

Vele Kila na Maino Kwalimu bai wok hat tru long Sande long traime brukim banis bilong Yunivesiti. Dispela tupela man i ken kamapim birua sapos Yunivesiti i no was gut.

i go moa long pes 26

Printed and published by Anna Bernadette Solomon, of Bitten Place, Gordons, at Allotment 2, Section 209, Hohola.





# RUGBY

Namba 51

Fonde Jun 4, 1992

**NIUS**


## NOTEN SON TRAILS LONG MADANG - p2

*Nupela Kumul kepten kisim setifiket* • Nupela Kumul kepten, Ngala Lapan i kisim setifiket long presiden bilong PNGRFL, Joe Keviamel long Travelodge Hotel, Mosbi las Sande. Setifiket ya i soim olsem Lapan i bin pilai long Kumul tim egensim Gret Briten Lions long Tes gem. Lions i laki na winim Kumul 20-14 long las minit. Lapan bai lukautim Kumul tim i go pilai raun long Nu Silan na Australia olsem kepten gen long pinis bilong dispela mun.

*Ol foto: Ivan 'Bauagau.*

# Winfield League '92



# Noten Son trails - Madang

## Wina bai go bek wantaim tropi long namba wan taim

LEO WAFIWA i raitim

LONG nambawan taim, wanem senta i winim Noten Son trails bai go bek wantaim wanpela tropi.

Noten Son trails bai kamap long dispela Kwins Betde wiken long Madang. Dispela em long namba 6, 7 na 8 de bilong mun Jun. Na 6-pela senta bai salensim ol yet long lukim husat bai putim nem pas antap long dispela tropi.

Tropi ya em sponsa bilong Noten Son Lig, BP Oil kampani i baim. Sponsa i go pas gen long sponsaim lig wantaim K10,000 mani. Na dispela em i namba tri taim bilong kampani long sponsaim lig.

Sponsa i givim tu sampela moa mani bilong baim ol arapela prais, haus slip na ka bilong ol tim long yusim.

Las wik RLN i ripot olsem 7-pela

senta olgeta bai bai kam pilai long dispela tonamen. Tasol dispela wik Wewak i toksave olsem em i no inap salim wanpela tim. Olsem na 6-pela senta tasol bai resis.

Nem bilong ol dispela senta Madang, Lae, Kainantu, Wau/Bulolo, Ramu na Morobe Kantri.

Presiden bilong Noten Son Lig, John Numapo i tok Vanimo na Wewak i no inap stap insait long salim wanpela tim. Long wanem tupela i nogat mani bilong salim tim.

Numapo i skruim tok olsem ol i no save gut long hamas tim bai kamap. Olsem na RLN i no inap kisim dro bilong trails.

I gat bilip olsem olgeta senta bai kamap long Madang long Fraide Jun 5. Na long Fraide apinun, ol bikman bilong wanwan senta bai kibung wantaim ol bikman bilong Noten Son Lig, na stretim ol samting.

"Insait long dispela kibung bai mipela save long hamas senta i kamap na mekim dro," Numapo i tok.



*Kas bilong ol yangpela* • Ol yangpela bilong Sen Peters na Sen Joseph Anda 13 pilaia i pam na bal i flai i go bilong em yet. Ol yangpela blut bilong tupela skul ya i bin salens long las Sande long Lloyd Robson oval, bipo long Tes gem namel long PNG Winfield Kumul na Gret Briten Lions. Tupela tim wantaim i pilai strong tru na dro 4-4. Long Tes gem em Lions i win 20-14.

## Ol menesa i mas bun long Fraide

## Lae gat bikpela sans long win wantaim save bilong ol Inta Siti Kap pilaia

TIM menesa bilong olgeta senta i mas bungim ol eksekutiv bilong Noten Son Trails long Fraide Jun 5.

Dispela bung bai kamap long apinun. Presiden bilong Noten Son Lig, John Numapo i no tokaut long wanem hap dispela kibung bai kamap.

Em i tok tasol olsem as bilong dispela bung em long painim hamas senta i kamap, bai ol i ken stretim dro bilong pilai.

Olgeta pilai bai i kamap long Ron Albert Oval long namba 6, 7 na 8 de bilong mun Jun, em long dispela Kwins Betde wiken.

Ripot i kam long Madang i tok Madang Winfield Lig i redi olgeta samting pinis long dispela resis. Na i wetim tasol olgeta senta long kamap, na soim stail bilong ol.

Madang i lukautim dispela resis. Olsem na em yet bai tingting long winim dispela namba wan tropi.

Lukluk long ol senta husat bai kamap long resis, i gat bilip olsem bikpela pait bai stap namel long Lae, Madang, Kainantu na Wau Bulolo.

I gat bilip olsem planti manmeri long rijon bai pulap long Madang dispela wiken long lukim dispela trails.



• Andrew Kuno



• John Bob



• Thomas Daki



• Paul Sevua

LEO WAFIWA i raitim

LAE i gat bikpela sans long winim namba wan tropi bilong Noten Son trails.

Trails bai i kamap long Madang long dispela Kwins Betde wiken, stat long namba 6 de bilong mun Jun i go inap long namba 8 de.

LAE i gat bikpela sans long wanem em i gat planti ekspirians pilaia. Ol dispela pilaia i gat inap ekspirians long ol kain bikpela resis olsem Noten Son trails.

Planti pilaia insait long 18 pilaia Lae tim i kam long Inta Siti tim, Lae Bombers. Save bilong ol dispela nem pilaia bai pretim ol arapela senta olsem Madang.

Sampela bilong ol dispela pilaia em Paul Sevua, Charlie Vee, Alison Ketawo, John Bob, Thomas Daki, John Piel, na Goro Arigae, Andrew Kuno. Sampela bilong ol dispela pilaia i gat nem long winim top lig senta long kantri, Mosbi long 1992 SP Inta Siti Kap resis long las mun.

Hia em nem bilong olgeta 18 pilaia insait long tim: Paul Sevua (Tigers), Charlie Vee (Spiders), Lako Roha (Magani), Alison Ketawo (Spiders),

## Lukaut long ol boi nogut bilong Wau/Bulolo

LIKLIK senta Wau i gat nem pinis long winim Noten Son trails las yia long Kainantu. Olsem na ol arapela senta long rijon husat i kamap long Madang dispela wiken i mas sambai gut.

Long resis bilong las yia, planti i bilip olsem ol nem senta olsem Lae, Madang o Kainantu bai winim resis. Tasol ai bilong olgeta i op taim Wau i kam long bihain, na bagarapim sindaun bilong olgeta.

Wau i win bikos em i gat planti gutpela yangpela pilaia. Planti pilaia long Wau sait i kam long tim

David Glipu (Tarangau), Patrick Giap (Tarangau), John Bob (Spiders), Thomas Daki (Royals), John Papa (Tarangau), John Piel (Difens), Goro Arigae (Panthers), Frank William (Brothers), Awepster Seka (Brothers), Andrew Joe (Royals), Raymond Karl (Difens), Andrew Kuno (Royals), Robert Opo (Tarangau), na Buckley Mauwe (Difens).

Ol risev pilaia em Peter Yaubela (Difens), Benjamin Lango (Tigers), Wilson Unua (Royals), John Henry (Tarangau), Krilix Joel (Spiders), John Timan (Panthers), na Paul Leka (Panthers). Tim bai go long Madang aninit long lukaut bilong kosa bilong Tarangau, Mike Chaytors. Ol opisal em tim menesa Jim Kari (Tarangau), na trena Rolul Ulea (Difens).

Tasol ol Lae pilaia i noken so op long dispela save ol i gat, na i laik pilai kaskas. Bikos ol arapela senta olsem Madang na Wau/Bulolo bai putim olgeta samting ol i ken long winim tropi.

Long bipo, strongpela salens i save kamap namel long Kainantu, Madang na Lae tasol. Tasol long las Noten Son trails, Wau/Bulolo i bagarapim sindaun bilong olgeta senta long rijon, na pinis wantaim bikpela skoa.

Olsem na Lae i mas lukaut gut long dispela.

bilong Wau/Bulolo Forestri Koles.

Planti studen husat i pilai long skul tim ya i kam long kainkain kona bilong kantri, wantaim wanwan bilong ol Pasifik ailan kantri. Olsem na taim ol i laik bungim liklik save ol i gat long pilai ragbi lig, klia long ol, ol i nekim ol nem senta olsem Lae.

Tasol olupela presiden bilong Wau Ragbi Lig, Jack Wau i tok planti studen insait long Wau sait i no inap go long Madang dispela wiken. Bikos ol i gat bikpela tes bilong mekim.

## Wewak na Vanimo i no inap soim pes

LEO WAFIWA i raitim

HEVI bilong mani na nogat inap taim bilong trening i stapim Wewak long stap insait long Noten Son trails, em bai i kamap long Madang long dispela Kwins Betde wiken.

Is Sepik Provinsal Spot Kodineta, Terence Moka i tok Madang i stap klostu. Olsem na long baim sip i go pilai i no dia tumas. Tasol Wewak Ragbi Lig i nogat inap mani long salim wanpela tim.

Moka i tok moa olsem narapela bikpela as em Wewak i nogat inap taim long makim wanpela tim, trenim na salim long Madang. Bikos ol i statim resis long 4-pela wik tasol i go pinis.

"Sapos ol pilaia i pilai long longpela taim na stap fit, yes mipela i ken painim mani long salim tim," Moka i tok.

Tasol Moka i tok Wewak bai salim wanpela tim long namba tu Noten Son trails, em bai i kamap long dispela yia yet.

Narapela senta long rijon, Vanimo i no inap salim tim tu. Vanimo tu i bungim sem asua o hevi olsem Wewak.

## Madang sambai tasol

MADANG bai wetim tasol hamas senta long kamap, na bihain bai em i tokaut long hamas tim em bai redi long trails.

Tupela wik i go pinis, Wewak, Madang, Lae, Morobe Kantri, Wau/Bulolo, Ramu, na Morobe Kantri i tokaut long salim tim long resis.

Dispela i min olsem 7-pela tim olgeta bai pilai, na dro bai i no inap stret. Olsem na Madang i bin makim tupela tim long mekim namba bilong ol tim i

go long 8-pela.

Tasol dispela wik, Wewak i tokaut olsem em i no inap salim wanpela tim. Olsem na dispela i min olsem 6-pela tim tasol bai i resis.

Sapos olgeta 6-pela senta i kamap, Madang bai makim wanpela tim tasol long tupela tim em i bin makim. Dispela min olsem em bai makim wanpela strongpela tim stret.

Tasol sapos wanpela bilong 6-pela senta i no kamap, Madang bai i mas pilaim tupela tim.



# Lukaut long Mendi Driman bilong Sinemau karim kaikai

TUPELA taim sempion bilong SP Inta Siti Kap resis, Mosbi Vipers i bin winim Mendi Muruks long tupela taim. Tasol dispela Sande, ol boi Mendi bai kam olsem nupela tim.

Mendi i gat nem olsem sempion lig senta long Hailans rijon, bihain long em i autim Hailans Son resis long las yia. Wantaim ol dispela kain tingting long strongim tim, ol bai mekim olgeta samting ol i ken long autim nem senta, Mosbi.

Wina bilong dispela gem bai bungim Hagen Eagles neks Sande long gren fainal, em bai i kamap long Mosbi yet.

Tupela tim i bin bung long las raun bilong resis long Lloyd Robson oval, Mosbi. Long dispela gem Vipers i paia narakain stret na autim tiket bilong Muruks.

Ripot i kam long Mendi i tok kosa Andy Akivi na trena Mathias Kombra i trening gut ol boi, na wetim tasol Sande.

Olpela nem Mendi ripresentativ pilaia, Kore Seeto bai go pas long ol Muruks pilaia. Em bai kisim sapot bilong ol arapela nem pilaia olsem winga Joe Rema.

Rema i lusim sans long stap insait long Kumul tim.

Kosa bilong Vipers, Sam H. Kaia i lusim pinis sampela nem pilaia bilong em long Kumul tim bilong go pilai raun long Nu Silan na Australia.

Sampela bilong ol dispela pilaia em fowat James Naipao, lok Joe Gispe, hap bek Sauna Babago, faiv eit Tuksy Karu, senta Richard Wagambie na tupela winga, Kini "Teksi" Tani na Joshua Kouoru.

Ol pilaia ya i no inap pilai long klap bilong ol na fainal bilong Inta Siti Kap resis. Tasol ol arapela pilaia olsem senta Michael Toivita, faiv eit Elias Paiyo, fowat Kaibel Kanaka, Steve Manas, Luke Andrew na huka Danny Moi i stap long strongim tim.

## DOMINIC KAKAS i raitim

"BAI mi kisim ples bilong Bal Numapo," wanpela boi i tokim ol poroman bilong em olsem.

Na 6-pela yia bihain, em i winim wanpela Kumul jesi. Na tu em i pilai egensim ol nambawan pilaia long wol, Australian Kangaroos.

Dispela boi em Korul Sinemau. Em i mekim dispela promis long 1985 taim em i skul long Passam Nesenel haikul long Is Sepik provins.


Long 1991, Sinemau i bin laki tru long pilai egensim bikpela Mal Meninga. Big Mal i winim sais bilong Sinemau long tupela taim olgeta. Tasol Sinemau i banisim Big Mal gut tru. Olsem na kosa bilong Kangaroos, Bob Fulton i tok Sinemau em i wanpela nambawan pilaia. Fulton i bin toktok tu long kisim Sinemau i go traim pilai

wantaim Manly tim long Sidni Winfield Lig resis.

Yangpela Sinemau bilong ples Koge long Sinasina distrik, Simbu provins i gat bikpela sans long kisim ples bilong olpela nem Kumul kepten, Bal Numapo. Numapo i bilong Simbu tu. Sinemau i plenim long pilai long Kumul tim long longpela taim.

Sinemau i gat 25 krusmas. Em i bin pilai namba tu Tes gem bilong em long las Sande egensim Gret Briten Lions olsem risev pilaia. Klostu long pinis bilong pilai em i kisim fil, na Kumul i lus 20-14.

Kumul i pilaim gutpela gem stret na i gat sans long winim dispela gem. Tasol klostu long pinis bilong pilai, winga Martin Offiah i skoarim tupela las trai na Lions i win. Planti pipel i tok dispela em i



• Sinemau ..... boi Simbu laik tekova long Bal Numapo.

ers. Mi lukim ol i pilai na tingting long kamap wanpela Kumul pilaia," em i tok.

Sinemau i gat bikpela tingting olsem em bai

skwat. Planti wan skul bilong Sinemau long Passam i ken tingim planti aua Sinemau i save trening. Wanpela bilong ol dispela lain

mau bai sanap strong na larim beg flai i go i kam na pamim em. Sampela taim bai em senisim posisen, na larim beg i kam pamim solda, bros, het o bel bilong em.

Long Passam, em i save yusim moa taim long stadi, trening na pilai ragbi tas long planti apinun. Long trening bilong karim ol hevi samting, Sinemau i yusim tupela bikpela tin Milo. Em i simenim tupela tin i go antap long bikpela ain long sait, na save apim. Em save ran tu. Sampela taim, em bai ran long 15 kilomita i go long Wewak taun, na kisim ka i go bek long skul.

Tripela samting i helpim Sinemau long mekim nem long ragbi lig. Em i gat bikpela laik na driman, gutpela famili sapot, na tu gutpela sapot long kampani em i wok long en, Bob Sinclair of Lae Builders and Con-

## Bikpela pe bilong baus em liklik samting

### LEO WAFIWA i raitim

PE bilong baim balus tiket i dia tru long Papua Niugini. Tasol long lukim wanpela bikpela ragbi lig gem, mani em liklik samting long planti manmeri.

Las wik tasol moa long 100 manmeri wantaim pikinini bilong ol arapela senta i tromoi moa long K500 long kam lukim Tes gem long Mosbi. Dispela Tes gem bilong Wol Kap poin i bin kamap long Lloyd Robson oval long Sande Me 31.

Planti bilong ol dispela lain i kam long Hailans rijon. Ol i bin kam wantaim tingting long lukim sampela mirakel em Kumul tim aninit long lukaut bilong nupela kosa, John Wagambie bai givim long Gret Briten Lions.

Lions i win 20-14 long las minit. Tasol dispela i no wanpela isi win. Planti bilong ol lain husat i kam long ol arapela senta, na long Mosbi yet i amamas tru long gutpela pilai bilong Kumul.

### Amamas long Kumul tim - Pill (Hagen)

Gabriel Pill em wanpela man husat i lusim Hagen na kamap long Mosbi long lukim Tes gem. Pill i tok em i save long sampela arapela lain husat i tromoi mani long baim balus na kam lukim pilai. Pill i amamas long lukim gutpela salens Kumul i givim long Lions.

### Balus tiket em liklik samting - Tom (Simbu)

William Tom i kam olgeta long Simbu. Tom i save olsem moa long 10-pela arapela man wantaim famili i kam long lukim dispela pilai. "Mipela i save olsem Kumul bai pilaim gut-

pela gem aninit long lukaut bilong nupela kosa, John Wagambie. Olsem na mipela i kam. Mipela i no inap tromoi mani nating," em i tok.

Em i skruim tok olsem ragbi lig long ol Hailans manmeri em i olsem wanpela lotu. "Maski pe bilong balus tiket i dia tumas, ol i ken kam," em i tok.

### Baim ol nesenel pilaia - Badui (Lae)

Michael Badui na famili bilong em i kam long Lae. Em i save olsem 5-pela arapela man long Lae i kam tu long lukim dispela pilai.

Badui em i wanpela kendidet bilong 1992 jenerele ileksen. Em i sanap long Lae Open aninit long tiket bilong PDM. Badui i amamas long gem bilong Kumul. Tasol long lukluk bilong em, moa mani bai i go insait long developim ol pilaia.

Em i tok ol PNG pilaia i save long pilai ragbi lig. Tasol ol i no save toktok, lainim na pilai ragbi lig long 7-pela de olsem ol mani nem pilaia long ovasis.

Em i skruim tok olsem maski sapos ol pipel i senisim ol selekta, kosa na stail, Kumul bai i no inap long win. Em i lukim olsem ol pilaia i mas stat trening long wanwan klap long kamap profesinel o top pilaia.

Em i lukim tu olsem 90 pesen bilong mipela i no makim intanesenel mak olsem long intanesenel trening, na we bilong kosim gut tim na sampela moa. "Dispela em ol eria we mipela i ran bihain. Lus tingting long bikpela sais bilong ol ovasis pilaia." Badui i lukim olsem PNGRFL i mas putim moa mani i go insait long baim ol nesenel pilaia. Bai ol nesenel pilaia i ken pilai na kisim potnait olsem ol profesinel mani pilaia.

"Ol pilaia bilong mipela i mas tingting profesinel sapos mipela i laik win.

"Ol i embasida bilong mipela long ovasis. Mipela i no inap larim ol i wok olsem ol pipia wokboi (slaves), long mekim nem na makim kantri bilong mipela long ovasis."



• Andrew Ettingshausen (raithan) na Rod Wishard bilong Australia Kangaroo i holim pasim gut tru Sinemau long Kumul jesi. Dispela em long namba wan Tes gem long Goroka las yia. Kangaroo i win 68-2.

wanpela gutpela gem stret bilong Kumul tim. Sinemau i gat dispela tingting tu, tasol em i tok: "Mi go insait long fil klostu long pinis bilong pilai, olsem na mi nogat inap taim long mekim wanem samting mi bin plenim."

Sinemau i bin tingting long putim Kumul jesi taim em i mekim gret 7 long Kerowagi haikul long Simbu provins.

"Frans Roosters i kam pilai long Hailans. Ol biknem pilaia bilong PNG olsem David Tinemau, Jopa Gomia na Linus Gene i bin pilai egensim Roost-

mekim nem long hap bek posisen. Tasol taim em i mekim gret 12 long Passam, em istat pilai long senta.

"Mi save pilai long hap bek posisen tasol i gat planti liklik pilaia husat i gat moa spit long hap bek posisen, olsem na mi mov i go long senta," Sinemau i tok. Em i no lukluk bek bihain long em i pilai long senta. Em i bin pilai gut tru long olpela klap bilong em long Lae, Blu Spiders na MPS Panthers.

Em i tok wanpela pilaia i mas gat moa disiplin long winim wanpela spes long Kumul

em Algal Ai, wanpela opisa long PNG Difens Fos.

"Em bai pulapim wanpela bikpela beg rais wantaim wes an, hangamapim long rum, pusim i go longwe tru na wetim beg long swing i kam bek na pamim em. Em i gat bikpela laik long kamap Kumul pilaia," Ai i tok.

Wanpela taim sampela poroman harim bikpela nais long rum bilong Sinemau. Ol i go long sekim na kalap nogut long lukim bikpela 25 kilogrem rais beg i swing i go i kam na pamim bodi bilong Sinemau. Sine-

tractors. Sinemau bilip olsem em i no inap kamap wanpela Kumul pilaia sapos Mista Sinclair and Lae Builders and Contractors i no givim gutpela sapot.

"Mi laki tru olsem mi gat gutpela bos husat i sapotim mi gut tru. Taim mi gat trening long ragbi lig, ol save larim mi i go. Tasol mi save traim long putim 100 pesen wok taim mi no pilai," em i tok.

Tasol long putim Kumul jesi i min olsem Sinemau i mas lusim sampela samting. Em i lusim skul bilong em long Lae.



# Winfield League Results

## PORT MORESBY WINFIELD LEAGUE

### A GRADE CHAMPIONSHIP TABLE

Team	P	W	D	L	GF	GA	PTS	%
West	10	8	1	1	249	155	17	161
Air Niugini	10	8	0	2	218	139	16	157
Defence	10	7	0	3	244	182	14	134
Brothers	10	7	0	3	223	180	14	124
Royals	10	6	1	3	256	193	13	133
Hawks	10	6	0	4	225	207	12	109
Souths	10	5	1	4	214	189	11	113
Tarangau	10	5	1	4	208	234	11	89
Magani	10	4	1	5	194	210	9	92
Kone	10	3	0	7	209	233	6	90
Paga	10	2	1	7	183	212	5	86
DCA	10	2	0	8	194	290	4	67
Waliya	10	1	2	7	168	249	4	67
Seagulls	10	2	0	8	139	251	4	55

ROUND 10: West beat Hawks 41-16, Tarangau beat DCA 46-16, Air Niugini beat Magani 22-12, Defence beat Seagulls 29-16, Brothers beat Souths 32-18, Royals beat Paga 26-18, Waliya beat Kone 30-18.

## PORT MORESBY RUGBY FOOTBALL LEAGUE

Draws: Round 11 (Split Round)  
Friday : Date: May 29

Ground	Time	Grade	Team	Team	
L.R.O	5pm	U/21	ANG	v	Waliya
L.R.O	6.15pm	Res	ANG	v	Waliya
L.R.O	7.45pm	A	ANG	v	Waliya

### Saturday May 30

Ground	Time	Grade	Team	Team	
L.R.O	9.00am	U/19	Paga	v	Defence
L.R.O	10.00am	U/19	Hawks	v	Kone
L.R.O	11.00am	U/19	Royals	v	West
L.R.O	12.30pm	Res	Paga	v	Defence
L.R.O	2.00pm	Res	Hawks	v	Kone
L.R.O	3.30pm	Res	Royals	v	West

### Sunday May 31

Ground	Time	Grade	Team	Team	
L.R.O	8.30am	U/11	E/Beach	v	Gordons
L.R.O	9.00am	U/15	Gordons	v	Tokarara
L.R.O	10.00am	U/17	Hawks	v	Kone
L.R.O	11.00am	A	Paga	v	Defence
L.R.O	12.30pm	U/13	St Josephs	v	St. Peters
L.R.O	1.00pm	A	Royals	v	West
L.R.O	2.30pm	Pre-Test	Introductions and Entertainment		
L.R.O	3.00pm	PNG	v	Great Britain	

### Draws: Round 10 Saturday May 30

Ground	Time	Grade	Team	Team	
PRL II	9 am	U/17	Waliya	v	ANG
PRL III	9 am	U/17	Royals	v	West
PRL II	10 am	U/17	Paga	v	Defence
PRL III	10 am	U/17	Seagulls	v	Tarangau
PRL II	11 am	U/17	Magani	v	Brothers
PRL III	11 am	U/17	DCA	v	Souths
PRL II	12 noon	U/17	Waliya	v	ANG
PRL III	12 noon	U/19	Seagulls	v	Tarangau
PRL II	1 pm	U/19	Magani	v	Brothers
PRL II	2 pm	U/19	DCA	v	Souths

### ROUND 11: Split Round

Friday: Date: June 5

Ground	Time	Grade	Team	Team	
L.R.O	5.00pm	U/21	Seagulls	v	Tarangau
L.R.O	6.15pm	Res	Seagulls	v	Tarangau
L.R.O	7.45pm	A	Seagulls	v	Tarangau

### Saturday: Date: June 6

Ground	Time	Grade	Team	Team	
L.R.O	9.00am	U/21	DCA	v	Souths
L.R.O	10.15am	U/21	Magani	v	Brothers
L.R.O	11.30am	U/21	Paga	v	Defence
L.R.O	12.45pm	U/21	Hawks	v	Kone
L.R.O	2.00pm	U/21	West	v	Royals
L.R.O	3.30pm	A	Souths	v	DCA

### Sunday: Date: June 7

Ground	Time	Grade	Team	Team	
L.R.O	9.30am	Res	Souths	v	DCA
L.R.O	11.00am	Res	Brothers	v	Magani
L.R.O	12.30pm	A	Hawks	v	Kone
L.R.O	2.00pm	A	Brothers	v	Magani
L.R.O	3.30pm	Inter City	POM	v	Mendi

### ROUND 12: DATE: 07/06/92

DATE	TIME	FIXTURES
5.6.92	0745 hrs	Seagulls vs Tarangau
6.6.92	0330 hrs	Hawks vs DCA
7.6.92	1230 hrs	Brothers vs Magani
7.6.92	0330 hrs	Vipers vs Mendi Muruks

### Match of the point

7.6.92 0200 pm Brothers vs Magani

### WIN MONI K10,000 CLUB CHAMPIONSHIP

Club	A Gr	Res	U/21	U/19	U/17	Total
West	51	28	34	30	15	158

Defence	42	30	34	26	13	145
Air Niugini	48	32	30	12	10	132
Royals	39	28	18	32	9	126
Hawks	36	16	24	22	15	113
Brothers	42	24	28	10	13	117
Souths	33	22	16	32	8	111
Kone	18	26	10	28	10	92
Tarangau	33	18	28	6	5	90
Waliya	12	14	26	22	8	82
Magani	27	16	2	16	6	67
Paga	15	10	14	14	8	61
Seagulls	12	4	12	22	11	61
DCA	12	12	0	8	9	41
	420	280	276	280	140	1396

### Reserve Points Table 1992

Team	P	W	D	L	GF	GA	PTS	%
Air Niugini	10	8	0	2	182	113	16	161
Defence	10	7	1	2	183	134	15	137
West	10	7	0	3	207	124	14	167
Royals	10	6	2	2	196	169	14	116
Kone	10	6	1	3	244	203	13	120
Brothers	10	5	2	3	218	186	12	117
Souths	10	5	1	4	134	174	11	77
Tarangau	10	4	1	5	194	179	9	108
Magani	10	3	2	6	157	141	8	111
Hawks	10	4	0	6	204	204	8	100
Waliya	10	3	1	6	161	210	7	77
DCA	10	3	0	7	209	243	6	86
Paga	10	2	1	7	126	177	5	71
Seagulls	10	1	0	9	138	296	2	47

West 34 beat Hawks 24, Tarangau 17 beat DCA 12, Air Niugini 16 beat Magani 4, Defence 22 beat Seagulls 6, Souths 24 beat Brothers 14, Royals 14 beat Paga 10, Kone 44 beat Waliya 24

### U/21 Points Table 1992

Team	P	W	D	L	GF	GA	PTS	%
Defence	10	8	1	1	166	65	17	255
West	10	8	1	1	211	90	17	234
Air Niugini	10	7	1	2	171	91	15	188
Brothers	10	6	2	2	154	91	14	169
Tarangau	10	6	2	2	150	96	14	156
Waliya	10	5	3	2	162	104	13	156
Hawks	10	6	0	4	149	92	12	162
Royals	9	4	1	4	128	144	9	89
Souths	10	3	2	5	128	159	8	81
Paga	9	3	1	5	80	107	7	75
Seagulls	10	3	0	7	78	211	6	37
Kone	10	2	1	7	99	114	5	87
Magani	10	0	1	9	52	204	1	25
DCA	10	0	0	10	76	236	0	32

West 14 beat Hawks 8, Tarangau 18 beat DCA 10, Air Niugini 34 beat Magani 0, Defence 20 beat Seagulls 0, Brothers 22 beat Souths 14, Waliya 20 beat Kone 0

### U/19 Points Table 1992

Team	P	W	D	L	GF	GA	PTS	%
Royals	10	8	0	2	121	54	16	224
Souths	10	8	0	2	107	74	16	145
West	10	7	1	2	105	72	15	146
Kone	10	6	2	2	98	50	14	196
Defence	10	6	1	3	112	86	13	130
Hawks	10	5	1	4	85	62	11	137
Waliya	10	5	1	4	87	67	11	130
Seagulls	10	4	3	3	105	105	11	100
Magani	10	4	0	6	57	105	8	84
Paga	10	3	1	6	76	89	7	55
Air Niugini	10	3	0	7	95	90	6	106
Brothers	10	2	1	7	61	117	5	52
DCA	10	1	2	7	70	150	4	47
Tarangau	10	1	1	8	52	110	3	47

West 12 beat Hawks 4, DCA 10 beat Tarangau 8, Magani 12 beat Air Niugini 9, Defence 10 beat Seagulls 5, Souths 12 beat Brothers 10, Royals 11 beat Paga 6, Kone 7 beat Waliya 6.

### U/17 Points Table 1992

Team	P	W	D	L	GF	GA	PTS	%
Hawks	10	7	1	2	164	50	15	328
West	10	7	1	2	89	67	15	133
Brothers	10	6	1	3	112	80	13	140
Defence	10	6	1	3	114	84	13	136
Seagulls	10	5	1	4	72	108	11	67
Air Niugini	10	4	2	4	61	37	10	165
Kone	10	5	0	4	92	75	10	123
Royals	10	4	1	5	56	83	9	67
DCA	10	4	1	5	88	156	9	56
Souths	10	3	2	5	70	76	8	92
Paga	10	4	0	6	71	79	8	90
Waliya	10	3	2	5	69	91	8	76
Magani	10	3	0	7	42	76	6	55
Tarangau	10	2	1	7	57	95	5	60

West 12 beat Hawks 10, DCA 12 beat Tarangau 10, Air Niugini 2 beat Magani 0, Seagulls 14 beat Defence 12, Souths 22 beat Brothers 4, Royals 3 beat Paga 0, Waliya 15 beat Kone 10.



• PNG Winfield Kumul tim husat i pilai long Tes gem long Sande egensim Gret Briten Lions. Baksait lain: Joe Gispe, Richard Wagamble, Joshua Kouoru, Jamuga Stone (trena), Steven Kapan, Nande Yer, Philip Boge. Namel lain: Gideon Kendino (dokta), August Joseph, Ben Bire, Kera Ngaffin, Bobby Ako, Michael Angra, Korul Sinemau, Michael Wilson (physio). Fran lain: Michael Matmilo, Matthew Elara, John Wagamble (kosa), Ngala Lapan (kepten), Ivan Ravu (namba tu kosa), Aquila Emil, Kini Tani.

### LAE WINFIELD LEAGUE POINTS TABLE

Club	P	W	D	L	PF	PA	%	PTS
Tarangau	6	6	-	-	143	76	188	12
Brothers	6	4	-	2	175	95	184	8
Royals	6	4	-	2	163	102	160	8
Spiders	6	3	-	3	146	107	136	8
Defence	6	2	-	4	84	108	78	5
Magani	6	2	-	4	111	171	47	3
Panthers	6	1	-	5	81	171	47	3
Tigers	6	-	-	6	69	181	38	0

### LAE RUGBY LEAGUE ASSOCIATION

#### LAE WINFIELD LEAGUE ROUND 5 DRAWS

#### SATURDAY MAY 21, 1992 OUTSIDE GROUND

TIME	DIVISION	FIXTURES
9.00am	U/17	Royals vs Magani
10.00am	U/19	Royals vs Magani

TIME	DIVISION	FIXTURES
9.00am	U/17	Defence vs Tigers
10.00am	U/19	Defence vs Tigers
11.00am	Res	Defence vs Tigers
12.30pm	Res	Royals vs Magani
2.00pm	Res	Tarangau vs Panthers
3.30pm	A	Defence vs Tigers

#### SUNDAY MAY 22, 1992 OUTSIDE GROUND

TIME	DIVISION	FIXTURES
9.00am	U/17	Tarangau vs Panthers



# Keviamé mekim wantok sistem

**Dia Edita,**  
Mi bilong Siasi ailan long Morobe provins. Nau mi stap long Napapar Namba 2 long Rabaul, Is Nu Briten provins.  
Mi ritim wanpela ripot olsem Andrew Ilam bilong Lae i komplem long presiden bilong PNGRFL, Joe Keviamé. Bikos Keviamé i wansait long seleksen bilong Presiden XIII tim em i bin go pilai raun long Not Kwinslen.  
Ripot i tok Keviamé i rausim James Kapia bilong Rabaul na kisim Joe Rema bilong Mendi.  
Mi sapatim toktok bilong Ilam. Mi ting Mista Keviamé i no mekim stretim samting. Keviamé i tok em i gat pawa long lukim tim, na bihain senisim na

oraitim.  
Dispela em i no gutpela tru. Mi ting Keviamé i kalap i go insait long wok bilong ol selekta na kosa. Wok bilong Keviamé em long oraitim tim tasol. Sapos Keviamé i senisim tim, dispela i min em i nogat bilip long ol selekta na kosa.  
Keviamé i bilong Mendi. Na dispela pasin em i mekim long rausim Kapia na kisim Rema i soim stret wantok sistem pasin.  
Mi askim presiden Keviamé long risain long mekim kain rabis pasin olsem.

**Jeffrey Kamia  
RABAUL**

# Nohu helpim Tigers i win long Wau

GUTPELA bikpela bilong Donatus Nohu i helpim Tigers i winim Royals, 18-8 long bikpela A gret gem bilong Wau Ragbi Lig long las wiken.  
Dispela gutpela gem i bin kamap long Wau Spot Oval. Na planti manmeri i bin amamas tru long lukim.  
Win bilong Tigers i bin kamap taim Donatus Nohu i bin go pas long sapatim ol wan pilaia, na bringim Tigers i go antap long 18 poin, na Royals long 8.

Banabas, Leslee Koimai, na Donatus Nohu i bungim gut pilai na skulim stret ol Royals pilaia.  
Long takel, ol dispela pilaia bai go pas wantaim gutpela sapat bilong ol wan pilaia.  
Ol trai bilong Tigers i kam long Nony, Harvey na Nohu yet.  
Royals i bin abrusim wanpela gol kik bilong ol. Na ol tu i abrusim tupela trai em inap long helpim ol long winim Tigers.  
Tupela trai bilong Royals i kam long David Mano. Gol kik bilong ol dispela tupela trai i popaia.

Ol nem pilaia bilong Tigers olsem Samuel Kafo, Wilu, Maima, Harvey

# Ol Balimo putim paia long Souths

OL arapela tim long

Kiunga i mas lukaut nau long Souths. Bikos las Sande, Souths i paia narakain stret na wilwilim Royals 34-14.

Long tupela gem i go pinis, Souths i win tu long bikpela skoa tasol. Egensim Magani, Souths i win 24-8, na bihain em i autim United 44-12.

Tupela nupela pilaia bilong Balimo, faiv eit Dabe Mase na winga Busisi Dadimo i go pas long ol dispela win bilong Souths.

Mase i skoarim tupela trai, na Dadimo i skoarim tupela trai tu. Tupela i givim gutpela sapat stret long insait senta Somono Maitona, prop Paul Herepe na seken rowa Eric Kutika. Herepe na Kutika i skoarim wanpela trai tu.

Ol pilaia bilong Royals i no pilaim gutpela gem tumas. Souths i som stret olsem em i gat moa ekspiriens pilaia, husat i gat moa spit.

Tasol Royals i traim olgeta samting em i ken na hatwok bilong ol i karim kaikai liklik. Seken rowa John Gra-woe, lephan winga Saisame Aragu na huka Wiru Kalara, wantaim wanpela gutpela gol kik bilong Amos Sago. Huka Kalara em wanpela pilaia husat i

no sotwin o pret long salens bilong Souths. Em i pilai strong tru. Tasol i nogat gutpela sapat.

Na insait senta bilong Ambangs, Mara Kubu i pilaim gutpela gem na helpim tim bilong em long dro wantaim United 24-24. Kubu i skoarim wanpela gutpela las minit trai sem na taim belo bilong ful taim i kraik.

Olgeta ai i pas long Kubu husat i laik kikim gol kik long dispela trai em yet i skoarim. Em kikim gut dispela bal i go namel long tupela gol pos, na tupela tim i pas long skoa.

Dispela em namba tu dro bilong Ambangs. Las wiken Ambangs i dro wantaim Royals 10-10.

Brothers na Magani i go pas nau long lata bilong resis. Tupela wantaim i bung long soim strongpela salens, tasol dispela i no bin kamap.


Tupela i dro 22-22. Tasol gem bilong tupela i no kamap gut wantaim stail.

Long hap taim, Brothers i bin go pas long skoa 22-4. Ol trai bilong Brothers i kam long insait senta Herman Lukara (ttupela), prop Sipak Siwi na seken rowa John Yoba.

# CAMBRIDGE KING SIZE



# CAMBRIDGE



*Kas bilong Emil* - Faiv eit bilong Kumul, Aquila Emil i kisim dispela liklik fleg i soim olsem em i bin pilai long Kumul tim egensim Gret Briten Lions long Tes gem.



# John Markham smelim Kumul jesi Yangpela Gene laik mekiñ nem

## SAPE METTA i raitim

**Nem:** John Markham  
**Krismas:** 26  
**Marit:** Yes  
**Longpela:** 173 sentimita  
**Hevi:** 90 kilogrem  
**Ples:** Sine Sine, Simbu provins.  
**Posisen:** Seken ro/Senta  
**Klap:** Paragon Royals  
**Lig:** Goroka

**Stat pilaim A gret gem:** 1987  
 1986 (Junia Kumul vs Nu Silan Kiwis), Hailans/Noten Son vs Gret Briten Lions (1988), Noten Son (1989), Noten Son vs Gret Briten Lions (1990), Noten Son vs Frans Roosters (1991), Noten Son vs Australian Kangaroos (1991), stap insait long Goroka skwat bilong Intra Hailans Son trails (1992).

Dispela boi Sine Sine em i wanpela nambawan strongpela pilaia bilong Royals A gret tim long Goroka Winfield Lig resis. Em i gat nem pinis long pilai long ol bikpela gem long 7-pela taim olgeta. Dispela em long 1986 yet taim em i stat makim kantri olsem Junia Kumul pilaia.

Em i no putim Kumul jesi yet, na i gat bikpela laik tru long putim wanpela. Dispela kain driman em planti arapela pilaia bilong Papua Niugini i gat. Ol i laik makim kantri bilong ol.

Markham i gat bihainim ol arapela nem pilaia bilong Simbu olsem olpela Kumul kepten, Bal Numapo.

Wanpela bikpela samting long laip bilong Markham em long pilai insait long Junia Kumul tim egensim Nu Silan Kiwis long Nu Silan. Dispela em long 1986.

Markham i gat liklik toksave bilong ol yangpela




### • Markham ... laik putim mak tu long sinia Kumul tim.

pilaia long kantri. Dispela em ol pilaia husat i gat wankain driman long mekim nem, na i laik makim kantri bilong ol long Kumul tim.

Em i tok: "Yupela ol junia pilaia i mas putim ai long trening. Na lusim pasin bilong dring tumas bia na ol arapela strongpela dring, na mekim bikhet pasin."


## SAPE METTA i raitim

**Nem:** Stanley Gene  
**Krismas:** 18  
**Marit:** Nogat (singel boi)  
**Hevi:** 72 kilogrem  
**Ples:** Bolen, Simbu provins.  
**Posisen:** Hap bek/Faiv eit  
**Klap:** Paragon Royals  
**Lig:** Goroka Winfield Lig  
**Stat pilai:** 1990  
 Namba wan ripresentativ gem: Junia Goroka sait (1991), Goroka sinia sait (1992).  
 Pilaia yu gat rispek: Ipisa Wanega (olpela Kumul fulbek)  
 Pilaia yu save painim hat long take-lim: Andy Noah.  
 Pilaia husat i givim bikpela helpim long yu: John Markham na Koni Kepi  
 Bikpela awot: Winim "Player of the Year" awot long Royals Ragbi Lig Klap.  
 Driman: Long makim Papua Niugini insait long Kumul tim.



### • Gene ... i no pret long wanpela samting.

Yu pret long wanpela samting: Nogat  
 Sampela toktok long mekim: "Bilip long "Greatest Game of All".



*Boge i gat bikpela sans* • Kumul fulbek Philip Boge (Namba 1) i laik abrusim Shaun Edwards bilong Gret Briten Lions long Tes gem las Sande. Boge i lukautim gut trai lain bilong Kumul. I gat bikpela bilip olsem Boge bai i kamap wanpela nambawan Kumul pilaia long bihain taim.

## Pait long top 8 posisen stat long Mosbi

KLOSTU bai raun wan bilong Mosbi Winfield Lig i pinis na bikpela pait i kamap nau long winim top 8 posisen.

I gat tupela moa raun i stap bihain long gem bilong dispela wiken. Na 8-pela tim tasol bai pilai long resis bilong namba tu raun. Narapela 5-pela tim bai lusim sans.

Bikos long Tes gem long las wiken namel long Kumul na Lions, na sampela gem bilong raun 11 bai kamap long dispela wiken. Dispela wiken Tarangau bai bungim Seagulls long Fraide nait. Na long bikpela gem bilong Sarere, Souths bai wilwilim DCA.

Long Sande, Lloyd Robson oval bai meknais taim Hawks i

bungim Kone Tigers, na Magani bai traime pawa bilong Brothers long bikpela A gret gem, bipo long Inta Siti priliminari fainal namel long Mendi Muruks na Mosbi Vipers.

Ol tim husat i mas pait strong stat long dispela wiken long soim pes long namba tu raun em Hawks, Souths, Royals, Tarangau, Magani na Kone Tigers.

Tripela top tim, Wes, Air Niugini na Difens i win long las wiken egensim Waliya, Paga na Royals. Lukluk long ol gem i stap yet, olgeta tripela top tim wantaim Brothers i winim pinis sans long pilai long namba tu raun (lukim poin lata long pes 4 na 5).

Tigers i mas traime long Hawks long Sande, wantaim tupela moa gem. Tasol sans bilong em bai hangamap tasol long ol namel tim, sapos ol i lusim sampela gem.

Primia tim bilong las yia, Tarangau i gat bikpela sans long memeim Seagulls long Fraide nait, na kalap i go antap moa long lata. Na long Sarere, Souths i gat wankain sans long nekim o boi Porebada bilong DCA.

Long Sande, Hawks i mas redi long winim strongpela Tigers tim. Tigers aninit long lukaut bilong Charlie Maiva wantaim helpim bilong ol pilaia olsem Ono Ono, Ivan Turia, na Gordon Haru long wing.



• Fulbek bilong Royals i autim bal egensim Wes long bikpela A gret gem bilong Mosbi Winfield Lig long las Sande. Royals i paia long namba wan hap. Tasol long namba tu hap, Wes i mekimsave stret long ol plisman.

## Ansa bilong win i stap long fowat lain

### IAN KAKARERE i raitim

DISPELA Sande, Souths i mas soim Brothers olsem ol tim i noken pilai kaskas long em. Bikos em i gat bikpela laik na redi pinis long winim 1992 Kiunga Ragbi Lig primia taitel.

Souths i sindaun long namba tri ples nau wantaim 10-pela poin. Ol i ran bihain tasol long Brothers wantaim 11-pela poin.

Souths i mas winim Brothers long Sande. I gat bikpela bilip olsem Ambangs bai nekim Magani. Na dispela bai givim gutpela sans stret long Souths long tekova long lata.

Sans bilong Souths long win bai hangamap long ol fowat pilaia bilong em olsem seken rowa Eric

Kutika, na tupela prop Nicks Agisa na Paul Herepe.

Fowat lain bilong Brothers i mas wokhat moa long ful 80 minit, na kisim gutpela bal long kliam rot bilong ol beklain pilaia.

Tasol ol fowat pilaia bilong Brothers i gat nem long givim ol strongpela mekimsave takel na ran. Pilaia na kosa John Yoba bai go pas long fowat lain. Em bai kisim sapot bilong lok Paul Muld na tupela prop, Kelly Haro na Sipak Siwi.

Pait bai stap namel long tupela fowat lain nau. Olsem na wanem fowat lain i strong bai winim dispela gem.

Hap bek bilong Brothers Nelson Gamai i stap nau long Mosbi. Olsem na Brothers bai lusim helpim bilong em.



# Lae bai i nogat sisen propa resis long wiken

LAE Winfield Lig i bai i nogat gem bilong sisen propa resis long dispela Kwins Betde wiken. Presiden George Mack i tok planti gutpela pilaia bilong wanwan tim i stap insait long skwat bilong Noten Son trails. Long dispela as na George i stapim olgeta gem bilong wiken.

Trails bai kamap long Madang long namba 6, 7 na 8 de bilong mun Jun, 1992.

"Nau yet wanwan tim i gat planti pilaia long Noten Son skwat. Na sapos sisen propa resis i kamap long dispela wiken,

## Namaliu amamas long PNGRFL na Winfield Kampani

INTANESANEL Bod bilong Ragbi Lig i bin holim wanpela bikpela kibung long Madang long Fraide Me 29, 1992.

Long dispela kibung, Prait Minista Rabbie Namaliu i tok em i amamas long gavman bilong em, Papua Niugini Ragbi Futbal Lig wantaim sponsa, Winfield kampani long wok bung wantaim long bringim stended bilong gem i goap long kantri. Na tu long kamapim gutpela pren wantaim ol arapela kantri husat i bung wantaim long mekim ragbi lig spot i kamap bikpela moa.

Las yia, gavman bilong Namaliu i putim K100,000 bilong statim Kumul Dvelopmen Fan, taim Kumul tim i laik pilai raun i go long Gret Briten na Frans long Yurop. Namaliu i tok dis-

gem bilong ol dispela tim bai i no inap gutpela," George i tok.

Olsem na olgeta sisen propa resis bai i no inap kamap long dispela wiken.

## Westpac Midwik resis kisim ples

Westpac Midwik resis bai kamap long kisim ples bilong ol sisen propa gem.

Panthers wantaim Royals bai bung long namba wan gem bilong Sande Jun 7. Na Tarangau bai traime bun bilong Brothers

long bikpela gem long 30 minit i lusim 4 klok apinun (4.30pm).

Long poin lata bilong Lae Winfield Lig, Tarangau i go pas wantaim 12-pela poin, na Brothers i bihainim wantaim 8-pela poin. Olsem na dispela Sande, tupela bai traime bun long bikpela gem bilong Westpac Midwik Kompetisen. Westpac Beng i sponsaim dispela resis wantaim K2,000 prais mani.

Dispela yia, 1992 sponsasip mani i bilong ol A gret tim tasol. Olgeta junia gret em i stap aninit long lukaut bilong Coca Cola

kampani.

Nau yet George i tok dispela Midwik Kompetisen i ran gut tru. Na planti pilaia husat i no pilaia long sisen propa resis bilong Winfield Kap i yusim dispela Midwik Kompetisen long strongim gem bilong ol.

Lukluk long ol dispela sponsasip bilong

olgeta kampani, George i tok em i gat bikpela amamas long Westpac na ol arapela kampani husat i go pas long sponsaim wanwan klap long Lae Winfield Lig.

pela mani inap divelopim ragbi lig long skul i go inap long intanesenel level.

"Bikpela tingting em long divelopim stail bilong ragbi lig long skul long ol liklik klap long viles, na ol arapela liklik distrik. Em i tok taim em i putim K100,000 bilong statim Kumul Dvelopmen Fan, em i putim olgeta gutpela rot i stap long yusim dispela mani. Na tu long gutpela wok bung namel long wanwan kantri husat i pilai ragbi lig.

Nau yet Namaliu i amamas long Intanesenel Bod. Blkos ol i makim Papua Niugini na Madang long holim dispela bikpela kibung. Tasol em i tok gavman bilong Papua Niugini bai i no inap go pas long ranim wok bilong spot.



• Insait senta bilong Kumul, August Joseph i daunim het na go insait long takel bilong Lions pilaia long Tes gem bilong las Sande long Mosbi. August i pilaim namba wan gem long Kumul tim. Tasol em i pilai gut tru. Olsem na em i stap insait long Kumul tim gen long go pilai raun long Nu Silan na Australia long pinis bilong dispela mun.

## NSW Lig bai kibung na testim ol pilaia long AIDS

NSW Ragbi Lig bai holim wanpela bikpela kibung na toktok long kamapim wanpela polisi o lo bilong sik AIDS.

Eksekutiv asisten bilong NSW Lig, Greg Mitchell i tok wanwan klap, NSW Pilaia Yunien na ol save-man bilong HIV i ken kamap, na givim sampela aidia long kamapim dispela polisi. HIV em jem nogut bilong karim sik AIDS i go long ol arapela manmeri.

Mitchell i tok i gat bikpela sans long ol pilaia i kisim AIDS. Bikos long ragbi lig, pilaia i ken kisim oagarap na pilai wantaim blut. Na sapos dispela pilaia i gat AIDS, blut bilong em i ken pas long ol arapela pilaia. Na dispela i ken mekim ol arapela pilaia i kisim AIDS.

Mitchell i tok John Ribot bilong Brisben Broncos i bin bringim dispela toktok bilong kamapim AIDS polisi long bikpela eksekutiv kibung bilong ol.

"Mipela bai amamas long lukim NFL long helpim

mipela long stat wok," Mitchell i tok.

Amerika Nesenel Futbal Lig i toktok nau long mekim wanpela sem lo bilong testim ol pilaia long AIDS o nogat. NSRL i toktok pinis long givim wanpela kain sut o marasin long olgeta pilaia. Dispela em long stapim hepatitis B long kalap long planti pilaia.

Wanpela trening projek i kamap pinis Cronulla Sutherland. Na 40,000 pilaia bilong dispela Stet o provins bai olgeta i kisim sut.

Nu Yok Times Nius Sevis i ripot olsem olgeta trena na ripresentativ bilong wanwan 28 tim bilong NFL i bin kibung long Wasington, Amerika long las wik long holim wanpela bikpela semina o kibung. Insait long dispela kibung ol bai toktok long ol marasin bilong lig, strongpela dring, na marasin nogut em ol pilaia i save yusim long pilai, na askim bilong testim ol pilaia long HIV jem bilong sik AIDS.



*Boge nogat rot* • Fulbek bilong PNG Winfield Kumul, Philip Boge i bainim olsem i nogat rot. Tupela Gret Briten Lions pilaia i banisim rot pinis. Insait senta August Joseph i redi long helpim Boge. Kumul inap long winim dispela Tes gem. Tasol ol pilaia i bagarap na Lions i laki long win 20-16.

# Winfield League '92



# SIPAKI MAIK

TASOL NOGAT... OL I KAM HENKAPIM EM NA KARIM EM IGO...



OL I GO KAMAP LONG STESIN NA MAIK I LUKIM DRAIVA I SANAP I STAP...



MAIK I TING OL POLIS KISIM EM TU NA EM TOKTOK WANTAIM EM...



TASOL DRAIVA SUBIM NUS NA SIMUK WANTAIM NA I NO HARIM TOK BILONG EM...



TAIM MAIK I HARIM OLSEM, EM BELHAT NA BIKMAUS LONG EM...



TARANGU, EM YET I BEL-ALIT NA KAIKAI TIT WANTAIM IGO LONG PLES...



## PERSONAL LOANS

Husat i halivim yu long kisim ol samting yu laikim tru?

Sapos yu laikim nupela ka o ol samting bilong haus, PNGBC ken givim yu dinau long baim ol dispela samting.

Yu mas gat gutpela wok na sampela seving long haus moni. Na i no hat tumas long bekim dispela dinau.

Askim long haus moni bilong PNGBC. Bai mipela halivim yu long kisim ol samting yu laikim - emi tru!





# REPO



## OL SAVEMAN BILONG BISNIS YUSIM OL!

*Lister*

LT1 5 KVA  
● TOTALLY PORTABLE ENERGY SOURCE  
● IDEAL UNIT FOR VILLAGE LOCATIONS

TS2 8.5 KVA  
● 3 PHASE OR SINGLE PHASE POWER  
● COMPACT AND EFFICIENT


HR3 26.25 KVA  
● IDEAL COMMERCIAL BACKUP SYSTEM

CS6 58 KVA  
● INDUSTRIAL CAPACITY  
● WILL HANDLE MAXIMUM DEMAND FOR  
POWER ANYTIME

**Brian Bell Stores**

- BOROKO — 25 5411
- LAE — 42 1433
- GOROKA — 72 1098
- MT. HAGEN — 52 1999
- RABAU — 92 1966





# TELEUISEN na MUSIK



## PNG TOP 20

AS AT 30/05/92

NUMBER	SONG	ARTIST
1 (1)	Nuroue Ke Iau	Telex
2 (4)	Susan Lewa	Misfits
3 (2)	Seng Guge Fo	Rex Band
4 (3)	Tutu Arenge	Henry Kuskus
5 (5)	Meri Waskuk	Sagothorns
6 (10)	Sup Wantok	Chris Kuskus
7 (7)	Awara Mei	Pongoros
8 (6)	Kekeni	B Jaccs
9 (8)	Kas Blong Mi	Itambu
10 (9)	Pore Vavine	Helgas
11 (11)	Secky	Junior Kopex
12 (14)	My Island B'Ville	Crisis Survivors
13 (15)	Peaceful Harbour	Cornerstones
14 (13)	Kerema	Hollie Maia
15 (17)	Lord I'm Coming	Kelly Walter
16 (19)	Bada Bada	Higher Vision
17 (18)	Revival Is Here	Max Manimbi
18 (20)	You Are The King	Voice In The Wind
19 (0)	Jisas I Nambawan	Basics
20 (0)	Missing You	Voice In The Wind

• Compiled by Kalang Radio.  
 • The programme is heard on Kalang Radio at 10am every Saturday.

## AMERIKA TOP 10

**NU YOK:** Billboard megesin i makim ol dispela singsing long Amerika top 10 long Pop Singles. (Ples bilong ol long las wik i stap long karamap).

### POP SINGLES

- (1) *Jump* - Kris Kross.
- (2) *My Lovin'* - En Vogue.
- (6) *Under the Bridge* - Red Hot Chili Peppers.
- (5) *Live and Learn* - Joe Public.
- (3) *Bohemian Rhapsody* - Queen.
- (7) *Tears in Heaven* - Eric Clapton.
- (4) *Save the Best for Last* - Vanessa Williams
- (8) *Ain't 2 Proud 2 Beg* - TLC.
- (9) *Everything About You* - Ugly Kid Joe.
- (12) *In the Closet* - Michael Jackson.

## Warbat na Painim Wok traim Mosbi So

FRANCIS ULIAU i raitim

WANPELA biknem man bilong wokim musik na kain kain trik wantaim gita long Rabaul bai soim stail bilong em long Mosbi So.

Na dispela man em John Warbat, man husat i save pilaim lid gita bilong *Painim Wok* ben. Na long taim bilong katim ol kaset, em i save helpim tu long pilaim ol arapela gita olsem bes na ritim.


*Painim Wok* ben nau i gat wanpela kaset bilong ol i kam ausait na i stap nabaut long ol stua we i save salim ol kaset bilong Pasifik Gol. Olsem na long strongim dispela kaset na helpim em, John Warbat bai soim kain kain stail bilong em long Mosbi.

Na ol ripot i tok tu olsem em bai pilai wantaim ol boi bilong em long *Painim Wok* ben yet. Dispela em Kennedy Toliman na Henry Maniot. Tasol mipela i no klia sapos George Telek bai kam tu o no gat.

Telek i no memba bilong *Painim Wok* ben. Tasol long sampela taim olsem long dispela kaset bilong *Painim Wok* em ol i kolim long "I Go I Kam", Telek i bin singsing long *Marmari Vali* long sait A.

Tasol i luk olsem ol boi bilong Pasifik Gol Studio long Mosbi bai givim han long Telek taim em i pilai long Mosbi So long Sarere, Sande na Mande.

Olabei, toktok long Pasifik Gol Studio long Mosbi, namba wan bung bilong lukim nupela studio bai kamap long neks wik. Na em



•Nupela kaset bilong *Painim Wok* ben nau i stap long ol stua nabaut.

bai sans bilong lukim kain nupela studio em Greg Seeto wantaim ol lain bilong em i gat long Pasifik Gol. Ol tok

win i kamap olsem planti samting nau long studio bai wok long kompyuta. Man! Sans tru nau ya!

Orait toktok long *Painim Wok* ben, ol dispela lain i gat narapela kaset i stap nau long ol stua olsem mi bin tok pastaim long en. Na long dispela kaset i gat 9-pela singsing.

Olgeta namba wan 5-pela singsing long sait A i stap long tok ples yet. Na tupela singsing tasol long sait B i stap long *Tok Pisin*. Dispela tupela singsing em namba 1, *I No Laik Rok* na namba 3 singsing, *Em i Kam, Em i Go*. Narapela tupela i stap long tok ples.

John wantaim Kennedy yet i bin raitim na wokim planti singsing long dispela kaset. Na Henry i kam tasol na helpim tupela long paitim kundu bilong ol waitman.

Ol i bin katim dispela kaset long mun Mas long las ya long Rabaul.

Dispela ben *Painim Wok* i bin stat long 1983 yet. Na long dispela taim i kam inap nau, ol i katim pinis 11-pela kaset.

Na dispela kaset bilong *I Go I Kam* nau i bringim namba bilong ol kaset bilong *Painim Wok* i go antap long 12-pela.

Olsem na ating *Painim Wok* i gat nem pinis long katim planti kaset tru long Papua Niugini.



Chin H Meen tu redi long Mosbi So...Lista Laka bilong Chin H Meen studio long Mosbi i wok long redim ol samting bilong katim ol kaset. Chin H Meen bai salim tu ol sampela nupela kaset long taim bilong So.



## EMTV

THURSDAY 4TH JUNE, 1992

- 5.00 TEST PATTERN AND MUSIC
- 6.27 STATION OPEN
- 6.30 ITN NEWS (G)
- 7.00 TODAY SHOW (G)
- 8.58 EMTV TOK SAVE (G)
- 9.00 STATION CLOSE
- 12.13 STATION RE-OPEN
- 12.15 ENVIRONMENT DAY SPECIAL
- 1.13 EM TV TOK SAVE
- 1.15 MIDDAY SHOW WITH RAY MARTIN (G)
- 2.30 SESAME STREET
- 3.30 KIDS KONA
- 4.00 MAGILLA GORILLA
- 4.30 TEENAGE MUTANT NINJA TURTLES
- 5.00 GET SMART (G)
- 5.27 EMTV TOK SAVE
- 5.29 EMTV NEWS BREAK (G)
- 5.30 HOME AND AWAY (G)
- 6.00 NATIONAL EMTV NEWS
- 6.30 A CURRENT AFFAIR (G)
- 7.00 SALE OF THE CENTURY
- 7.30 NEIGHBOURS (G)
- 7.52 EMTV TOK SAVE (G)
- 8.00 HEY DAD
- 8.30 FRIDAY NIGHT FOOTBALL
- 10.30 FRIDAY NIGHT MOVIE "Bat 21" (G)
- 12.00 NATIONAL EMTV NEWS
- 12.27 MEDITATION WITH PASTOR WALO ARNI
- 12.30 STATION CLOSE

6.30 ITN NEWS (G)

- 8.00 TODAY SHOW (G)
- 8.58 EMTV TOK SAVE
- 9.00 STATION CLOSE
- 12.13 STATION RE-OPEN
- 12.15 ENVIRONMENT DAY SPECIAL
- 1.13 EM TV TOK SAVE
- 1.15 MIDDAY SHOW WITH RAY MARTIN (G)
- 2.30 SESAME STREET
- 3.30 KIDS KONA
- 4.00 MAGILLA GORILLA
- 4.30 TEENAGE MUTANT NINJA TURTLES
- 5.00 GET SMART (G)
- 5.27 EMTV TOK SAVE
- 5.29 EMTV NEWS BREAK (G)
- 5.30 HOME AND AWAY (G)
- 6.00 NATIONAL EMTV NEWS
- 6.30 A CURRENT AFFAIR (G)
- 7.00 SALE OF THE CENTURY
- 7.30 NEIGHBOURS (G)
- 7.52 EMTV TOK SAVE (G)
- 8.00 HEY DAD
- 8.30 FRIDAY NIGHT FOOTBALL
- 10.30 FRIDAY NIGHT MOVIE "Bat 21" (G)
- 12.00 NATIONAL EMTV NEWS
- 12.27 MEDITATION WITH PASTOR WALO ARNI
- 12.30 STATION CLOSE

6.30 HEY HEY IT'S SATURDAY

- 8.30 WINFIELD CUP
- 8.52 EMTV TOK SAVE
- 10.27 EMTV NEWS UPDATE
- 10.30 MTV
- 12.30 NATIONAL EMTV NEWS
- 12.57 MEDITATION
- 1.00 STATION CLOSE

SUNDAY 7TH JUNE 1992

- 10.57 STATION OPEN
- 11.00 WIDE WORLD OF SPORT
- 1.00 BUSINESS SUNDAY
- 2.00 SUNDAY
- 3.30 LUMEN 2000
- 4.00 SPORTS SUNDAY
- 5.55 CHIN H MEEN SUPER-SOUND NEW RELEASE
- 6.00 NATIONAL EMTV NEWS
- 6.30 SUNDAY NIGHT FOOTBALL
- 7.30 60-MINUTES
- 8.30 CHIT CHAT WITH SIR PAULIAS MATANE
- 8.35 SUNDAY NIGHT MOVIE: "Benji The Hunter" (G)
- 10.00 MAN ABOUT THE HOUSE
- 10.30 GUNSMOKE (G)
- "I Have Promises to Keep"
- 11.30 EMTV NATIONAL NEWS REPLAY
- 11.57 MEDITATION
- 12.00 STATION CLOSE

FRIDAY 5TH JUNE 1992

- 6.00 TEST PATTERN AND MUSIC (G)
- 6.27 STATION OPEN

SATURDAY 6TH JUNE 1992

- 10.27 STATION OPEN
- 10.30 SKY ROCK
- 12.00 ISRAEL -THE KIBBUTZ
- 12.30 GILLETTE (G)
- 1.00 WIDE WORLD OF SPORTS
- 5.00 BEYOND 2000
- 6.00 NATIONAL EMTV NEWS

G General Exhibition  
 PGR Parental Guidance Required  
 AO Adults Only



# Word Publishing

I go het wantaim PNG


Ol Engliken, Katolik,  
Lutheran na Yunaitet  
sios i amamas long  
bung wantaim long  
wokim ol nius



## WANTOK

NIUSPEPA BILONG PAPUA NIUGINI STRET

PNG's Tok Pisin newspaper



# THE TIMES

of Papua New Guinea

PNG's award winning newspaper



PNG  
**BUSINESS**

Vol 2 10

Audited Distribution 9170

reporting on the business community



## SPORTS

Weekend

for complete sport coverage

Ol 2 milien memba bilong Engliken, Katolik,  
Lutheran na Yunaitet sios i amamas long stap  
olsem papa bilong dispela wok long  
kamapim ol nius

# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.